

IFAB®

THE
INTERNATIONAL
FOOTBALL
ASSOCIATION
BOARD



FIFA®




THEIFAB.COM
SINCE 1886



Pravila fudbalske/ nogometne igre

2017/18





PRAVILA FUDBALSKE/NOGOMETNE IGRE 2017/18

Publikaciju priredili:

Elmir Pilav, Ibrahim Hasanbegović

Izdavač:

NS/FS BiH

Za izdavača:

Jasmin Baković

Stručni saradnici:

Salem Prolić, Dragan Banjac, Zoran Rebac,
Džemal Čalija, Tarik Kečo

Tehnička priprema i štampa:

ERMEX d.o.o.

Tiraž:

1500



FIFA®



THEIFAB.COM
SINCE 1886

The International Football Association Board
Münstergasse 9, 8001 Zurich, Switzerland
T: +41 (0)44 245 1886, F: +41 (0)44 245 1887
www.theifab.com

This booklet may not be reproduced or translated in whole or in part in any manner without the permission of The International Football Association Board.

Effective from 1st June 2017

Pravila fudbalske/ nogometne igre

2017/18

Sadržaj

11 Uvod

- 13 Filozofija i duh Pravila nogometne igre
- 14 Upravljanje promjenama Pravila nogometne igre
- 16 Razlozi za reviziju Pravila za sezonu 2017/18
- 18 Budućnost

20 Bilješke o pravilima nogometne igre

23 Pravila fudbalske/nogometne igre 2017/18

- 24 Modifikacija Pravila nogometne igre
- 34 01 Teren za igru
- 54 02 Lopta
- 62 03 Igrači
- 82 04 Oprema igrača
- 94 05 Sudija
- 114 06 Ostali članovi sudijskog tima
- 134 07 Trajanje utakmice
- 142 08 Početak i nastavak igre
- 150 09 Lopta u igri i izvan igre
- 156 10 Određivanje ishoda utakmice
- 170 11 Ofsajd
- 184 12 Prekršaji i nesportska ponašanja
- 194 13 Slobodni udarci
- 232 14 Kazneni udarci
- 246 15 Ubacivanje
- 256 16 Ubacivanje sa vrata
- 266 17 Udarac iz ugla

274 Praktična uputstva za službena lica utakmice

- 275 Uvod
- 276 Pozicioniranje, kretanje i timski rad
- 290 Govor tijela, komunikacija i pištaljka
- 296 Ostali savjeti
 - Prednost
 - Nadoknada izgubljenog vremena
 - Držanje protivnika
 - Nedozvoljena pozicija
 - Postupanje nakon žutog ili crvenog kartona

IFAB®



Uvod

IFAB®



Filozofija i duh pravila nogometne igre

Nogomet je najbolji sport na svijetu. Igra se u svakoj zemlji i na mnogim različitim nivoima. Pravila nogometne igre ista su za sve nivoe takmičenja širom svijeta, od finala FIFA Svjetskog prvenstva kao i za djecu koja igraju nogomet u najudaljenijim krajevima svijeta.

Da se ista Pravila primjenjuju u svakoj utakmici svake konfederacije, države, grada i sela širom svijeta je izuzetna snaga koja mora biti sačuvana. Ovo je također prilika koja se mora iskoristiti za dobrobit i popularizaciju nogometa svugdje u svijetu.

U nogometu moraju postojati pravila koja igru čine fer, sportskom i pravednom kao osnovni temelj ove "prelijepo igre" što je i vitalna karakteristika "sportskog duha" u igri. Najbolje utakmice su one u kojima je sudija rijetko potreban i gdje igrači igraju sa poštovanjem jedni prema drugima, sa poštovanjem prema službenim licima i sa poštovanjem pravila nogometne igre.

Integritet Pravila, kao i sudija koji ih primjenjuju, uvijek moraju biti zaštićeni i poštovani. Sve nadležne osobe, posebno treneri i kapiteni ekipa, imaju veliku odgovornost prema igri i poštovanju članova službenih lica i njihovih odluka.

Upravljanje promjenama pravila nogometne igre

Prva "univerzalna" Pravila nogometne igre osmišljena su 1863. godine, dok 1886. godine Međunarodni bord (IFAB) kao globalno svijetsko tijelo osnivaju četiri britanska nogometna saveza (engleski FA, skotski FA, velski FA i irski FA) čija je isključiva odgovornost razvijati i čuvati Pravila nogometne igre. FIFA se IFAB-u pridružila 1913. godine.

Da bi se promijenilo neko od pravila, IFAB mora biti uvjeren da će promjena koristiti nogometnoj igri. To ponekad znači da će prijedlog biti testiran. Na primjer trenutno su aktuelni eksperimenti "Video pomoći sudijama" i 4. zamjena u produžetcima. Za svaku predloženu promjenu, kao što se vidi u značajnoj i modernoj reviziji Pravila nogometne igre za 2016/17, fokus mora biti na: pravednosti, integritetu, poštovanju, sigurnosti, uživanju učesnika i tome kako tehnologija može koristiti igri. Pravila, također, moraju biti takva da podstiču svakog pojedinca da igra nogomet bez obzira na okruženje ili mogućnosti.

Iako se nezgode tokom igre događaju, Pravila bi trebalo da igru učine bezbjednom što je više moguće. Ovo zahtijeva da igrači pokažu poštovanje protivniku, a sudije treba da osiguraju bezbjedne uslove za igru, i da konstantno djeluju na one igrače čija je igra preagresivna i preopasna. Pravila nogometne igre zahtijevaju na neprihvatljivosti opasne igre kroz disciplinske izraze poput "preoštare igre" (opomena = žuti karton/ŽK) i "ugrožavanje sigurnosti protivnika" ili "korištenje prekomjerne sile" (isključenje = crveni karton/CK).

Nogomet mora biti atraktivan i ugodan za igrače, službena lica, trenere, kao i gledaoce, navijače, radnike u fudbalu itd. Pravila nogometne igre moraju pomoći da igra bude atraktivna i prijatna tako da ljudi, bez obzira na uzrast, rasu, religiju, kulturu, nacionalnost, pol, seksualnu orijentaciju, invaliditet i slično, žele da igraju nogomet i da uživaju u njemu.

Pravila nogometne igre su relativno jednostavna, u poređenju s drugim ekipnim sportovima, ali mnoge situacije su "subjektivne", a sudije su ljudi (i oni mogu pogriješiti) i neke njihove odluke će neminovno dovesti do mimoilaženja mišljenja. Za neke ljude ova mimoilaženja su dio uživanja i atraktivnosti igre, ali bez obzira da li su odluke ispravne ili ne, "duh" igre zahtijeva da se odluke sudija uvijek poštuju.

Pravila nogometne igre ne mogu da predvide svaku moguću situaciju, tako da tamo gdje ne postoji direktna odredba u Pravilima nogometne igre, IFAB očekuje da sudija doneše odluku u skladu sa "duhom" igre - što često uključuje postavljanje pitanja "Šta bi nogomet želio/očekivao? "

IFAB će nastaviti da sarađuje sa globalnom nogometnom porodicom tako da promjene Pravila nogometne igre koriste nogometu na svim nivoima i u svakom dijelu svijeta, a da se integritet igre, Pravila nogometne igre i sudije, poštuju, vrijednuju i budu zaštićena.

Razlozi za reviziju Pravila za sezon 2017/18

Revizija Pravila nogometne igre za sezonu 2016./2017. je vjerovatno najdalekosežnija i najsveobuhvatnija u historiji IFAB. Cilj je bio da Pravila nogometne igre budu jasnija, dostupnija i da se obezbijedi da održavaju potrebe modernog nogometa.

Kao i kod bilo koje velike revizije, uvijek postoji druga faza zbog kojeg su mnoge promjene za sezonu 2017/2018. objašnjene kako bi tekst bio jasniji i ili lakši za prijevod što je najviše rezultat zahtjeva pojedinaca, grupa i nacionalnih saveza iz cijelog svijeta.

Pored objašnjenja, postoje neke promjene koje su nastavci principa utvrđenih u reviziji 2016/2017., na primjer:

- filozofije o ublažavanja disciplinske kazne iz isključenja (CK) u opomenu (ŽK) za spriječavanje oćigledne prilike za postizanje pogotka" u kaznenom prostoru, ako je prekršaj napravljen u pokušaju da se igra loptom, sada će biti primjenjen i za prekršaje koji su pokušaj igranja loptom u "zaustavljanju obećavajućeg napada" u kaznenom prostoru, što se više neće kažnjavati opomenom (ŽK).
- kažnjavanje direktnim slobodnim udarcem igrača koji uđe na teren za igru bez dozvole sudije i utiče na igru, isto kao što je slučaj sa zamjenikom ili službenim licem ekipe.

131. Generalna godišnja skupština IFAB-a u Londonu 3. marta 2017. godine je odobrila neke značajne promjene kako bi pomogla razvoju i promociji nogometa, a to su:

- produžetak fleksibilnosti nacionalnih saveza (i konfederacija i Fife) kod modifikovanja nekih od "organizacionih" Pravila (npr. povećanje maksimalnog broja zamjena na pet, osim za najviši stepen takmičenja) kako bi se pomogla promocija i razvoj nogometa, jer IFAB vjeruje da svaki nacionalni savez najbolje poznaje šta je to što može da koristi nogometu u njihovoj zemlji.
- uvođenje privremenog isključenja (eng. sin bins) kao potencijalne alternativne kazne za dobijanje žutog kartona u takmičenjima za mlađe kategorije, veterane i nogomet za osobe s invaliditetom i rekreativnom nogometu (najniži nivoi nogometa).
- omogućavanje korištenja povratka zamjene u takmičenjima za mlađe kategorije, veterane i fudbala za osobe s invaliditetom (ovo se već primjenjuje u rekreativnom nogometu).

Detalji ovih važnih promjena se mogu pronaći u dijelu "Modifikacija Pravila nogometne igre".

Budućnost

IFAB je odobrio strategiju za period od 2017. do 2022. godine na uvid i razmotranje predloženih izmjena kako bi se vidjelo da li će one koristiti igri. Ovo će uključiti fokusiranje na tri važne oblasti:

- **Pravednost i integritet**

- da li će predložene promjene ojačati pravednost i integritet na terenu za igru?

- **Univerzalnost i priključivanje**

- da li će predložene promjene donijeti korist nogometu na svim nivoima širom svijeta?
- da li će predložene promjene ohrabriti veći broj ljudi iz svih okruženja i ljudi različitih mogućnosti i sposobnosti da uzmu učešće i uživaju u nogometu?

- **Rast tehnologije**

- da li će predložene promjene imati pozitivan uticaj na igru?

U narednim mjesecima, IFAB, koji radi na svojim stručnim panelima, će sprovesti široke konsultacije za nekoliko važnih tema u vezi Pravila, uključujući:

- Ponašanje igrača, s posebnom pažnjom na:

- ulogu kapitena
- mjere u borbi protiv gubljenja vremena
- efektivno vrijeme za igru

- Potencijalno pravedniji način izvođenja kaznenih udaraca za dobijanje pobjednika.

- Potencijalno pokazivanje crvenih kartona službenim licima u tehničkom prostoru.

- Igranje rukom.

IFAB će nastaviti eksperiment Video pomoći sudija u oko 20 takmičenja, uključujući i ona u nadležnosti Fife, preuzimajući eksperimente uživo po protokolu uspostavljenom 2016. godine. Pored toga, neka takmičenja će nastaviti sa eksperimentom četvrte zamjene u produžecima, i obaviće će se neka testiranja u vezi gubljenja vremena (uključujući i efektivno vrijeme igre), kao i potencijalno pravedniji način izvođenja kaznenih udaraca za dobijanje pobjednika. Odluke će se donijeti na 132. Generalnoj godišnjoj skupštini IFAB u 2018. godini.

Fokusiranjem na pravednost, univerzalnost i priključenje, kao i na tehnologiju, IFAB će nastaviti da razvija Pravila kako bi promovisao bolju igru na svakom terenu u svakom dijelu svijeta.

IFAB je izuzetno zadovoljan angažovanjem ljudi širom svijeta i uvijek sa zadovoljstvom i zainteresovanosti prima sugestije ili pitanja u vezi sa Pravilima nogometne igre. Zaista, mnoge promjene za 2017/18. su rezultat sugestija od ljudi iz različitih dijelova svijeta. Molimo vas da pošaljete Vaše sugestije ili pitanja na e-mail adresu: lawenquiries@theifab.com.

Bilješke

o pravilima nogometne igre

Službeni jezici

IFAB objavljuje Pravila nogometne igre na engleskom, francuskom, njemačkom i španskom jeziku. Ako postoji bilo kakva razlika u formulaciji engleski tekst je mjerodavan.

Ostali jezici

Nacionalni savezi koji prevode Pravila nogometne igre mogu dobiti od IFAB verziju Pravila za izdanje 2017/2018. putem e-mail adrese: info@theifab.com.

Nacionalni savezi koji koji štampaju prevedenu verziju Pravila nogometne igre u ovom obliku treba da pošalju kopiju IFAB kako bi bila postavljena na službenu stranicu IFAB-a, kako bi i drugi mogli da ih koriste.

Primjena pravila

Ista Pravila važe na svakoj utakmici u svakoj konfederaciji, zemlji, gradu i selu, osim izmjena dozvoljenih od strane IFAB (vidi "Modifikacije Pravila), Pravila se ne smiju modifikovati ili mijenjati.

Onima koji obučavaju službena lica i ostale učesnike, trebaju naglasiti da:

- sudije treba da primjenjuju Pravila u "duhu" igre kako bi pomogli da se utakmice završavaju na fer i siguran način.
- svi moraju da poštuju službena lica i njihove odluke, vodeći računa da su sudije ljudi i da će napraviti greške.

Igrači imaju veliku odgovornost za stvaranje imidža nogometne igre, i kapiteni ekipa treba da igraju važnu ulogu u nastojanju da se osigura poštovanje Pravila i sudijskih odluka.

Ključ

Glavne izmjene Pravila su podvučene i označene na margini. ŽK = žuti karton (opomena); CK = crveni karton (isključenje)

IFAB®



Pravila fudbalske/ nogometne igre

2017/18

Modifikacija

pravila
nogometne
igre

Univerzalnost Pravila nogometne igre znači da je igra u suštini ista u svakom dijelu svijeta i na svim nivoima. Kako bi se stvorilo "fer" i bezbjedno okruženje u kojem se igra, Pravila nogometne igre treba da promovišu učestvovanje i uživanje, odnosno zadovoljstvo.

Historijski gledano, IFAB je dozvoljavao nacionalnim savezima mogućnost modifikovanja "organizacionih" Pravila nogometne igre za pojedine kategorije nogometa. Međutim, IFAB dopušta nacionalnim savezima da koriste mogućnost ovih opcija za izmjenu kako bi nogomet u njihovim zemljama imao više koristi i bio još popularniji.

Kako se igra nogomet tako bi i suđenje trebalo da bude isto u svim nogometnim terenima u svijetu, od FIFA Svjetskog prvenstva do najmanjeg u najudaljenijem dijelu svijeta. Međutim, potrebe nogometa u različitim zemljama na planeti treba da utvrde koliko dugo igra treba da traje, koliko ljudi može da učestvuje i na koji način neko nesportsko ponašanje treba da bude kažnjeno.

Shodno tome, 131. Generalna godišnja skupština IFAB održana u Londonu 3. marta 2017. godine jednoglasno je odlučeno da nacionalni savezi (i konfederacije i FIFA) treba da sada imaju mogućnost, ako žele da je koriste, da naprave izmjene svih ili nekih od sljedećih organizacijskih dijelova Pravila nogometne igre u dijeli njihovih odgovornosti:

Za mlađe kategorije, veterane, nogomet za osobe s invaliditetom i rekreativni nogomet:

- veličina terena za igru
- veličina, težina i materijal lopte
- širina gola (između stativa) i visina gola (udaljenost prečke od tla)
- trajanje dva (jednaka) poluvremena utakmice (i dva jednakata poluvremena produžetaka)
- primjena povratka zamjenjenih igrača
- primjena privremenog isljučenja (sin bin) za neke ili sve opomene (žute kartone)

Za neke nivoje takmičenja uključujući prve timove na najvišim stepenima takmičenja ili nacionalne "A" reprezentacije:

- dozvoljen broj zamjena za svaku ekipu je maksimalno pet

Pored toga, da bi nacionalni savezi i dalje bili fleksibilni u svrhu koristi i razvijanja domaćeg nogometa, Generalna godišnja skupština IFAB-a odobrila je sljedeće promjene koje se odnose na pojedine „kategorije” nogometa:

- ženski nogomet nije više posebna kategorija i sada ima status jednak muškom nogometu
- starosna granica za mlađe kategorije i veterane je uklonjena - nacionalni savezi, konfederacije i FIFA imaju mogućnost da odluče o starosnom ograničenju za ove kategorije.
- svaki nacionalni savez treba da odredi koja takmičenja na najnižim nivoima nogometa se smatraju kao “rekreativni” nogomet.

Nacionalni savezi imaju mogućnost da odobre različite modifikacije za različita takmičenja – ne postoji uslov da se primjenjuje univerzalno ili za sve. **Ipak, osim ovih odobrenih nisu dozvoljene druge modifikacije.**

Nacionalni savezi treba da obavijeste IFAB o uvedenim modifikacijama, i na kojem nivou su uvedene, a posebno razlog(e) zašto su modifikacije uvedene, kako bi eventualno mogle da pomognu razvoju nogometa odnosno kako bi IFAB podijelio iskustvo sa drugim nacionalnim savezima.

IFAB je također veoma zainteresovan da čuje o drugim potencijalnim modifikacijama Pravila nogometne igre koja bi mogla da povećaju masovnost i učešće, da nogomet bude atraktivniji i još više promoviše globalni razvoj.

IFAB®



Uputstva za privremena isključenja (sin bins)

131. Generalna godišnja skupština IFAB-a održana u Londonu 3. marta 2017. godine odobrila je upotrebu privremenog isključenja (sin bin) za sve ili pojedine žute kartone u mlađim kategorijama, veteranim, nogometu za osobe sa invaliditetom i rekreativnom nogometu, uz saglasnost propozicija takmičenja nacionalnih saveza, konfederacija ili FIFA (u zavisnosti od nosioca takmičenja).

Tekst o privremenom isključenju se može naći u dijelu:

Pravilo 5 - Sudija (Prava i obaveze)

Disciplinske mjere

Sudija:

- ima pravo da pokaže žuti ili crveni karton, i gdje to Propozicije takmičenja dozvoljavaju, privremeno isključi igrača, od trenutka ulaska na teren za igru prije utakmice, pa sve do kraja utakmice, uključujući odmor između dva poluvremena, kao i tokom produžetaka i izvođenja kaznenih udaraca za dobijanje pobjednika.

Privremeno isključenje je kada igrač napravi prekršaj za žuti karton i kažnjava se trenutnom zabranom igranja u narednom dijelu utakmice. Smatra se da „trenutna kazna” može imati značajan i neposredan pozitivan uticaj na ponašanje igrača koji prave prekršaje kao i, potencijalno, na kompletну ekipu takvih igrača.

Nacionalni savez, konfederacija ili FIFA, treba da odobre (za objavljivanje u Propozicijama takmičenja) protokol o privremenom isključenju sa sljedećim uputama:

Samo igraci

- Privremeno isključenje se primjenjuje za sve igrače (uključujući vratare), ali ne i za prekršaje za žuti karton (ŽK) učinjene od zamjenika ili zamjenjenih igrača.

Znak sudije

- Sudija će označiti privremeno isključenje pokazivanjem žutog kartona, a zatim će jasno sa obje ruke pokazati prema prostoru za privremeno isključenje (obično igračev tehnički prostor).

Period privremenog isključenja

- Trajanje privremenog isključenja je isto za sve prekršaje
- Trajanje privremenog isključenja trebalo bi da bude između 10-15% ukupnog trajanja igre (npr. 10 minuta u utakmici koja traje 90 minuta; 8 minuta u utakmici koja traje 80 minuta)
- Vrijeme trajanja privremenog isključenja počinje u trenutku kada se igra nastavi nakon što je igrač napustio teren za igru.
- Sudija treba da uključi u trajanje privremenog isključenja i vrijeme koje će nadoknaditi na kraju svakog poluvremena (npr. zamjene, povrede itd.)
- Propozicije takmičenja moraju odrediti ko će pomoći sudiji u mjerenu vremena kod privremenog isključenja - to bi mogla biti odgovornost delegata, četvrtog sudije ili neutralnog pomoćnog sudije; ili bi to mogao biti predstavnik ekipe.
- kada je vrijeme privremenog isključenja isteklo, igrač može da se vrati u igru sa uzdužne linije uz dozvolu sudske komisije, koja može biti i dok je lopta u igri.
- Sudija donosi konačnu odluku o tome kada igrač može da se vrati.
- Privremeno isključeni igrač ne može biti zamijenjen dok ne istekne vrijeme privremenog isključenja (zamjene ne može biti ako je ekipa iskoristila sve dozvoljene zamjene).
- Ako trajanje privremenog isključenja nije isteklo na kraju prvog poluvremena (ili na kraju drugog poluvremena kada se igraju produžetci), preostali dio vremena se mora izdržati na početku drugog poluvremena (ili na početku produžetaka).
- Igraču kojem nije isteklo trajanje privremenog isključenja na kraju utakmice je dozvoljeno da učestvuje u izvođenju kaznenih udaraca za dobijanje pobjednika.

Prostor za privremeno isključenje igrača

- Privremeno isključeni igrač treba da ostane u svom tehničkom prostoru (gdje postoji) ili sa trenerom/tehničkim licem ekipe (osim u prostoru za zagrijavanje igrača) i to sa istim obavezama kao zamjenici.

Prekršaji prije / tokom / poslije privremenog isključenja

- Privremeno isključeni igrač koji napravi prekršaj za žuti karton (ŽK) ili crveni karton (CK) tokom privremenog isključenja ne može više učestvovati u daljem toku utakmice i ne može biti zamijenjen.

Dalje disciplinske mjere

- Propozicije takmičenja i Nacionalni savezi će odlučiti da li privremeno isključenje mora biti prijavljeno nadležnim organima i da li se dalji disciplinski postupak može voditi kao akumuliranje boja privremenog isključenja kao što je slučaj sa žutim kartonima.

Sistemi privremenog isključenja

Propozicije takmičenja mogu koristiti jedan od sljedećih sistema privremenog isključenja:

- Sistem A - za sve žute kartone (ŽK)
- Sistem B - za neke, ali ne sve žute kartone (ŽK)

Sistem A - privremeno isključenje za sve žute kartone (ŽK)

- Svi žuti kartoni se kažnjavaju privremenim isključenjem
- Igrač koji napravi prekršaj za dva žuta kartona na istoj utakmici:
 - bit će drugi put privremeno isključen i više ne može učestvovati na utakmici
 - može biti zamijenjen zamjenskim igračem na kraju drugog privremenog isključenja, ako ekipa tog igrača nije iskoristila maksimalan broj zamjena (smatra se da je ekipa već „kažnjena“ igranjem bez tog igrača dva puta)

Sistem B - privremeno isključenje za neke, ali ne za sve žute kartone*

- Unaprijed definisati popis prekršaja za žuti karton koji će biti kažnjavani privremenim isključenjem.
- Za sve ostale prekršaje samo se pokazuje žuti karton.
- Igrač koji je privremeno isključen, a onda dobije žuti karton nastavlja igrati.
- Igrač koji je dobio opomenu žuti karton, a zatim bude privremeno isključen, može da nastavi sa igrom nakon završetka trajanja privremenog isključenja.
- Igrač koji bude drugi put privremeno isključen na istoj utakmici će izdržati vremensku kaznu privremenog isključenja i više neće moći da nastavi sa igrom. Igrač može biti zamijenjen po završetku drugog privremenog isključenja ako ekipa tog igrača nije iskoristila maksimalan broj zamjena.
- Igrač koji dobije drugi žuti karton na istoj utakmici će biti isključen i ne može više učestvovati u daljem toku utakmice i ne može biti zamijenjen.

* Neke Propozicije takmičenja mogu odrediti da je svrsi shodno da koriste privremeno isključenje samo za žute kartone za prekršaje koji se odnose na „nesportsko ponašanje”, npr:

- Simuliranje
- Namjernog ometanja protivničke ekipe kod nastavka igre
- Negodovanje ili verbalna gestikulacija
- Zaustavljanje obećavajućeg napada držanjem, povlačenjem, guranjem ili igranjem rukom
- Nedozvoljeno fintiranje kod kaznenog udarca

Uputstvo za povratne zamjene

Nakon usvajanja na 131. Generalnoj godišnjoj skupštini IFAB-a održanoj u Londonu 3. marta 2017. godine, Pravila nogometne igre sada dozvoljavaju povratak zamjenjenih igrača u takmičenjima mlađih kategorija, veterana, osoba s invaliditetom i rekreativnom nogometu, ali samo po odobrenju Propozicija takmičenja nacionalnih saveza, konfederacija ili FIFE (u zavisnosti od nosioca takmičenja).

Tekst o povratku zamjenjenih igrača se može pronaći u dijelu Pravila:

Pravilo 3 - Igrači (broj zamjena):

Povratne zamjene

- Primjena povratnih zamjena je dozvoljena samo u takmičenjima mlađih kategorija, veterana, osoba s invaliditetom i rekreativnom nogometu, uz odobrenje nacionalnog saveza, konfederacije ili FIFE.

Pri „Povratku zamjenjenog igrača“ smatra se igrač koji je već igrao na utakmici i bio zamijenjen zamjenjeni igrač), i kasnije u toku utakmice se vraća u igru mijenjajući drugog igrača.

Osim mogućnosti da se zamjenjeni igrač vrati u igru na teren, sve ostale odredbe Pravila 3 i uopšte Pravila nogometne igre važe za povratak zamjenjenog igrača. Posebno, procedura zamjene navedena u Pravilu 3 se mora poštovati.

IFAB®



Pravilo

11

Teren za igru

1. Podloga na terenu za igru

Teren za igru mora cijeli biti prekriven prirodnom podlogom ili, ako pravila takmičenja dozvoljavaju, mora biti cijeli prekriven vještačkom podlogom, osim gdje pravila takmičenja dozvoljavaju kombinaciju vještačkih i prirodnih materijala (hibridni sistem).

Boja vještačke podloge mora biti zelena.

Kada se vještačke podloge koriste na takmičarskim utakmicama, bilo između reprezentacija saveza članica FIFE, ili međunarodnim utakmicama klupskih takmičenja, površina mora da zadovoljava uslove Koncepta kvaliteta FIFA za nogometnu podlogu ili Međunarodne standarde za vještačku podlogu, osim ako je IFAB odobrio izuzetak.

2. Obilježavanje terena

Teren za igru mora biti pravougaonog oblika i obilježava se neisprekidanim linijama koje ne smiju biti opasne po učesnike; vještački materijali se mogu koristiti za obilježavanje terena na prirodnoj podlozi samo pod uslovom da nisu opasni. Ove linije pripadaju prostoru koji obilježavaju.

Samo linije naznačene u Pravilu 1 mogu biti obilježene na terenu za igru.

Dvije duže granične linije zovu se uzdužne linije, a dvije kraće granične linije zovu se se poprečne linije.

Teren za igru podijeljen je na dvije polovine središnjom linijom, koja se obilježava od središnje tačke na uzdužnim linijama.

Na sredini središnje linije je obilježen centar. Oko centra je obilježen luk poluprečnika 9,15 m (10 jardi).

Moguće je obilježiti jedan znak izvan terena za igru na 9,15 m (10 jardi) od ugaonog luka i pod pravim uglom na poprečnu liniju i uzdužnu liniju.

Sve linije moraju biti iste širine, ne više od 12 cm (5 inca). Poprečne linije moraju biti iste širine kao stative vrata i prečka.

Gdje je u upotrebi vještačka podloga, druge linije su dozvoljene pod uslovom da su različitih boja i da se jasno razlikuju od nogometnih linija na terenu.

Ako igrač na nedozvoljen način obilježava teren za igru svojom nogom, mora dobiti žuti karton zbog nesportskog ponašanja. Ako sudija primjeti takav slučaj tokom utakmice, igrač će dobiti žuti karton u prvom sljedećem prekidu igre.

3. Mjere


Uzdužna linija mora biti duža od poprečne linije.

- | | |
|--|---|
| <ul style="list-style-type: none">• Dužina (uzdužna linija):
minimalno 90 m (100 yds)
maksimalno 120 m (130 yds) | <ul style="list-style-type: none">• Dužina (poprečna linija):
minimalno 45 m (50 yds)
maksimalno 90 m (100 yds) |
|--|---|

4. Mjere za međunarodne utakmice

- | | |
|---|--|
| <ul style="list-style-type: none">• Dužina (uzdužna linija):
minimalno 100 m (100 yds)
maksimalno 110 m (130 yds) | <ul style="list-style-type: none">• Dužina (poprečna linija):
minimalno 64 m (70 yds)
maksimalno 75 m (80 yds) |
|---|--|

Propozicije takmičenja mogu odrediti dužine uzdužne i poprečne linije unutar navedenih mjera.



5. Vratarev prostor

Dvije linije se povlače pod pravim uglom na poprečnu liniju na 5,5 m (6 jardi) od unutrašnje strane svakog stuba vrata. Ove linije se protežu u terenu za igru u dužini od 5,5 m (6 jard) i spajaju se linijom koja je paralelna sa poprečnom linijom. Prostor ograđen ovim linijama i poprečnom linijom naziva se vratarev prostor.

6. Kazneni prostor


Dvije linije se povlače pod pravim uglom prema poprečnoj liniji, 16,5 m (18 jardi) od unutrašnje strane svakog stuba vrata. Ove linije se protežu u terenu za igru u dužini od 16,5 m (18 jard) i spajaju se linijom koja je paralelna sa poprečnom linijom. Prostor ograđen ovim linijama i poprečnom linijom naziva se kazneni prostor.

U svakom kaznenom prostoru je obilježena tačka na 11 m (12 jardi) od sredine između stubova vrata na jednakoj razdaljini od njih. Ova tačka obilježava mjesto za izvođenje kaznenog udarca.

Od svake tačke za izvođenje kaznenog udarca obilježava se kružni luk poluprečnika 9,15 m (10 jard) izvan kaznenog prostora.

7. Ugaoni prostor

Od svakog ugaonog stuba sa zastavicom obilježena je četvrтina kruga poluprečnika 1 m (1 jard) u terenu za igru.



8. Stub sa zastavicom

Stub sa zastavicom, ne niži od 1,5 m (5 stopa) visine i zaobljen na vrhu, postavlja se na svaki ugao.

Stubovi sa zastavicom, isto tako mogu se postaviti i na svakom kraju središnje linije, ne manje od 1 m (1 jard), van uzdužne linije.

9. Tehnički prostor

Tehnički prostor se odnosi na utakmice koje se igraju na stadionima koji imaju mesta za sjedenje za zvanična lica ekipe i zamjenike kao što je ispod navedeno:

- tehnički prostor se pruža po 1 m (1 jard) sa svake strane klupe za sjedenje i naprijed do na 1 m (1 jard) do uzdužne linije.
- treba da se izvrši obilježavanje tehničkog prostora
- broj osoba koja se mogu nalaziti u tehničkom prostoru određuju propozicije takmičenja.
- osobe u tehničkom prostoru:
 - moraju da budu identifikovana prije početka utakmice saglasno propozicijama takmičenja
 - moraju se odgovorno ponašati
 - ne smiju napuštati tehnički prostor, osim u posebnim slučajevima, kao na primjer intervencija, uz dozvolu sudije, fizioterapeuta ili doktora, na terenu za igru radi ukazivanja pomoći povrijeđenom igraču, je izuzetak ovog pravila
- Samo jedno lice je ovlašteno da, u isto vrijeme, daje taktička uputstva iz tehničkog prostora

10. Vrata

Vrata se postavljaju na sredinu svake poprečne linije.

Ona se sastoje iz dva vertikalna stuba na jednakoj razdaljini od ugaonih stubova sa zastavicama i na vrhu spojena vodoravnom prečkom. Stubovi vrata i prečka moraju da budu od drveta, metala ili drugog odobrenog materijala. Njihov oblik mora biti četvrtast, pravougaoni, okrugli ili eliptični, i ne smiju predstavljati opasnost po igrače.

Razdaljina između stubova je 7,32 m (8 jardi), a razdaljina od donje ivice prečke do tla iznosi 2,44 m (8 stopa).

Položaj stubova vrata u odnosu na poprečnu liniju mora biti isto kao na slici ispod.


Stubovi vrata i prečka moraju biti bijele boje, jednake širine i debljine koja ne prelazi 12 cm (5 inca).

Ako se prečka pomjeri ili postane neispravna, igra se zaustavlja sve dok ne bude vraćena na svoje mjesto ili se ne popravi. Ako je nije moguće vratiti u prvobitno stanje utakmica će biti prekinuta. Nije dozvoljeno koristiti kanap umjesto prečke. Ako prečka može da se dovede u prvobitno stanje, utakmica će biti nastavljena spuštanjem lopte na mjestu gdje je lopta bila u momentu prekida igre, osim ako se to nije dogodilo u vratarevom prostoru, kada će lopta biti spuštena na liniji vratarevog prostora koja je paralelna sa poprečnom linijom, a na mjestu koje je najbliže mjestu gdje se lopta nalazila kada je igra zaustavljena.

Mreže se mogu pričvrstiti za vrata i tlo iza vrata samo ako su propisno učvršćene da ne ometaju vratara.

Sigurnost

Vrata moraju da budu čvrsto pričvršćena u zemlju. Pokretna vrata se mogu upotrijebiti samo ako ispunjavaju ovaj zahtjev.



Položaj vrata u odnosu
na gol liniju mora biti u skladu
sa grafičkim prikazom ispod



11. Tehnologija na gol-liniji (Goal Line Technology - GLT)

GLT se primjenjuje da se podrži sudijska odluka da li je pogodak postignut.

Gdje je u upotrebi GLT, prepravke okvira vrata moraju biti dozvoljene u saglasnosti sa propisanim specifikacijama "FIFA Quality Programme for GLT" i sa Pravilima nogometne igre. Upotreba GLT mora biti propisana u propozicijama takmičenja.

Osnovna načela GLT

GLT se primjenjuje jedino na liniji u vratima i samo određuje da li je pogodak postignut ili ne.

Označavanje da li je pogodak postignut mora biti odmah i automatski potvrđeno u roku od jedne sekunde i to samo službenim licima utakmice putem sudijskog sata pomoću vibrirajućeg i vizuelnog signala.

Zahtjevi i specifičnosti GLT

Ako je GLT u upotrebi u nekom takmičenju, organizator takmičenja mora osigurati da sistem odgovara zahtjevima:

- FIFA Quality PRO
- FIFA Quality
- IMS – (INTERNATIONAL MATCH STANDARD)

Nezavisnim testiranjem institucije moraju ovjeriti tačnost i funkcionalnost sistema različitih proizvođača i usaglasiti ga sa Testing Manual. Ako GLT ne funkcioniše u saglasnosti sa Testing Manual, sudija može da ne koristi GLT sistem i o tome mora izvjestiti nadležni organ.

Gdje se koristi GLT, sudija mora prije utakmice provjeriti funkcionalnost sistema, i da li je u saglasnosti sa propisanim specifikacijama FIFA Quality Programme for GLT Testing Manual.

12. Komercijalno reklamiranje

Ni jedna vrsta komercijalnog reklamiranja, bilo stvarnog ili virtuelnog, nije dozvoljena na terenu za igru, u prostoru koji ograničava mreža na vratima ili tehnički prostor, ili 1 m (1 jard) od graničnih linija od momenta kada ekipe uđu na teren za igru, pa dok ga ne napuste na poluvrremenu, i od momenta kada se ponovo vrate na teren za igru, pa do završetka utakmice. Također, reklamiranje nije dozvoljeno na vratima, mrežama, stubovima i platnim ugaonim zastavicama i ništa od strane opreme (kamere, mikrofoni, itd.) ne može biti zakačeno na njih.

Pored toga, uspravno reklamiranje mora biti najmanje:

- 1 m (1 jard) udaljene od uzdužnih linija terena za igru
- na istoj udaljenosti od poprečnih linija kolika je dubina mreže na vratima
- 1 m (1 jard) udaljene od mreže na vratima

13. Logo i amblemi

Postavljanje reprezentativnih logova ili amblema (stvarnih ili virtualnih) FIFA, konfederacija, nacionalnih nogometnih saveza, takmičenja, klubova ili drugih tijela, je zabranjeno na terenu za igru, u prostoru koji ograničava mreža na vratima, na vratima i stubovima ugaonih zastavica tokom trajanja utakmice. Postavljanje ovih logova ili amblema je dozvoljeno na platnim stubovima ugaonih zastavica.

Pravilo 01

pitanja i odgovori

1. Ko i kada odlučuje o sposobnosti terena za igru?

Sudija u vremenu koje je službeno predviđeno za početak igre u prisustvu kapitena obje ekipe, iznimno i ranije, ali istog dana (npr. U vrijeme organizacionog sastanka), uz prisustvo kapitena obje ekipe i delegata.

2. Koji su razlozi zbog kojih sudija neće započeti utakmicu navedenim u Pravilniku o nogometnim/fudbalskih takmičenjima?

Sudija neće započeti utakmicu:

- a) ako teren za igru nije pravilno i vidljivo obilježen, a sve sprave pravilno i ispravno postavljene,
- b) ako je na terenu za igru blato ili voda koji ometaju kretanje igrača i lopte,
- c) ako je teren za igru zaleden te postoji mogućnost ozlijede učesnika igre,
- d) ako je teren za igru prekriven onemogućava kretanje igrača, lopte i sudija
- e) ako uslijed magle nije vidljiv gol sa središnje linije

Sudija i delegat su obavezni u pisanom obliku informisati nedležno tijelo o razlogu neodigravanja utakmice u roku od 24 sata, uz prethodno telefonsko obavještenje.

3. Koja je dužnost sudije ako ekipa prije početka utakmice uloži pisani prigovor na neispravnost dimenzija prostora na terenu za igru ili sprava, te kakav je postupak?

Sudija je dužan pisani prigovor unijeti u zapisnik utakmice, utvrditi - prekontrolisati stvarno stanje mjera prostora na terenu za igru ili naprava te dozvoliti ili ne dozvoliti početak igre ovisno o rezultatu kontrole (ako su mjere ili naprave neispravne, a to se ne može otkloniti, igra ne smije započeti).

4. Je li dozvoljen bilo kakav oblik reklame na terenu za igru ili na spravama?

Nije dozvoljen nikakav oblik reklame na terenu za igru ili spravama.

5. Koje su dozvoljene širine linija na terenu za igru i od čega ovisi njihova širina?

Sve linije moraju biti jednake širine, i ne smiju biti šire od 12 cm. Poprečne linije moraju biti jednake širine kao što je širina stativa i prečke vrata.

6. Koja je dozvoljena širina i debljina stativa i prečke vrata, i gdje je to propisano?

Najveća širina i debljina stativa i prečke vrata je dvanaest centimetara, a najmanja deset centimetara. To je propisano u posebnim odlukama NS/FS BIH.

7. Kome se i kada može najaviti žalba na neispravnost sprava ili dimenzija terena za igru?

Sudiji. Pisani se prigovor mora podnijeti najkasnije jedan sat prije početka utakmice.

8. Spadaju li linije koje omeđuju određene prostore terena za igru u te prostore, a navedite i specifinost kod ofsađa?

Da. Središnja crta kod pravila zaleda za napad smatra se kao vlastita polovica terena za igru.

9. Određeni ste za sudiju utakmice i gostujuća ekipa dostavi pisani prigovor jer je domaćin, umjesto drveta upotrijebio specijalno stakleno vlakno za izradu stative i prečke vrata. Odluka?

Prigovor nije osnovan jer je specijalno stakleno vlakno dozvoljeno za izradu stativa i prečke vrata.

10. Ako tokom utakmice vrata se slome i ne mogu se popraviti. Domaćin ima prenosiva vrata koja u potpunosti odgovaraju. Hoće li sudija dozvoliti nastavak igre ako se slomljena vrata zamijene ponuđenim prenosivim vratima?

Da. Samo se moraju iz sigurnosnih razloga dobro učvrstiti u tlo.

11. Unutar tehničkog prostora, na tlu, klub domaćin ucrtao je reklamnu poruku. Je li to dozvoljeno?

Ne.

12. Na prostoru između tehničkog prostora i uzdužne linije, na tlu, ispisane su reklamne poruke. Je li to dozvoljeno?

Ne.

13. Na prostoru između poprečne linije vrata i mreže vrata ispisane su reklamne poruke. Je li to dozvoljeno?

Ne.

14. Iznad trenerskih klupa, u tehničkom prostoru, na pleksiglasu, izvješene su reklamne poruke. Je li to dozvoljeno?

Da.

15. Zabrana reklamiranja na tlu, u tehničkom prostoru, na prostoru između tehničkog prostora i uzdužne linije igrališta, te prostora između poprečne linije i mreže vrata propisana je u PNI uz koje pravilo?

To je propisano u Pravilo 1, tačka 12. Komercijalno oglašavanje.

16. Je li tokom igre dozvoljeno prikazivanje, stvarno ili virtualno, logotipova ili znakova FFA-e, konfederacija, nacionalnih saveza, natjecanja, klubova ili drugih tijela na terenu za igru, mrežama na vratima i prostorima koje omeđuju, na okvirima vrata te na kopljima korner zastavica?

Ne. Prikazivanje je dopušteno samo na korner zastavicama.

17. Navedite oblik, temeljne dimenzije terena za igru te mjere za međunarodne utakmice?

Teren za igru mora biti pravougaonog oblika i obilježen neprekinutim linijama koje ne predstavljaju opasnost za sudionike. Uzdužna linija mora biti duža od poprečne linije.

OSTALE UTAKMICE:

a) Dužina (uzdužna linija): minimalno 90 m, maksimalno 120 m

Dužina (poprečna linija): minimalno 45 m, maksimalno 90

MEĐUNARODNE UTAKMICE:

b) Dužina (uzdužna linija): minimalno 100 m, maksimalno 110 m

Dužina (poprečna linija): minimalno 64 m, maksimalno 75 m

18. Mogu li nacionalni savezi, Propozicijama takmičenja, odrediti dimenzije terena za igru (graninčih linija) za pojedina takmičenja?

Pravilo 1 dozvoljava da se Propozicijama takmičenja odredi dužina uzdužne i poprečne linije unutar navedenih dimenzija.

19. Je li dozvoljeno odigravanje službenog takmičenja na terenima za igru s umjetnom travom?

Da.

20. Je li dopušteno kombinovati dijelove prirodne trave i umjetnih površina na terenu za igru?

Na travnatom terenu može se korititi umjetna trava ali samo za ocrtavanje linija i pod uslovom da ona nije opasna.

21. Tko je ovlašten odlučiti je li teren za igru pravilno i vidljivo obilježen, te jesu li pravilno i ispravno postavljene sprave na terenu za igru?

O tome odlučuje sudija utakmice (tačka 14. Odluka IO NS/FS BIH, uz Pravilo 1).

22. Ako teren za igru nije pravilno i vidljivo obilježen, odnosno sprave nisu pravilno i ispravno postavljene, koje su dužnosti sudije?

Sudija će od organizatora zatražiti da otkloni nepravilnosti, a ako to nije moguće utakmica se neće odigrati.

23. Mogu li se utakmice stalnog takmičenja na području NS/FS BIH igrati bez mreža na vratima?

Ne.

24. Je li obavezno postavljanje zastavica na svakom kraju središnje linije?

Ne. Zastavica koje se mogu postaviti na svakom kraju središnje linije, udaljene najmanje 1 m od uzdužne linije, nisu obavezne.

25. Jesu li dopuštene dodatne oznake na terenu za igru koje pomažu vrataru?

Ne.

26. Kakve su karakteristike linija koje obilježavaju teren za igru?

Linije se moraju dobro vidjeti i ne smiju biti šire od 12 cm (5 ins). Poprečne linije iste su širine kao stative i prečka.

27. Može li se ucrtati oznaka 9,15 m (10 yardi), od ugaonog luka, pod pravim ugлом na poprečnu liniju?

Da, ali mora se obilježiti izvan terena za igru.

28. Je li prostor omeđen poprečnom linijom i mrežom vrata dio terena za igru?

Ne. To je prostor izvan terena za igru.

29. Od čega moraju biti napravljene stative i prečka vrata te kakav je njihov oblik?

Stative i prečka vrata moraju biti napravljeni od drveta, metala ili drugog odobrenog materijala. Njihov oblik mora biti četverougaon, pravougaon, okrugao ili eliptičan i ne smiju predstavljati opasnost za igrače.

30. Koje se linije mogu obilježiti na terenu za igru?

Na terenu za igru mogu se obilježiti samo linije odobrene u Pravilu 1. Kada se koriste umjetne površine, druge linije su dozvoljene samo pod uslovom da su različite boje i da se jasno razlikuju od linija koje se koriste za nogomet/fudbal.

31. Za vrijeme izvođenja jedanaesteraca za dobivanje pobjednika, vrata na koje se izvode jedanaesterci postanu neispravna. Mogu li se koristiti druga vrata?

Da, uvijek.

32. Jesu li ugaone zastavice obavezne ili to ovisi o nivou takmičenja?

Ugaone zastavice su obavezne. No, IFAB predlaže da nacionalni savezi propozicijama natjecanja dozvole odigravanje utakmice, posebno na najnižim razinama, čak ako i nedostaje ugaona zastavica.

33. Ako prečka pukne u toku utakmice koja se igra prema Propozicijama takmičenja i nema načina da se popravi ili zamijeni, hoće li sudija prekinuti utakmicu?

Da. Prečka je dio vrata i uvijek mora biti na mjestu.

34. Je li dopušteno obilježiti teren za igru isprekidanim linijama ili brazdama?

Ne.

35. Vratar ili neki drugi igrač na terenu za igru svojim stopalom nacrtava nedopuštene oznake. Odluka sudije?

Ako sudija to uoči prije početka utakmice, igrač koji je učinio prekršaj bit

će opomenut zbog nesportskog ponašanja. Ako sudija uoči da to igrač radi tokom utakmice, opominje igrača koji je počinio prekršaj zbog nesportskog ponašanja u prvom prekidu igre..

36. Mogu li se dodatne linije koje nisu odobrene Pravilom 1 označavati na terenu za igru?

Ne. Na terenu za igru mogu se obilježiti samo linije odobrene u Pravilu 1.

37. Pri izvođenju udarca iz ugla, mogu li igrači ekipe koja se brani biti bliže nego oznake 9,15 m (10yds) označene izvan terena za igru od ugaonog luka i pod pravim углом u odnosu na uzdužnu i poprečnu liniju?

Ne. Ove oznake nisu obavezne i koriste se kako bi pomogle sudiji. Svi igrači ekipe koja se brani moraju se nalaziti barem 9,15 metara (10 yardi) od ugaonog luka sve dok lopta ne bude u igri.

38. Jesu li su obavezne mreže na vratima?

Ne. One se preporučuju uvijek kada je to moguće i mogu se uslovjavati prema Propozicijama takmičenja.

39. U tački 12. Komercijalno oglašavanje, u svezi s Pravilom 1, utvrđuje se način postavljanja uspravnih komercijalnih reklama. Gdje moraju biti postavljene uspravne reklame?

Uspravne reklame moraju biti postavljene najmanje:

- 1 m (1 yd) od uzdužnih linija terena za igru;
- na istoj udaljenosti od poprečne linije, kao što je dubina mreže na vratima;
- 1 m (1 yd) od mreže na vratima.

40. Koliko uspravne reklame moraju biti udaljene od uzdužne linije terena za igru?

Uspravne reklame moraju biti udaljene od uzdužne linije terena za igru najmanje 1 (jedan) metar.

41. Koliko uspravne reklame moraju biti udaljene od poprečne linije terena za igru?

Uspravne reklame moraju biti postavljene na istoj udaljenosti od poprečne linije, kao što je dubina mreže na vratima.

42. Koliko uspravne reklame moraju biti udaljene od mreže vrata?

Uspravne reklame moraju biti udaljene najmanje 1 (jedan) metar od mreže na vratima.

43. Jesu li dozvoljene prepravke okvira vrata kod upotrebe GLT tehnologije (na gol-liniji)?

Gdje je u upotrebi GLT tehnologija dopuštene su prepravke na okviru vrata pod uslovom da su u saglasnosti sa specifikacijom FIFA-e za GLT tehnologiju uz Pravilo 1 - Tehnologija na gol-liniji (GLT)

44. Ako se tehnologija na gol-liniji upotrebljava u takmičarskim utakmicama organizator utakmice dužan je osigurati certifikat za sistem prema određenim standardima. Koji su dozvoljeni standardi?

- FIFA QualityPRO
- FIFA Quality
- IMS - INTERNATIONAL MATCH STANDARS

TEHNIČKI PROSTOR

1. Šta je tehnički prostori kako se obilježava?

To je prostor uz klupe za rezervne igrače i službene osobe koji se obilježava linijom 1 metar sa svake strane klupe i proteže prema igralištu, najdalje na udaljenost 1 metar od uzdužne linije terena za igru.

2. Smije li trener stajati na poprečnoj liniji tehničkog prostora, stalno dajući uputstva igračima?

Smije, pod uslovom da se za vrijeme, i nakon datog uputstva, ponaša odgovorno.

3. Koliko osoba može davati taktička uputstva iz tehničkog prostora?

U bilo koje vrijeme samo jedna osoba može davati taktička uputstva iz tehničkog prostora, ali se u svakom trenutku mora odgovorno ponašati.

4. Koliko osoba može davati taktička uputstva iz tehničkog prostora prema odluci IO NS/FS BIH?

U bilo koje vrijeme samo trener ili pomoćni trener može davati taktička uputstva iz tehničkog prostora ali se u svakom trenutku moraju odgovorno ponašati.

5. Ko određuje broj osoba koje se mogu nalaziti u tehničkom prostoru?

Broj osoba kojima je dozvoljeno zauzeti mjesto u tehničkom prostoru određuje se Propozicijama takmičenja.

6. Pod kojim uslovima je dozvoljeno službenim osobama zauzeti mjesto u tehničkom prostoru?

Osobe koje zauzimaju mjesto u tehničkom prostoru:

- moraju biti identificirane prije početka utakmice u skladu sa Propozicijama takmičenja
- moraju se ponašati odgovorno
- moraju ostati unutar granica tehničkog prostora osim u posebnim okolnostima, na primjer kada fizioterapeut ili doktor, uz odobrenje sudije, ulaze u teren za igru kako bi pregledali povrijeđenog igrača
- smiju davati taktička uputstva igračima pod uslovom da to radi jedna osoba u svakom trenutku.

7. Kako glasi pravilo vezano uz TEHNIČKI PROSTOR, te ponašanje trenera i drugih službenih osoba?

Trener ili službene osobe moraju ostati unutar granica tehničkog prostora osim u posebnim okolnostima, na primjer kada fizioterapeut ili doktor, uz odobrenje sudsije, ulaze u teren za igru kako bi pregledali povrijeđenog igrača.

8. Može li isključeni igrač ostati u tehničkom prostoru?

Ne. Mora napustiti tehnički prostor i ograđeni dio terena za igru.

Pravilo

2

Lopta

1. Kvalitet i mjere

Sve lopte moraju biti:

- Okrugle
- Napravljene od pogodnog materijala
- Obima ne većeg od 70 cm (28 inca) i ne manjeg od 68 cm (27 inca)
- Ne teža od 450 g (16 unci) i ne lakša od 410 g (14 unci) na početku utakmice pritiska koji odgovara od 0,6-1,1 atmosfere (600-1.100 g/cm²) na nivou mora (8,5 fund po kvadratnom inču - 15,6 funti po kvadratnom inču)

Sve lopte koje se koriste na zvaničnim utakmicama organizovanim u nadležnosti FIFE ili konfederacija moraju da nose jedno od sljedeća tri obilježja:



• FIFA Quality PRO

• FIFA Quality

• IMS - INTERNATIONAL
MATCH STANDARD

Lopte koje su imale ranija obilježja kvaliteta kao što su "FIFA Approved", "FIFA Inspected" ili "International Matchball Standard" se mogu koristiti u takmičenjima do 31. jula 2017. godine.

Ova obilježja (logo) ukazuju da su lopte službeno ispitane i da ispunjavaju specifične tehničke zahteve za odgovarajuću kategoriju i osim toga minimalne zahteve Pravila 2 i moraju biti odobrene od IFAB-a. Instituciju zaduženu za testiranje određuje FIFA.

Gdje je u upotrebi "Gol-linija tehnologija" (GLT), lopte sa ugrađenom tehnologijom moraju imati jednu od ovih oznaka.

Nacionalni savezi mogu zahtijevati upotrebu lopti sa jednim od ova tri znaka na takmičenjima organizovanim u njihovoj nadležnosti.

Na utakmicama igranim u okviru takmičenja FIFE, ili takmičenja koja organizuju konfederacije i nacionalni savezi, svaki oblik komercijalne reklame na lopti je zabranjen. Jedino znak (logo) takmičenja, naziv organizatora takmičenja i grb proizvođača lopte mogu se nalaziti na lopti. Pravilnici takmičenja mogu propisati ograničenja u odnosu na format i broj ovih obilježja.

2. Zamjena neispravne lopte

Ako lopta postane neispravna:

- Igra se zaustavlja
- Igra se nastavlja spuštanjem zamjenske lopte na mjestu gdje je prva lopta postala neispravna

Ako lopta postane neispravna pri početnom udarcu, udarcu s vrata, udarcu iz ugla, slobodnom udarcu, kaznenom udarcu ili ubacivanju, ovaj nastavak će se izvesti ponovo.

Ako lopta postane neispravna pri izvođenju kaznenog udarca ili izvođenju kaznenih udaraca za dobijanje pobijednika, krene naprijed i prije nego što je dodirne drugi igrač, ili prije nego što dodirne vrata, udarac se ponavlja.

Lopta se ne može zamijeniti tokom utakmice bez sudijskog odobrenja.

3. Dodatne lopte

Dodatne lopte mogu biti raspoređene oko terena za igru, i da se koriste tokom utakmice pod uslovom da u svemu odgovaraju zahtijevima Pravila 2 i da su pod kontrolom sudije.

IFAB®



Pravilo 02

pitanja i
odgovori

1. IFAB je u Pravilu 2 Lopta, odredio oznake kvalitete koje potvrđuju da lopta odgovara minimalnim tehničkim zahtjevima, a logotip-otisak mora biti na lopti. Koji su to otisci?

- “FIFA APPROVED”
- “FIFA INSPECTED”
- “INTERNATIONAL MATCH BALL STANDARDS”

Sve lopte koje se koriste u utakmicama službenih takmičenja u nadležnosti Fife ili konfederacija moraju nositi jedan od sljedećih certifikata:

- FIFA Quality PRO
- FIFA Quality
- IMS - INTERNATIONAL MATCH STANDARD

2. Smiju li se logotipovi Nacionalnih saveza ili takmičenja prikazivati na službenim loptama za igru?

Da, pod uslovom da je njihovo prikazivanje u skladu s Pravilom 2. Propozicijama takmičenja može se ograničiti veličina i broj takvih oznaka.

3. Koliko je najmanje lopti obavezan pripremiti klub domaćin prema odluci NS/FS BIH?

Određuje se prema Propozicijama određenog stepena takmičenja.

4. Kako treba nastaviti igru ako lopta pukne kod izvođenja slobodnih udaraca, izuzev kaznenog udarca?

Ako lopta pukne od udarca – udarac će se ponoviti.

Ako lopta pukne nakon što je bila u igri - igra se nastavlja spuštanjem lopte s mjesta gdje je prvi put primijećeno da je lopta neispravna.

5. Izvodi se indirektan slobodni udarac. Nakon što je udarac pravilno izveden i lopta u igri sudija primjeti da je lopta pukla. Odluka sudije?

Igru zaustaviti, zamijeniti loptu te igru nastaviti spuštanjem lopte s mjesta gdje je prvi put primijećeno da je lopta neispravna.

6. Tokom igre pri izvođenju kaznenog udarca lopta, poslije pravilno izvedenog kaznenog udarca, udari u stativu vrata i, odbivši se u teren za igru, pukne. Odluka sudije?

Igru zaustaviti, zamijeniti loptu te igru nastaviti spuštanjem lopte s mjesta gdje je prvi put primijećeno da je lopta neispravna.

7. Izvodi se slobodni udarac. Lopta pukne od udarca i tako neispravna prijeđe 10 metara. Odluka sudije?

Igru zaustaviti, zamijeniti loptu i ponoviti slobodni udarac.

8. Izvodi se kazneni udarac. Od udarca lopta pukne i tako neispravna zastane oko 3 metra od tačke izvođenja. Odluka sudije?

Igru zaustaviti, zamijeniti loptu i ponoviti kazneni udarac.

9. Izvodi se kazneni udarac. Lopta nakon pravilno izvedenog udarca pukne na jedan metar od poprečne linije vrata. Odluka sudije?

Ukoliko lopta pukne ili se ošteti tokom izvođenja kaznenog udarca ili tokom izvođenja jedanaesteraca, dok se kreće naprijed i prije nego dotakne bilo kojeg igrača, prečku ili stative vrata, kazneni udarac će se ponoviti.

10. Je li dozvoljena zamjena lopte tokom utakmice?

Zamjena lopte tokom utakmice dozvoljena je jedino uz dopuštenje sudije.

11. Koliki je dozvoljen obim lopte, njena težina i pritisak u lopti?

OBIM LOPTE: 68-70 cm

TEŽINA: 410-450 g

PRITISAK: 0.6 -1.1 atm ili 600-1100 g/cm².

12. Od kakvog materijala može biti lopta i ko o tome odlučuje?

Vanjski dio lopte može biti od kože ili drugog odgovarajućeg materijala, a o tome odlučuje IFAB.

13. Sudija NS/FS BIH-a dobije na uvid loptu s kojom će se igrati da bi provjerio ispunjava li uslove Pravila 2, a traži i ostalih 6 lopti na uvid. Je li u pravu?

Da.

14. Nakon što je izведен udarac iz ugla, strana osoba uđe utezen za igru i uhvati loptu, a da loptom nije prije toga igrao niti jedan igrač. Odluka sudije?

Sudija zaustavlja igru, udaljava stranu osobu s terena za igru, a igra se nastavlja spuštanjem lopte s mjesta na kojem je strana osoba dodirnula loptu.*

15. Mogu li se dodatne lopte postaviti oko terena za igru za korištenje tokom utakmice?

Da. Pod uslovom da odgovaraju zahtjevima Pravila 2 i da njihovo korištenje kontrolira sudija.

16. Smatra li se lopta predmetom kada se koristi za napad na igrača protivničke ekipe?

Da.

17. Tokom utakmice druga lopta uđe u teren za igru. Zaustavlja li sudija odmah igru?

Dodatna lopta se treba tretirati kao vanjski utjecaj i **sudija** će zaustaviti igru ako ta lopta ometa igru. Igra se tada nastavlja spuštanjem lopte s mesta na kojem se lopta nalazila u trenutku zaustavljanja igre. * U suprotnom, sudija će ukloniti dodatnu loptu u prvoj sljedećoj prilici.

18. Je li dozvoljena upotreba lopte s ugrađenom tehnologijom (GLT Tehnologija na gol-liniji)?

Da. Gdje je u upotrebi tehnologija na gol-liniji (GLT), lopte s ugrađenom tehnologijom moraju nositi jedan od sljedećih certifikata:

- FIFA QualityPRO
- FIFA Quality
- IMS (International Match Standard)

Pravilo

3

Igrači

1. Broj igrača

Utakmicu igraju dvije ekipe, od kojih se svaki sastoji od najviše jedanaest (11) igrača, od kojih je jedan vratar. Utakmica ne može početi ili se nastaviti ako svaka ekipa nema najmanje sedam (7) igrača.

Ako je ekipa ostala sa manje od sedam igrača zato što je jedan ili više igrača namjerno napustilo teren za igru, sudija ne mora da zaustavi igru i može da se primjeni pravilo prednosti. U takvim slučajevima, sudija ne bi trebalo da dozvoli da se igra nastavi nakon što lopta izađe iz igre ako jedna ekipa nema minimalan broj od sedam igrača.

Ako propozicije takmičenja nalažu da imena svih igrača ili zamjenskih igrača moraju da se navedu prije početnog udarca, a ekipa počne utakmicu sa manje od jedanaest igrača, samo oni igrači čija imena su upisana u zapisnik na početku mogu da upotpune broj od jedanaest igrača kada stignu.

2. Broj zamjenskih igrača

Službena takmičenja

Broj zamjena, maksimalno pet, koji se mogu koristiti u svakoj utakmici koja se igra u okviru službenih takmičenja odrediće FIFA, ili takmičenjima koja organizuju konfederacije ili nacionalni savezi, osim za utakmice muških i ženskih takmičenja u koje su uključeni prvi timovi klubova u najvišem rangu ili seniorske "A" reprezentacije, koje mogu koristiti maksimalno tri zamjene.

Propozicije takmičenja moraju da preciziraju broj zamjena – od najmanje tri (3) do najviše dvanaest (12) – koji se mogu prijaviti kao zamjenici.

Ostale utakmice

Na utakmicama nacionalnog A tima može se koristiti najviše šest (6) zamjena igrača.

U svim ostalim utakmicama može se koristiti veći broj zamjena igrača pod uslovom:

- da odgovarajuće ekipe postignu dogovor o najvećem broju zamjena igrača;
- da sudija bude obaviješten o tome prije početka utakmice.

Ako sudija nije obaviješten prije početka utakmice ili nije postignut dogovor prije početka utakmice, dozvoljeno je najviše šest (6) zamjena igrača.

Povratne zamjene

Povratak u igru zamjenjenih igrača je dozvoljen samo na utakmicama mladih kategorija, utakmicama veterana, osoba s invaliditetom i rekreativnom nogometu, i to samo uz saglasnost zainteresovanih nacionalnih saveza, konfederacija ili FIFE.

3. Procedura zamjene

Na svim utakmicama imena zamjenskih igrača se moraju dati sudiji prije početka utakmice. Zamjenski igrači koji nisu tada prijavljeni ne mogu učestvovati na utakmici.

Za zamjenu igrača zamjenskim igračem, moraju se poštovati sljedeći uslovi:

- sudija mora biti obaviješten prije nego što se predložena zamjena izvrši
- igrač koji treba da bude zamijenjen dobija od sudije dozvolu da napusti teren za igru za igru, osim ako već nije izvan terena za igru
- igrač koji treba da bude zamijenjen nije obavezan da teren za igru napusti kod središnje linije i ne može više učestvovati u utakmici, osim u slučaju dopuštene povratne zamjene igrača
- ako igrač koji treba da bude zamijenjen odbije napustiti teren za igru, igra se nastavlja

Zamjenski igrač ulazi u igru samo:

- u prekidu igre
- na središnjoj liniji

- kada igrač koji je zamijenjen napusti teren za igru
- nakon što mu je sudija dao znak za ulazak

Zamjena je završena kada zamjenski igrač uđe na teren za igru i od tog trenutka, igrač koji je izašao iz igre postaje zamijenjeni igrač, a zamjenski igrač postaje igrač i može početi da učestvuje u igri.

Svi zamijenjeni i zamjenski igrači su pod ingerencijom sudije, bez obzira da li igraju ili ne.

4. Zamjena vratara

Bilo koji igrač može da zamjeni mjesto sa vratarem ako je:

- sudija obaviješten prije nego što je zamjena izvršena
- zamjena izvršena u prekidu igre

5. Prekršaji i kazne

Ako upisani zamjenski igrač započne utakmicu umjesto upisanog igrača, a sudija nije obaviješten o tome:

- sudija dopušta da upisani zamjenski igrač nastavi igru
- ne poduzima se disciplinska mjera protiv tog zamjenskog igrača
- upisani igrač može postati upisani zamjenski igrač
- broj dopuštenih zamjena igrača se ne umanjuje
- sudija će u izvještaju nadležnom organu navesti ovaj slučaj

Ako je zamjena igrača napravljena na poluvremenu ili prije produžetaka, procedura zamjene mora biti obavljena prije nastavka utakmice. Ako sudija nije obaviješten, upisani zamjenski igrači mogu nastaviti igru, bez disciplinske kazne, ali moraju biti prijavljeni nadležnom organu.

Ako igrač zamijeni mjesto s vratarem, a da sudija prethodno nije obaviješten sudija:

- dopušta nastavak igre
- obojici igrača pokazati žuti karton u sljedećem prekidu igre, ali ne ako je promjena napravljena tokom odmora između poluvremena (uključujući i produžetke) ili u periodu između kraja utakmice i početka produžetaka i/ili kaznenih udaraca za dobijanje pobjednika.

Za sve ostale prekršaje ovog Pravila:

- igračima koji učine prekršaj pokazati žuti karton
- igra se nastavlja indirektnim slobodnim udarcem sa mesta gdje se lopta nalazila kada je igra zaustavljena.

6. Isključenje igrača i zamjenskog igrača

Igrač koji je isključen:

- prije dostavljanja spiska igrača, ne može biti na tom spisku ni u kom svojstvu
- nakon dostavljanja spiska igrača i prije početnog udarca može biti zamijenjen upisanim zamjenskim igračem koji ne može biti zamijenjen, a broj dozvoljenih zamjena se ne umanjuje
- poslije početnog udarca ne može biti zamijenjen

Upisani zamjenski igrač koji je isključen bilo prije, ili poslije početka utakmice, ne može biti zamijenjen

7. Dodatne osobe na terenu za igru

Trener i ostala službena lica upisana u zapisnik utakmice (sa izuzetkom igrača ili zamjenskih igrača) su službena lica ekipe. Bilo ko, ko se ne nalazi u zapisniku utakmice kao igrač, zamjenski igrač ili službeno lice ekipe smatraće se stranim tijelom.

Ako službeno lice ekipe, zamjenski, zamijenjeni ili isključeni igrač ili strano tijelo uđe na teren za igru, sudija će:

- zaustaviti igru ako postoji uticaj na igru
- ga udaljiti sa terena za igru kada se igra zaustavi
- preduzeti odgovarajuće disciplinske mjere

Ako je igra zaustavljena, zbog uticaja na igru od strane:

- službenog lica ekipe, zamjenskog igrača, zamijenjenog ili isključenog igrača, igra se nastavlja direktnim slobodnim udarcem ili kaznenim udarcem
- stranog tijela, igra se nastavlja spuštanjem lopte

Ako lopta ulazi u vrata, a uticaj ne sprječava obrambenog igrača da igra loptom, pogodak se priznaje ako lopta uđe u vrata (čak i ako je ostvaren kontakt s loptom), osim ako lopta ne ulazi u protivnička vrata.

8. Igrač izvan terena za igru

Ako igrač kojem je potrebna dozvola sudije da se vrati na teren za igru, vratit će se bez dozvole sudije, sudija će:

- zaustaviti igru (ne odmah, ako igrač ne utiče na igru ili na člana sudijskog tima ili ako može da se primjeni prednost)
- pokazati žuti karton igraču zbog ulaska na teren za igru bez dozvole sudije

Ako je sudija zaustavio igru, nastavit će je:

- direktnim slobodnim udarcem s mjesta uticaja
- indirektnim slobodnim udarcem sa mjesta gdje se lopta nalazila u trenutku kada je igra zaustavljena ako nije bilo uticaja

Ako Igrač pređe jednu od graničnih linija terena za igru u sklopu svog kretanja, ne smatra se da je počinio prekršaj.

9. Pogodak postignut s dodatnom osobom na terenu za igru

Ako nakon postignutog pogotka, a prije nastavka igre, sudija primjeti da se na terenu za igru nalazila neka druga osoba kada je postignut pogodak:

- sudija neće priznati pogodak ako je to:
 - igrač, zamjenski igrač, zamijenjeni igrač, isključeni igrač ili službeno lice ekipa koja je postigla pogodak; igra se nastavlja direktnim slobodnim udarcem sa mjesta na kojemu se nalazila dodatna osoba
 - strano tijelo koje je uticalo na igru, osim ako je to slučaj koji je naveden prethodno, u dijelu "Dodatne osobe na terenu za igru"; igra se nastavlja spuštanjem lopte
- sudija će priznati pogodak ako je to:
 - igrač, zamjenski igrač, zamijenjeni igrač, isključeni igrač ili službeno lice ekipa koja je primila pogodak
 - strano tijelo koje nije uticalo na igru

U svim slučajevima, sudija mora dodatnu osobu odstraniti sa terena za igru.

Ako poslije pogodtka i nastavka igre sudija primjeti da je dodatna osoba bila na terenu za igru kada je pogodak postignut, pogodak ne može biti poništen. Ako je dodatna osoba još uvijek na terenu za igru, sudija će:

- zaustaviti igru
- odstraniti dodatnu osobu
- nastaviti igru spuštanjem lopte ili slobodnim udarcem kao mogućnošću

Sudija o ovom slučaju mora izvestiti nadležni organ.

10. Kapiten ekipe

Kapiten ekipe nema nikakav poseban status ili privilegije, ali ima određen stepen odgovornosti za ponašanje svoje ekipe.

IFAB®



Pravilo 03

pitanja i
odgovori

1. Koliko je izmjena igrača dozvoljeno na utakmicama u nadležnosti FIFA-e?

Dozvoljeno je najviše tri zamjene igrača od dvanaest upisanih zamjenskih igrača.

2. Zamijenjeni igrač tokom drugog poluvremena samovoljno uđe u teren za igru umjesto suigrača kojem se u tom momentu ukazivala pomoć izvan terena za igru. Sudija to primijeti tek kad se taj igrač upustio u borbu za loptu sa protivničkim obrambenim igračem. Odluka sudije?

Igru zaustaviti, igrača opomenuti i udaljiti izvan terena za igru, te dosuditi direktni slobodni udarac sa mesta gdje je zamijenjeni igrač ometao igru, za obrambenu ekipu.

3. Koliko je zamjena dozvoljeno na utakmicama mlađih uzrasta i gdje je to propisano?

Najviše pet zamjena. Propisano je u Propozicijama takmičenja.

4. Može li zamijenjeni igrač nakon zamjene ostati na klipi za zamjenske igrače i s kojim obavezama?

Može ostati na klipi s istim obavezama kao i ostali zamjenski igrači.

5. Ekipa je ostala sa 7 igrača i žestoko se brani protiv 11 protivničkih igrača. U takvim okolnostima igrač obrane sa 7 igrača učini namjerno grub prekršaj unutar vlastitog kaznenog prostora na navalnom igraču. Odluka sudije?

Igru zaustaviti, isključiti igrača obrane, te prekinuti utakmicu.

6. Nakon 5 minuta igre primijetili ste da jedna ekipa igra s 12 igrača. Bilo je to u trenutku kada je prekobrojni igrač postigao pogodak za svoju ekipu.

Igru zaustaviti, pogodak ne priznati. Prekobrojnog igrača opomenuti i udaljiti s terena za igru, a igru nastaviti udarcem s vrata za obrambenu ekipu.

7. Zamjenski igrač uđe u igru bez dozvole sudije tokom njenog trajanja i želiigrati?

Sudija će igru zaustaviti, igrača opomenuti i udaljiti s terena za igru, te igru nastaviti direktnim slobodnim udarcem za protivničku ekipu s mesta gdje je zamjenski igrač ometao igru. Međutim, ako je zamjenski igrač ometanje igre učinio u kaznenom prostoru koji pripada njegovoj ekipi, sudija će dosuditi kazneni udarac za protivničku ekipu.

8. Tokom igre ekipa seniora zamijeni tri igrača i to broj 6, 7, 11. Tada se jako teško povrijedi vratar iste ekipe, koji više ne može igrati. Može li vratara zamijeniti zamjenski vratar?

Ne može.

9. Sudite utakmicu kadetskih ekipa. U domaćoj ekipi već su izvršene tri zamjene igrača, no vratar se povrijedio i oni umjesto njega žele uvesti zamjenskog gomana. Odluka sudije?

Sudija treba dozvoliti zamjenu jer je na utakmicama mlađih uzrasta dozvoljeno 5 zamjena.

10. Igra je zaustavljena. Ekipa traži zamjenu. Igrač je napustio teren za igru, a zamjenski igrač koji treba ući, prilikom dolaska kod središnje linije, udari trenera gostiju rukom. Odluka sudije?

Zamjenskog igrača isključiti, a umjesto zamjenjenog igrača ekipa može uvesti nekog od preostalih zamjenskih igrača ili se isti igrač može vratiti u igru.

11. Igra je zaustavljena. Trener najavljuje zamjenu, ali igrač koji je predviđen za izlazak ne želi napustiti igru. Odluka sudije?

Zamjena igrača neće se obaviti, a utakmica će se nastaviti zbog čega je bila zaustavljena.

12. Trener i kapiten ekipe traže od sudije da isključi jednog od saigrača. Odluka sudije?

Igrač će biti isključen iz igre samo za prekršaje za koje PNI propisuju isključenje.

13. Koliko se zamjena može koristiti na prijateljskim seniorskim međunarodnim i drugim utakmicama?

Na utakmicama A-reprezentacija može se koristiti najviše šest zamjena igrača.

Na svim ostalim utakmicama može se koristiti veći broj zamjena igrača pod uslovom:

- da ekipe postignu dogovor o najvećem broju zamjena igrača;
- da sudija bude o tome obavješten prije utakmice;
- ako sudija nije obavješten ili ako nije postignut dogovor prije utakmice, dozvoljeno je najviše šest zamjena igrača

14. Sudite seniorsku prijateljsku utakmicu. Prije utakmice niste dobili nikakvu obavijest, a tokom utakmice ekipe žele izvršiti više od tri zamjene igrača. Je li to dozvoljeno i gdje je to propisano?

Sudija će dozvoliti do 6 zamjena, a to je propisano u Pravilu 3 - Ostale utakmice.

15. Tokom utakmice, vratar broj 1 zamijeni mjesto s igračem broj 7, a da o tome ne obavijesti sudije. Lopta je u igri i igrač broj 1 postigne pogodak za svoju ekipu. Odluka sudije?

Pogodak se priznaje. Sudija opominje oba igrača prije nastavka utakmice.

16. Kakav je postupak kod zamjene igrača tokom odmora u poluvremenu ili prije produžetka?

Ako se zamjena igrača provodi na poluvremenu ili prije produžetka, postupak zamjene mora biti dovršen prije nastavka utakmice.

17. Koje se dodatne osobe smatraju spoljnim uzročnikom s naslova PNI?

Sve osobe koje nisu imenovane u Zapisniku utakmice kao igrač ili zamjenski igrač ili službena osoba ekipe, smatraju se vanjskim uzročnikom.

18. Koje e dodatne osobe smatraju službenim osobama s naslova PNI-ja?

Trener i druge službene osobe navedene u Zapisniku utakmice (uz izuzetak igrača i zamjenskih igrača) smatraju se službenim osobama ekipe.

19. Kakav je postupak ako vanjski uzročnik uđe u teren za igru za vrijeme trajanja igre?

Ako ne postoji utjecaj na igru, sudija će dozvoliti da se igra nastavi, a vanjskog uzročnika će udaljiti sa terena za igru i njegovog okruženja nakon prvog zaustavljanja igre. Ako je sudija zaustavio igru, a ometanje igre je počinio vanjski uzročnik, igra se nastavlja spuštanjem lopte s mjesta gdje je bila u trenutku zaustavljanja igre, a sudija će vanjskog uzročnika udaljiti sa terena za igru i njegovog okruženja.

20. Kakav je postupak ako službena osoba uđe uteren za igru, za vrijeme trajanja igre?

Ako ne postoji utjecaj na igru, sudija će dozvoliti da se igra nastavi, a službenu osobu će udaljiti sa terena za igru nakon prvog zaustavljanja igre i poduzeti odgovarajuće disciplinske mjere ovisno o incidentu. Ako je sudija

zaustavio igru, igra se nastavlja direktnim slobodnim udacem za protivničku ekipu s mesta gdje je službena osoba ometala igru, a sudija će protiv službene osobe poduzeti odgovarajuće disciplinske mjere. Međutim, ako je službena osoba ometanje igre počinila u kaznenom prostoru koji pripada njenoj ekipi, sudija će dosuditi kazneni udarac za protivničku ekipu.

21. Može li ekipa nastupiti bez vratara ako se ovaj povrijedi, a zamjena nije moguća?

Ne, PNI zahtijevaju da svaka ekipa mora imati vratara.

22. Igrač slučajno pređe preko jedne od graničnih linija terena za igru. Smatra li se da je napustio teren za igru bez odobrenja sudije?

Ne.

23. Igrač koji je u posjedu lopte prijeđe preko uzdužne ili poprečne linije bez lopte kako bi zaobišao igrača protivničke ekipe. Odluka sudije?

Igra se nastavlja. Izlaženje izvan terena za igru može se smatrati dijelom kretanja u sklopu igre, ali od igrača se u pravilu očekuje da ostanu unutar terena za igru.

24. Kada zamjenski igrač postaje igrač?

Odmah nakon što uđe na teren za igru u skladu s postupkom zamjena.

25. Prije početka utakmice, koja se igra prema Propozicijama natjecanja, igrača zamijeni imenovani zamjenski igrač, a da o tome nije obaviješten sudija. Može li taj zamjenski igrač nastaviti učestvovati u igri? Koliko se igrača te ekipe tokom utakmice može zamijeniti?

Sudija dozvoljava nastup imenovanom zamjenskom igraču bez poduzimanja disciplinske mjere, a imenovani igrač može postati imenovani zamjenski igrač. Broj dozvoljenih zamjena za tu ekipu ostaje isti (neće biti smanjen), a sudija će o tom slučaju, u pisanom obliku, informisati nadležno tijelo.

26. Zamjenski igrač, koji ne sudjeluje u igri, utrči na teren za igru i nasilno nogom udari igrača sprotivničke ekipe. Odluka sudije?

Sudija zaustavlja igru, isključuje zamjenskog igrača zbog nasilnog nesportskog ponašanja (pokazuje mu crveni karton) i nastavlja igru direktnim slobodnim udarcem za protivničku ekipu s mesta gdje je zamjenski igrač počinio prekršaj. Međutim, ako je zamjenski igrač ometanje igre počinio u kaznenom

prostoru koji pripada njegovoj ekipi, sudija će dosuditi kazneni udarac za protivničku ekipu.

27. Igra je zaustavljena, najavljeni je zamjena i zamjenski igrač spremam je ući u igru umjesto najavljenog igrača, no igrač kojeg treba zamjeniti odbija napustiti teren za igru. Odluka sudije?

Dopušta da se igra nastavi zbog čega je bila zaustavljena jer to ne spada u njegovu nadležnost.

28. Sudija dopušta zamjenskom igraču, koji nije upisan u zapisnik kao takav, da uđe na teren za igru, a on postigne pogodak. Odluka sudije?

a) Ako grešku uoči prije nastavka igre.

Pogodak ne priznati. Sudija će od igrača zahtijevati da napusti teren za igru. Igrač koji je zamijenjen može se vratiti na teren za igru ili ga može zamijeniti drugi zamjenski igrač, koji je kao takav upisan u zapisnik. Igra se nastavlja spuštanjem lopte na liniji vrata prema prostoru paralelnoj s poprečnom linijom, na tački najbližoj mjestu na kojem je lopta ušla u vrata.

b) Ako grešku uoči nakon što je igra nastavljena.

Pogodak se priznaje. Ako je zbog toga igra zaustavljena, od igrača se zahtijeva da napusti teren za igru, a igrač koji je zamijenjen može se vratiti na teren za igru ili ga može zamijeniti drugi zamjenski igrač koji je kao takav upisan u zapisnik. Igra se nastavlja spuštanjem lopte na mjestu na kojem se lopta nalazila u trenutku zaustavljanja igre.*

Sudija će informisati nadležno tijelo o događaju.

c) Ako grešku uoči tek nakon utakmice.

Pogodak se priznaje, a o događaju informiše nadležno tijelo.

29. Zamjenski igrač uđe na teren za igru bez odobrenja sudije i njegova ekipa igra s igračem više. Dok je lopta u igri, suparnik ga nasilno udari. Odluka sudije?

Sudija zaustavlja igru, isključuje igrača zbog nasilnog nesportskog čina, opominje zamjenskog igrača zbog nesportskog ponašanja i određuje mu da napusti teren za igru. Igra se nastavlja direktnim slobodnim udarcem protiv ekipe igrača koji je učinio nasilni prekršaj, sa mjesta prekršaja. Ako se to dogodilo u kaznenom prostoru počinitelja nasilnog čina, sudija će dosuditi kazneni udarac za ekipu zamjenskog igrača.

30. Igrač broj 8 treba biti zamijenjen igračem broj 12. Igrač broj 8 napusti teren za igru. Prije nego što uđe na teren za igru, igrač broj 12 nasilno nasrne na igrača protivničke ekipe koji стоји na uzdužnoj liniji. Odluka sudije?

Zamjenski se igrač broj 12 isključuje zbog nasilnog nesportskog čina (pokazuje mu se crveni karton). Igrač broj 8 može biti zamijenjen nekim drugim zamjenskim igračem s pravom nastupa ili može igru nastaviti isti igrač budući da zamjena nije bila obavljena.

31. Igrač zamijeni mjesto s vratarom, a da o tome sudija nije obaviješten. Odluka sudije nakon što to primijeti? Novi vratar prima loptu rukama u svom kaznenom prostoru. Odluka sudije?

U oba slučaja dopušta da se igra nastavi i opominje oba igrača zbog nesportskog ponašanja nakon što igra bude prvi put zaustavljena.

32. Igrač koji je zamijenjen napusti teren za igru i sudija da znak zamjenskom igraču da uđe na teren. Međutim, prije nego što uđe, obavi ubacivanje, ignorajući postupak zamjena naveden u Pravilu 3, u vezi s ulaženjem na teren za igru. Je li taj postupak dopušten?

Ne. Prvo mora biti obavljen postupak zamjene naveden u Pravilu 3. Igrač mora ući na teren za igru na središnjoj liniji tokom prekida igre.

33. Tokom odmora između poluvremena, igrača zamijeni zamjenski igrač naveden u zapisniku. Koje uslove mora poštovati?

Sudija mora biti obaviješten o zamjeni, a igrač će ući na teren za igru na središnjoj liniji prije nastavka utakmice.

34. Zamjenski igrač koji se zagrijava iza svojih vrata uđe na teren za igru i svojim stopalom sprječe da lopta uđe u vrata. Odluka sudije?

Sudija zaustavlja igru, isključuje zamjenskog igrača zbog sprječavanja pogotka, a utakmicu nastavlja kaznenim udarcem za protivničku ekipu.

35. Zamjenski igrač koji se zagrijava iza svojih vrata uđe na teren za igru i sprječe pogodak svojim dlanom. Odluka sudije?

Sudija zaustavlja igru i isključuje zamjenskog igrača zbog onemogućavanja postizanja pogotka protivničke ekipe, namjernim igranjem lopte rukom, a utakmicu nastavlja kaznenim udarcem u korist protivničke ekipe.

36. Zamjenski igrač, koji nije vratar, igra od početka utakmice zamjenjujući saigrača, a da o tome nije obaviješten sudija.Taj igrač namjerno rukom dodirne loptu tokom igre. Odluka sudije?

Ako nije u pitanju prednost, sudija zaustavlja igru. Ovisno o težini prekršaja igraču koji je namjerno igrao rukom, izriče ili ne izriče disciplinsku mjeru, a igra se nastavlja direktnim slobodnim udarcem (ili kaznenim udarcem) protiv njegove ekipe. Sudija će o igraču koji je bez njegovog znanja započeo utakmicu u pisanom obliku informisati nadležno tijelo.

37. Zamjenski igrač nastupi od početka utakmice, zamjenjujući saigrača. Sudija o tome nije obaviješten. Protivnik učini prekršaj na zamjenskom igraču. Odluka sudije?

Ako nije u pitanju prednost, sudija će zaustaviti igru. Ovisno o težini prekršaja igraču koji je napravio prekršaj, izriče ili ne disciplinsku mjeru, a igra se nastavlja direktnim slobodnim udarcem (ili kaznenim udarcem) protiv njegove ekipe. Sudija će o igraču koji je bez njegovog znanja započeo utakmicu u pisanom obliku informisati nadležno tijelo.

38. Igrač koji je zamijenjen uđe na teren za igru bez odobrenja sudije. Odluka sudije?

Ako ne postoji utjecaj na igru, sudija će dozvoliti da se igra nastavi, a zamijenenog igrača će udaljiti sa terena za igru nakon prvog zaustavljanja igre i poduzeti odgovarajuću disciplinsku mjeru, ovisno o težini prekršaja. Ako je sudija zaustavio igru, zbog ometanja igre koje je počinio zamijenjeni igrač, sudija će protiv zamijenenog igrača poduzeti odgovarajuću disciplinsku mjeru i udaljiti ga s terena za igru. Igra se nastavlja direktnim slobodnim udacem za protivničku ekipu s mjesta gdje je zamijenjeni igrač omemoigrao. Međutim, ako je zamijenjeni igrač ometanje igre učinio u kaznenom prostoru koji pripada njegovoj ekipi, sudija će dosuditi kazneni udarac za protivničku ekipu.

39. Zamjenski igrač, koji se priključi u igru kao zamjena za saigrača bez odobrenja sudije, postigne pogodak. Sudija to shvati prije nastavka igre. Odluka sudije?

Sudija neće priznati pogodak, a zamjenskog igrača, kojeg treba smatrati kao „dodatačnu osobu“, uputiti će van terena za igru kako bi se ispravno obavio postupak zamjene. Oba igrača će opomenuti zbog nesportskog ponašanja, a igra se nastavlja udarcem s vrata za protivničku ekipu.

40. Zamjenski igrač se priključi u igru kao zamjena za saigrača bez odobrenja sudije, a protivnička ekipa postigne pogodak. Sudija to shvati prije nastavka igre. Odluka sudije?

Sudija će priznati pogodak, a zamjenskog igrača, kojeg treba smatrati kao „dodatnu osobu“, uputiti će izvan terena za igru kako bi se ispravno obavio postupak zamjene. Oba igrača će opomenuti zbog nesportskog ponašanja, a igra se nastavlja početnim udarcem.

41. Mora li igrač koji se zamjenjuje napustiti teren za igru na središnjoj liniji?

Ne.

42. Je li dopušteno da golan izvede ubacivanje, udarac iz ugla, kazneni udarac itd.?

Da. On je igrač svoje ekipe.

43. Tokom utakmice vratar brzo istrči s vrata kako bi zaustavio igrača protivničke ekipe te ispravno klizeći nogom izbjije loptu izvan terena za igru. Uslijed sile zamaha vratar odkliže izvan terena za igru, i prije nego se uspije vratiti, igrač protivničke ekipe izvede ubacivanje i u nastavku igre postiže pogodak. Odluka sudije?

Sudija će priznati pogodak.

44. Propozicije takmičenja određuju da se prije početka utakmice moraju imenovati svi igrači. Ekipa navede samo devet igrača i utakmica počne. Mogu li na utakmici učestvovati dva druga igrača koja dođu nakon što je igra počela?

Ne.

45. Ekipa imena igrača i zamjenskih igrača prijavi prije početka utakmice. Do početka utakmice dođe samo devet igrača koji su prijavljeni da će započeti utakmicu. Nakon početka utakmice pristignu još tri igrača imenovana kao zamjenski igrači u Zapisniku o utakmici. Treba li im sudija dozvoliti da nadopune ekipu?

Sudija će dozvoliti dvojici zamjenskih igrača da uđu u igru nakon prvog zaustavljanja igre, prema propisanom postupku zamjene, umjesto dvojice igrača koji nisu započeli utakmicu. Ekipa u nastavku utakmice može zamijeniti još jednog igrača.

46. Ekipa imena zamjenskih igrača prijavi sudije prije početka utakmice, ali oni na utakmicu dođu nakon njenog početka. Treba li ih sudija prihvati?

Da.

47. Ekipa sa samo 7 igrača kažnjena je kaznenim udarcem kao posljedicom isključenja jednog igrača. U ekipi ostane samo 6 igrača. Treba li sudija dopustiti izvođenje kaznenog udarca ili treba prekinuti utakmicu prije izvođenja udarca?

Sudija mora prekinuti igru bez dopuštenja izvođenja kaznenog udarca. IFAB je propisao da se utakmica ne bi trebala smatrati valjanom ako u bilo kojoj ekipi ostane manje od 7 igrača.

48. Igrač ekipe sa samo 7 igrača napusti teren za igru da bi mu se pružila ljekarska pomoć. Odluka sudije?

Sudija će zaustaviti igru sve dok se igrač nakon pružene pomoći ne vrati u teren za igru. Sudija treba pričekati skladno Propozicijama takmičenja, a ako igrač nije u mogućnosti igru nastaviti nakon propisanog vremena, utakmicu će prekinuti.

49. IFAB propisuje da se utakmica ne bi trebala nastaviti ako bilo koja od ekipa ima manje od 7 igrača. Na takmičenju na kojem se primjenjuje takvo ograničenje, ekipa s 11 igrača igra protiv ekipe sa samo 7 igrača. Kada ekipa s 11 igrača treba uputiti udarac na vrata, jedan od igrača ekipe sa 7 igrača namjerno napusti teren za igru.

a) Treba li sudija odmah zaustaviti igru?

Ne. Treba u obzir uzeti pravilo prednosti.

b) Ako je postignut pogodak, treba li ga priznati?

Da.

c) Koju iduću mjeru treba sudija poduzeti?

Ako se igrač, koji je napustio teren za igru, ne vrati do izvođenje početnog udarca nakon postignutog pogotka, igrač se opominje, a utakmica se konačno prekida. Sudija će o tome informisati nadležno tijelo. Međutim, ako se igrač vrati u teren za igru, sudija će ga opomenuti zbog namjernog napuštanja terena za igru bez odobrenja sudije. Ako je to igraču druga opomena, igrač se isključuje, a utakmica se prekida.

50. Ekipa koja igra s 12 igrača postigne pogodak, a sudija to uoči prije nastavka igre. Odluka sudije?

Sudija neće priznati pogodak. Prekobrojnog igrača će opomenuti zbog

nesportskog ponašanja i udaljiti ga s terena za igru. Igra se nastavlja udarcem s vrata za obrambenu ekipu.

51. Ekipa koja igra protiv ekipe koja se sastoji od 12 igrača postigne pogodak i sudija to uoči prije nastavka igre. Odluka sudije?

Sudija će priznati pogodak. Igrača koji je počinio prekršaj opomenut će zbog nesportskog ponašanja i udaljiti ga s terena za igru.

52. Može li igrač namjerno napustiti teren za igru radi unosa tekućine?

Ne. Igrači mogu uzimati tekućinu tokom prekida igre, ali samo na uzdužnoj liniji.

53. Ko određuje koliko se zamjenskih igrača upisuje u Zapisnik?

Propozicije takmičenja određuju koliko se zamjenskih igrača upisuje u Zapisnik, od 3 (tri) do najviše 12 (dvanaest).

54. Napadač uputi loptu prema vratima kada više nije bilo obrambenih igrača sa mogućnošću da spriječe siguran pogodak, sakupljač lopti uđe u teren za igru i udari loptu koja potom uđe uvrata. Odluka sudije?

Sudija će priznati pogodak, a sakupljača lopti udaljiti s terena za igru. Igra se nastavlja početnim udarcem.

55. Kako je u Pravilu 3 definisan minimalni broj igrača vezano za početak ili nastavak igre?

Utakmica ne može započeti ili se nastaviti ako bilo koja ekipa ima manje od sedam igrača.

56. Ukoliko je igra zaustavljena zbog ometanja igre ili igrača protivničke ekipe, a ometanje je počinio zamjenski igrač, službena osoba, zamijenjeni ili isključeni igrač, kako sudija nastavlja igru?

Igra će biti nastavljena direktnim slobodnim udarcem za protivničku ekipu s mesta gdje je igrač ometao igru. Ako se to dogodilo u kaznenom prostoru počinitelja prekršaja sudija će dosuditi kazneni udarac za protivničku ekipu.


57. Na loptu koja evidentno ulazi u vlastita vrata, naleti zamjenski igrač koji je samo dodirne, ali ona ipak uđe u vrata. Odluka sudije?

Sudija će pogodak priznati. Zamjenskog igrača opomenuti i udaljiti s terena za igru. Igru nastaviti početnim udarcem.

58. Navalni igrač, nakon što je zaobišao protivničkog vratara, upućuje loptu prema praznim vratima. Fotoreporter utrči u teren za igru i u želji da spriječi direktan pogodak samo dotakne loptu, koja ipak uđe u vrata. Odluka sudije?

Sudija će priznati pogodak, a fotoreportera udaljiti sa terena za igru. Igru se nastavlja početnim udarcem.

Pravilo



Oprema igrača

1. Sigurnost

Igrač ne smije koristiti opremu ili nositi na sebi ništa što može predstavljati opasnost.

Sav nakit (ogrlice, prstenovi, narukvice naušnice, kožne trake, gumene trake, itd.) strogo je zabranjen i mora da se ukloni. Korištenje trake da se prikrije nakit nije dozvoljeno.

Igrači moraju biti prekontrolisani prije početka utakmice, a zamjenski igrači prije nego što uđu na teren za igru. Ako se ustanovi da igrač nosi nedozvoljen odjevni predmet ili nakit tokom igre, sudija će:

- saopštiti igraču da taj predmet mora da ukloni
- narediti igraču da napusti teren za igru u sljedećem prekidu ako on to ne može ili ne želi da izvrši

Igrač koji odbije da to uradi ili opet nosi nedozvoljeni nakit mora se opomenuti (žuti karton).

2. Obavezna oprema

Obavezna oprema igrača sastoji se od sljedećih pojedinačnih dijelova odjeće:

- dres sa rukavima
- gaćice
- štucne – ako je na spoljašnjem dijelu štucni stavljeni traka ili sličan materijal, ona mora da bude iste boje kao i dio štucni na koju je stavljen ili se prekriva
- štitnici (kostobrani) - moraju biti napravljeni od pogodnog materijala kako bi obezbijedili razuman stepen zaštite i moraju biti prekriveni štucnama
- obuća

Vratari mogu nositi donji dio trenerke.

Igrač koji slučajno ostane bez cipele ili štitnika (kostobrana) mora ih vratiti što je prije moguće i ne kasnije od novog prekida igre. Ako je igrač prije nego što je stigao da popravi opremu igrao loptom i/ili postigne pogodak, pogodak će se priznati.

3. Boje

- Obje ekipe moraju da nose boje koje ih međusobno razlikuju, kao i od sudija
- Svaki vratar mora da nosi boje koje ga razlikuju od ostalih igrača te od sudija
- Ako su dresovi dva vratara iste boje, a nijedan od njih nema još jedan dres druge boje, koji bi mogao da obuče sudija će dozvoliti da utakmica počne

Poddres mora biti iste boje kao što je glavna boja rukava na dresu. Podgaćice ili helanke moraju biti iste boje kao što je glavna boja gaćica ili kao što je boja na najnižem dijelu gaćica. Igrači iste ekipe moraju nositi iste boje.

4. Ostala oprema

Zaštitna oprema koja nije opasna, npr. štitnici za glavu, maske za lice i štitnici za koljena i ruke napravljeni od mekog, lako postavljenog materijala ne smatraju se opasnim i samim tim su dozvoljeni, kao što su kape za vratare i sportske naočale.

Oprema za glavu

Ako igrači koriste opremu za glavu, (osim kapa za vratare), ona mora ispunjavati sljedeće uslove:

- mora biti crna ili iste boje kao glavna boja dresa (pod slovom da igrači iste ekipe nose istu boju)
- mora biti u skladu sa opremom igrača
- ne smije biti vezana za dres
- ne smije predstavljati nikakvu opasnost za igrača koji je nosi ili za bilo kojeg drugog igrača (npr. mehanizam otvaranje-zatvaranje oko vrata)
- ne smije imati bilo koji istureni dio

Elektronska komunikacija

Igračima (uključujući zamjenske igrače, zamijenjene igrače i isključene igrače) nije dozvoljena upotreba bilo kojeg oblika elektronske ili komunikacijske opreme (osim gdje je dozvoljena upotreba EPTS-a). Upotreba bilo kojeg oblika elektronske komunikacije službenih lica ekipa nije dozvoljena osim u slučajevima kada se direktno koristi u svrhu zdravlja i sigurnosti igrača.

Sistem za elektronsko praćenje (EPTS)

Gdje se koristi nošenje tehnoloških pomagala, kao dio elektronskog sistema za praćenje (EPTS), u utakmica igranim u zvaničnim takmičenjima pod pokroviteljstvom FIFE, konfederacija ili nacionalnih saveza, ta tehnologija koja je zakačena na opremu igrača mora da sadrži sljedeću oznaku:



Ovaj znak označava da je tehnologija zvanično testirana i zadovoljava minimalne sigurnosne zahtjeve "International Match Standard" razvijene pod nadzorom FIFE, i odobrene od strene Međunarodnog (IFAB). Instituti koji sprovode testove podliježu odobrenju FIFE. Period usklađivanja traje do 31. maja 2018. godine.

Tamo gdje je odobrena upotreba elektronskih uređaja koji sliže za praćenje i prikupljanje informacija o performansama igrača, a uz odobrenje organizatora takmičenja, mora biti obezbijeđena:

- da ti uređaji ne predstavljaju opasnost
- da informacije i podaci koji se prikupljaju sa uređaja ne smiju biti prenjeti, niti korišteni unutar tehničkog prostora tokom trajanja utakmice

5. Slogani, izjave, slike i reklame

Oprema ne smije da sadrži bilo kakve političke, vjerske ili lične slogane, izjave ili slike. Igrači ne smiju da otkrivaju dijelove opreme koji se nose ispod obavezne opreme koji pokazuju političke, vjerske ili lične slogane, izjave ili slike, ili reklamiranje veće od logotipa proizvođača. Igrač ili ekipa čija osnovna obavezna oprema ima političke, vjerske, ili lične slogane, ili izjave, ili slike, biće sankcionisan od strane organizatora takmičenja ili FIFE.

6. Prekršaji i kazne

Za bilo koji prekršaj ovog Pravila igru ne treba zaustavljati, a postupak je sljedeći:

- sudija će uputiti igrača da napusti teren za igru da popravi svoju opremu
- igrač napušta teren za igru u prekidu igre, osim ako već nije popravio svoju opremu

Igraču koji je upućen sa terena za igru da popravi ili promijeni svoju opremu:

- mora biti prekontrolisana ispravnost opreme od strane nekog iz sudijskog tima prije nego što dobije dozvolu za povratak na teren za igru
- povratak na teren za igru je moguć samo uz dozvolu sudske komisije (koja može biti dana i tokom igre)

Ako je igrač ušao na teren za igru bez dozvole sudske komisije mora dobiti žuti karton, a ako je igra zaustavljena da bi mu bio pokazan žuti karton biće dosuđen indirektni slobodan udarac sa mjesta gdje se nalazila lopta kada je igra zaustavljena.



IFAB®

REFEREE
FIFA

Pravilo 04

pitanja i odgovori

1. Smiju li igrači igrati bez kostobrana?

Ne.

2. Smiju li igrači ispod sportskih gaćica nositi "biciklističke hlačice" ili tajice i pod kojim uvjetima?

Smiju. „Biciklističke hlačice“ ili tajice moraju biti u boji glavne boje sportskih hlačica ili najnižeg dijela kratkih hlačica (poruba). Igrači iste ekipe moraju nositi istu boju podhlačica ili tajica.

3. Utakmica se izravno prenosi putem televizije koja zahtijeva da klubovi igraju u određenim bojama dresova radi kvalitetnijeg prijenosa. Jesu li klubovi dužni prihvati zahtjev televizije ?

Da, obavezni su prihvati zahtjev televizije.

4. Smiju li na službenim utakmicama igrači nastupiti bez obuće i smiju li je skidati tokom igre?

Ne smiju.

5. Kakav je postupak ako igrač tokom igre slučajno izgubi kopačku ili kostobran i nakon toga odigra loptu do suigrača. Odluka sudije?

Sudija će dozvoliti da se igra nastavi. Igrač mora opremu dovesti u red što je prije moguće, a najkasnije kada lopta idući put izade iz igre.

6. Tokom intervencije doktora u prekidu igre vratar i odbrambeni igrač domaće ekipe zamijene dresove bez dozvole sudije. Sudija to primijeti kada je, sada već bivši, vratar postigao pogodak. Odluka sudije?

Sudija će priznati pogodak, a vratara i odbrambenog igrača će opomenuti..

7. Vratar i odbrambeni igrač iste ekipe tokom odmora bez znanja sudije zamijene dresove. Sudija to primijeti u drugom poluvremenu dok je igra u toku, a njihova ekipa u prednosti. Odluka sudije?

Kod prvog zaustavljanja igre sudija treba opomenuti vratara i odbrambenog igrača.

8. Vratar i odbrambeni igrač iste ekipe tokom igre zamijene dresove bez znanja sudije. Vratar je prethodno bio opomenut zbog nesportskog ponašanja. Sudija primijeti zamjenu kada je taj, već sada bivši, vratar postigao pogodak protivničkoj ekipi (u dresu odbrambenog igrača). Odluka

sudije?

Pogodak priznati, odbrambenog igrača opomenuti, a vratara isključiti zbog druge opomene.

9. Prilikom pregleda opreme igrača ustanovili ste da igrač ima tzv. biciklističke gaćice do koljena i to crvene boje, a boja gaćica je plava. Odluka sudije?

U takvim biciklističkim gaćicama igrač ne može nastupiti.

10. Prilikom pregleda opreme sudija je ustanovio da igrač ima veliki prsten na ruci i zatraži da ga skine, no on je to odbio. Odluka sudije?

Ako igrač ne ispuni zahtjev sudija mu neće dozvoliti nastup sve dok oprema ne bude u skladu s Pravilom 4.

11. Može li vratar nositi donji dio trenerke?

Da.

12. Prilikom pregleda sudija je ustanovio da obje ekipe imaju jednake ili slične dresove. Ekipa domaćina traži da gosti promijene dresove i spremni su im ustupiti rezervne dresove, ali ustanovili ste da domaćin ne nastupa u prijavljenoj boji dresova. Odluka sudije?

Domaća ekipa mora promijeniti dresove.

13. Igra je u toku. Sudija je primijetio da je jedan od igrača spustio čarape. Odluka sudije?

Nakon prvog zaustavljanja igre, igrača treba uputiti izvan terena za igru da popravi opremu, ako to u međuvremenu nije učinio. Sudija će igraču dozvoliti da se vrati u igru nakon što je popravio opremu i nakon što ga je pregledao jedan od članova sudijskog tima. Povratak u igru može biti i tokom igre, uz dozvolu sudije.

14. Mogu li igrači nositi reklame na sportskim gaćicama, čarapama (dokoljenicama) ili kopačkama?

Mogu.

15. Jesu li dozvoljene reklame na dresovima (majicama), te ko je to propisao i uz koje pravilo?

Reklame na dresovima (majicama) su dozvoljene, a to je propisao IFAB u Pravilu 4.

16. Je li dozvoljeno skidanje dresova, a time razotkrivanje i pokazivanje podmajica na kojima su reklame, sloganii ili druge poruke te ko to sankcionira?

Nije dozvoljeno. U slučaju da to neko napravi sudije su dužne prijaviti, a sankcionira organizator takmičenja.

17. Je li dozvoljeno da igrači nose dresove (majice) bez rukava?

Nije dozvoljeno.

18. Je li dozvoljeno igračima nositi podmajice ispod dresova?

To je dozvoljeno pod uslovom da su podmajice u boji glavne boje na rukavu majice. Igrači iste ekipe moraju nositi istu boju.

19. Mogu li igrači koristiti jednodjelnu opremu za nastup na utakmici?

Ne. IFAB smatra da je to u suprotnosti s PNI.

20. Igrač tokom proslave postignutog pogotka skine svoj dres ili dresom prekrije glavu. Odluka sudije?

Sudija mora opomenuti igrača zbog nesportskog ponašanja svaki put kada skine svoj dres ili kada dresom prekrije glavu.

21. Smiju li igrači kao dio opreme nositi šalove, termalne okovratnike ili drugu sličnu odjeću?

Ne, jer isti nisu u skladu s definicijom "ostale opreme" iz Pravila 4.

22. Ako je boja dresova dvojice vratara jednaka, šta će sudija uraditi ako nijedan od njih nema drugi dres u koji bi se presvukao?

Sudija dopušta da igra započne.

23. Prema Pravilu 4, igrači obje ekipe i njihovi vratari moraju nositi majice ili dresove različitih boja koje ih razlikuju od ostalih igrača. Moraju li vratari nositi majice ili dresove različitih boja u odnosu na sudiju i pomoćne sudije?

Da. Igrači i vratari moraju nositi odjeću koja ih razlikuje od sudije i pomoćnih sudija.

24. Igrač skine svoj dres kako bi ispod njega pokazao slični. Odluka sudije?

Sudija opominje igrača zbog nesportskog ponašanja.

25. Može li igrač tokom utakmice nositi opremu koja je napravljena da bi ga štitila od povrede?

Igrači mogu nositi zaštitnu opremu, kao što su štitnici za koljena ili ruke, maske za lice ili štitnici za glavu, pod uslovom da ta oprema ispunjava zahtjeve Pravila 4 - Oprema igrača (tj. da nije opasna za samog igrača niti za druge igrače).

26. Može li igrač tokom utakmice nositi naočale?

Moderne sportske naočale, napravljene od plastike ili sličnog materijala, uobičajeno se ne smatraju opasnim i od sudije se u takvim okolnostima očekuje da dozvole njihovu upotrebu.

27. Sudija od igrača zatraži da ukloni nakit. Nakon nekoliko minuta sudija uoči da igrač i dalje nosi nakit. Odluka sudije?

Sudija će igrača opomenuti zbog nesportskog ponašanja i udaljiti ga s terena za igru kako bi skinuo nakit. Ako je sudija zbog toga zaustavio igru, igra se nastavlja indirektnim slobodnim udarcem, u korist protivničke ekipe, s mesta gdje se kažnjeni igrač nalazio u trenutku zaustavljanja igre.

28. Smiju li igrači koristiti samoljepljivu traku (flaster) kako bi prekrili nakit koji se smatra opasnim?

Ne.

29. Igraču se slučajno skine kopačka i odmah postigne pogodak. Je li to dozvoljeno?

Da. Igrač nije namjerno igrao bosonog, već je slučajno izgubio kopačku. Igrač mora opremu dovesti u red što je prije moguće, kako bi mogao nastaviti sudjelovati u igri.

30. Je li dozvoljena upotreba elektroničkih sistema za komunikaciju između igrača i/ili tehničkog osoblja?

Ne

31. Mogu li nacionalni savezi - članovi modificirati Pravilo 4?

Ne. Pravilo 4 nije uključeno u dozvoljene modifikacije opisane u Napomenama u svezi s Pravilima igre.

32. Je li dozvoljeno na vanjski dio čarape staviti traku ili sličan materijal?

Da. Traka ili bilo koji materijal koji obavlja vanjski dio čarape mora biti iste boje kao i dio čarape na koji se postavlja ili kojeg prekriva.

33. Sudija je igrača udaljio s terena za igru da popravi opremu. Dok je igra u toku igrač je popravio opremu i traži da se vrati u igru. Može li mu sudija to dozvoliti?

Može. Igrač mora proći provjeru bilo kojeg člana sudijskog tima prije nego što dobije dopuštenje za povratak na teren, koje može biti i tokom igre, uz dozvolu sudskega (igrača se tretira na isti način kao da se vraća poslije povrede).

Pravilo

05

Sudija

1. Autoritet sudije

Svaku utakmicu kontroliše sudija, koji ima potpunu ovlast u primjeni Pravila nogometne igre u vezi sa utakmicom koja mu je dodijeljena.

2. Odluke sudije

Sudija će odluke donositi u skladu sa Pravilima i "duhom igre" i one će biti zasnovane na mišljenju sudije, koji ima diskreciono pravo da preuzme odgovarajuće mjere u okviru Pravila nogometne igre.

Odluke sudije o činjenicama u vezi sa igrom, uključujući da li je ili ne postignut pogodak i rezultatu meča, su konačne. Odluke sudije i svih ostalih članova sudijskog tima, moraju uvijek biti poštovane.

Sudija ne može promijeniti svoju odluku ukoliko shvati da nije ispravna ili na intervenciju nekog od članova sudijskog tima, ako je igra nastavljena ili je obaviještenje dobio na kraju prvog ili drugog dijela igre (uključujući produžetke) i napustio je teren za igru ili je završio utakmicu.

Ako sudija privremeno nije sposoban da obavlja dužnost sudije, iz bilo kog razloga, igra može da se nastavi pod nadzorom ostalih članova sudijskog tima sve dok lopta ne bude van igre.

3. Prava i dužnosti

Sudija:

- primjenjuje Pravila nogometne igre
- kontroliše utakmicu u saradnji sa ostalim članovima sudijskog tima
- mjeri vrijeme, i sastavlja izvještaj o utakmici, nadležnim organima dostavlja izvještaj koji obuhvata informaciju o svakoj disciplinskoj mjeri koju je poduzeo, kao i svakom drugom incident koji se dogodio prije, za vrijeme ili poslije utakmice
- daje znak za nastavak utakmice poslije prekida igre

Prednost

- dopušta nastavak igre kada ekipa protiv koje je učinjen prekršaj može da iskoristi prednost i da kazni izvorni prekršaj ako se očekivana prednost ne ostvari u razumnom vremenu ili za nekoliko sekundi.

Disciplinske mjere

- kažnjava najteži prekršaj u smislu sankcionisanja, nastavka igre, fizičke ozbiljnosti i taktičkog uticaja, kada se istovremeno učini više od jednog prekršaja
- poduzima disciplinske mjere protiv igrača koji su napravili prekršaje za opomenu (žuti karton) ili isključenje (crveni karton)
- ima pravo poduzeti disciplinske mjere od trenutka kada uđe na teren za igru povodom redovne kontrole prije utakmice, pa sve do narušavanja terena za igru po završetku utakmice (uključujući i izvođenje kaznenih udaraca za dobijanje pobjednika). Ako, prije izlaska na teren za igru prije početka utakmice igrač napravi prekršaj koji se kažnjava isključenjem (crvenim kartonom), sudija ima pravo da tom igraču zabrani nastup na utakmici (vidi Pravilo 3.6). Sudija će prijaviti i bilo koji drugi oblik nesportskog ponašanja
- ima pravo da pokaže žuti ili crveni karton i, gdje to Propozicije takmičenja dozvoljavaju, privremeno isključi igrača, od trenutka izlaska na teren za igru prije utakmice, pa sve do kraja utakmice, uključujući pauzu između dva poluvremena, kao i tokom produžetaka i izvođenja kaznenih udaraca za dobijanje pobjednika.
- poduzima mjere protiv službenih lica ekipa koja nemaju odgovorno držanje i prema svom diskrecionom pravu, da ih odmah odstrani sa terena za igru i njegovog ograđenog dijela; medicinsko lice u ekipi koje čini nesportsko ponašanje može ostati u ekipi i pružati potrebnu medicinsku pomoć igračima ako ekipa nema drugo medicinsko lice.
- interveniše na obavljanja ostalih članova sudijskog tima koji se odnose na incidente koje nije vidi

Povrede

- dozvoljava nastavak igre dok lopta ne izađe iz igre, ako je igrač samo lakše povrijeđen
- zaustavlja igru ako je igrač teže povrijeđen i osigurava da se igrač iznese sa terena za igru. povrijeđeni igrač može da se vrati na teren za igru nakon što je igra nastavljena Ako je lopta u igri može da uđe na teren za igru samo sa uzdužne linije, a ako je lopta van igre može da se vrati na teren za igru sa bilo

koje granične linije. Odstupanja od ove procedure treba da se naprave samo u sljedećim situacijama:

- kada je povrijeđen vratar
- kada su se vratar i drugi igrač sudarili i treba im odmah pružiti pomoć
- kada su se igrači iz iste ekipe sudarili i treba im odmah pružiti pomoć
- u slučaju teške povrede
- kada je igrač povrijeđen zbog fizičkog prekršaja zbog kojeg se protivnik kažnjava žutim ili crvenim kartonom (npr. preoštar ili ozbiljan prekršaj) i ako će se medicinska pomoć završiti brzo
- određuje da igrač koji krvari napusti teren za igru. Igrač se može vratiti samo kad dobije odobrenje od sudije koji se mora uvjeriti da je krvarenje zaustavljeno i da nema krvi na opremi igrača
- ako sudija dozvoli ljekarima i/ili nosačima nosila da uđu na teren za igru, igrač mora napustiti teren na nosilima ili samostalno. Igrač koji odbije da napusti teren za igru mora dobiti žuti karton zbog nesportskog ponašanja
- ako sudija odluči opomenuti ili isključiti povrijeđenog igrača, a taj igrač mora da napusti teren za igru radi pružanja pomoći, sudija će mu karton pokazati prije nego što igrač napusti teren za igru
- ako igra nije zaustavljena iz nekog drugog razloga, ili ako povreda, koju je zadobio igrač, nije rezultat kršenja kršenja Pravila nogometne igre, sudija će nastaviti igru spuštanjem lopte

Vanjski uticaji

- sudija prekida igru, privremeno ili trajno prekida utakmicu zbog kršenja Pravila nogometne igre ili zbog vanjskih uticaja, kao na primjer:
 - neodgovarajuće osvjetljenje
 - ako predmet koji je bacio gledaoc pogodi nekog od sudija, ili igrača, ili službeno lice, sudija može da dozvoli da se utakmica nastavi, privremeno ili trajno prekine od zavisnosti u ozbiljnosti incidenta
 - ako gledaoc upotrijebi pištoljku i time utiče na igru, sudija će zaustaviti igru i nastaviti je spuštanjem lopte
 - ako druga lopta, druge stvari ili životinje uđu na teren za igru tokom utakmice, sudija mora:
 - zaustaviti igru (i nastaviti je spuštanjem lopte) samo ako je postojao uticaj na igru osim ako je lopta ulazila u vrata i uticaj nije spriječio odbrambenog igrača da interveniše, kada će biti priznat pogodak ako lopta uđe u vrata (čak i ako bude ostvaren kontakt sa loptom), osim ako lopta ulazi u vrata protivnika.

- dozvoliti nastavak igre ako nema uticaja na igru i pobrinuti se da se uklone što je prije moguće
- ne dozvoljava neovlaštenim licima da ulaze na teren za igru

4. Oprema sudije

Obavezna oprema:

Sudije moraju imati sljedeću opremu:

- Pištaljka(e)
- Sat(ovi)
- Crveni i žuti kartoni
- Bilježnica (ili drugo sredstvo za vođenje bilješki o utakmici)

Ostala oprema

Sudijama može biti dozvoljeno da koriste:

- Opremu za komunikaciju s drugim službenim licima – “biperi”, slušalice itd.
- EPTS ili drugu fitness opremu za praćenje

Sudijama i drugim službenim licima je zabranjeno nošenje nakita i bilo koje druge elektronske opreme.

5. Znakovi sudije

Pogledati slike za odobrene znakove sudije.

Pored postojećeg znaka sudije za prednost sa dvije ruke, sada je dozvoljen i sličan znak sa jednom rukom, jer nije uvijek lako tokom trčanja sudijama da prilikom pokazivanja prednosti koriste dvije ruke.




Indirektna sloboda udarac

Direktna sloboda udarac



Prednost (1)



Prednost (2)



Kazneni udarac



Crveni i žuti karton



Udarac iz ugla



Ubacivanje sa vrata

6. Odgovornost članova sudijskog tima

Sudija ili ostali članovi sudijskog tima ne mogu biti odgovorni:

- za bilo koju povredu koja se dogodi igraču, službenom licu ili gledaocu
- za bilo koju materijalnu štetu, ako se dogodi
- za bilo koju štetu učinjenu fizičkom licu, klubu, kompaniji, savezu ili svim ostalim organima koja bi bila pripisana ili koja bi mogla biti pripisana donešenoj odluci po Pravilima nogometne igre ili po poštovanju normalnog postupka propisanog za kontrolu utakmice.

Neke odluke se mogu odnositi i na:

- odluku kojom se dozvoljava ili zabranjuje odigravanje utakmice zbog stanja terena za igru i njegovog okruženja ili vremenskih uslova,
- odluku o trajnom prekidu utakmice koji se dogodi iz nekog razloga,
- odluku o prikladnosti opreme terena, i lopte koja se koristi na utakmici,
- odluku o prekidu utakmice ili ne, zbog intervencije gledalaca ili nekog drugog iznenadnog problema u dijelu predviđenom za gledaoce,
- da bi se dozvolilo iznošenje povrijeđenog igrača sa terena za igru zbog ukazivanja pomoći,
- odluku o zahtjevu sa insistiranjem za iznošenje povrijeđenog igrača sa terena za igru zbog ukazivanja pomoći,
- odluku o dozvoli ili zabrani igraču da nosi određenu odjeću ili opremu,
- odluku (ukoliko bude u njegovom djelokrugu) da dozvoli ili zabrani nekoj osobi (računajući u to službena lica ekipa ili stadiona, agente za sigurnost, fotografе ili druge predstavnike medija) da se nalaze u blizini terena za igru,
- svaku drugu odluku koju sudija može da donese po Pravilima nogometne igre ili po obavezama koje su određene u pravilnicima i propisima FIFE, konfederacija, nacionalnih saveza ili liga pod čijom se odgovornošću igra utakmica.

Pravilo 05

pitanja i
odgovori

1. Može li prije početka utakmice sudija igraču zabraniti pravo nastupa ili ga opomenuti?

Sudija može igraču zabraniti pravo nastupa, od trenutka kada uđe na teren za igru, radi pregleda terena prije početka utakmice. Da bi sudija mogao opomenuti igrača uslov je izlazak na teren za igru prije početnog udarca.

2. Ko i kako kontrolira pravo ulaska u ograđeni dio terena za igru ?

Sudija pomoću delegata i četvrtog sudije.

3. Kakav je postupak ako na utakmicu od određenih sudija dođe samo jedan pomoćni sudija?

Taj pomoćni sudija postaje sudija i odlučuje o izboru svojih pomoćnika, uz pismenu napomenu u zapisniku utakmice.

4. Kakav je postupak ako na utakmicu ne dođe niti jedan od određenih sudija, a u gledalištu ima ispitanih sudija?

Klubovi će se u pismenom obliku sporazumjeti oko sudije utakmice ako su utakmici prisutne ispitane sudije. Ako se ne dogovore, tada će delegat od prisutnih ispitanih sudija odrediti sudiju, a on će tada izabrati svoje pomoćnike, u skladu s Propozicijama takmičenja, i o tome napisati izvještaj.

5. Kada je sudija obavezan prekinuti utakmicu?

Sudija je obavezan prekinuti utakmicu: u slučaju većih nereda kada nije moguće daljnje odigravanje utakmice, kada osvjetljenje reflektorima nije dostatno, ako gledatelj baci neki predmet i pogodi člana sudijskog tima, igrača ili službenu osobu te budu ozbiljnije povrijedjeni, uslijed vremenskih nepogoda kada nije moguće daljnje odigravanje utakmice.

6. Kako se u zapisnik o utakmici upisuje igrač koji je opomenut zbog preoštrog prekršaja, a zatim isključen zbog drskog ponašanja (pljuvanja)?

Kao opomenuti i kao isključeni igrač.

7. Prilikom ulaska na teren za igru igrač jedne ekipe pljune na protivničkog vratara. Odluka sudije?

Isključiti igrača s pravom zamjene s jednim od upisanih zamjenika ako se to dogodilo prije početka utakmice. Isključiti igrača bez prava zamjene ako se to dogodilo u poluvremenu utakmice, prije početka drugog poluvremena.

8. Sudija nastavlja igru spuštanjem lopte. Igrači jedne ekipe ne žele biti u blizini spuštanja lopte. Sudija spušta loptu koja padne na tlo i njome igra igrac obrambene ekipe koji je bio prisutan kod spuštanja lopte, te postigne pogodak u vlastita vrata. Odluka sudije?

Pogodak ne priznati, a igru nastaviti udarcem iz ugla.

9. Ekipa nije došla na odigravanje utakmice ni 15 minuta nakon zakazanog vremena za početak. Hoće li sudija zahtijevati od prisutne ekipe izlazak na teren za igru i izvođenje početnog udarca?

Neće.

10. Može li sudija izmijeniti već donesenu odluku ?

Može, ako nije nastavio igru ili konačno završio utakmicu.

11. Sudija nastavlja igru spuštanjem lopte. Igrači jedne ekipe ne žele biti u blizini spuštanja lopte. Sudija spušta loptu koja padne na tlo i njome igra igrac napadačke ekipe koji je bio prisutan kod spuštanja lopte, te postigne pogodak u protivnička vrata. Odluka sudije?

Pogodak ne priznati, a igru nastaviti udarcem s vrata.

12. Prije pravilno izvedenog početnog udarca, zamjenski igrač udari trenera protivničke ekipe. Odluka sudije?

Zamjenskog igrača isključiti bez prava na dopunu u Zapisniku o utakmici.

13. Sudija je prije početka utakmice primijetio nekoliko redara u ogradenom dijelu terena za igru. Odluka sudije?

To je dozvoljeno.

14. Nekoliko policajaca i vojnih policajaca raspoređeno je unutar ogradenog dijela terena za igru. Odluka sudije?

To je dozvoljeno.

15. Tokom utakmice potukli su se delegat i trener domaće ekipe. Sudija to zapazi i zaustavi igru ?

Sudija će trenera udaljiti iz tehničkog prostora, a protiv delegata će podnijeti pismenu prijavu (budući da sudija nije ovlašten udaljiti delegata sa utakmice). Igra se nastavlja spuštanjem lopte s mjesta gdje je bila u trenutku zaustavljanja igre.

16. Sudija je dobio nalog za suđenje, ali zbog ličnih razloga sam se zamijenio s kolegom jer mu je druga utakmica bolje odgovarala. Navedite je li to dozvoljeno i kakva je to povreda PNI?

Nije dozvoljeno. To je Bitna materijalna povreda Pravila nogometne igre.

17. Navedite sve slučajeve Bitne materijalne povrede PNI.

- 1) Ako prvenstvenu utakmicu ili utakmicu kupa vodi sudija koji nije delegiran od strane nadležnog organa za delegiranje.
- 2) Ako se utakmica igra na terenu čije dimenzije nisu u skladu s odredbama Pravila 1 - Dimenzije terena za igru, s tim da je klub koji podnosi žalbu o tome podnio sudiji pismeni prigovor, u propisanom roku, prije početka utakmice.
- 3) Ako je utakmica igrana s većim brojem igrača od 11 ili manjim od 7.
- 4) Ako je poluvrijeme utakmice prema satu sudije utakmice trajalo duže od 45 minuta, a nije u pitanju nadoknada vremena, pa je u tom vremenskom razmaku postignut pogodak koji je neposredno uticao na konačni ishod utakmice.
- 5) Ako je iz indirektnog slobodnog udarca direktno postignut pogodak, sudija ga priznao, a on je neposredno uticao na ishod utakmice.
- 6) Ako je prilikom ubacivanja lopte u igru igrač ubacio loptu u vrata, a sudija to priznao kao pogodak koji je neposredno uticao na konačni ishod utakmice.
- 7) Ako je prilikom spuštanja lopte iz ruke (sudijska lopta) lopta neposredno ušla u vrata, a sudija ovo priznao kao pogodak koji je neposredno uticao na ishod utakmice.

18. Navedite, kako sudija postupa kada opominje igrača koji je već prethodno bio opomenut?

Prvo mu pokazuje žuti karton, a zatim crveni karton te ga isključuje iz igre.

19. Nezadovoljan odlukom sudije igrač ga pljune. Igra je bila zaustavljena. Odluka sudije?

Igrača isključiti, a igru nastaviti zbog čega je bila zaustavljena.

20. Zamjenski igrač prilikom zamjene, a prije ulaska u teren za igru, udari pomoćnog sudiju. Delegat traži nastavak utakmice. Odluka sudije?

Sudija odlučuje o nastavku utakmice. Ako nastavlja igru, sudija će zamjenskog igrača isključiti (pokazati crveni karton), uz mogućnost da neko od

upisanih zamjenskih igrača uđe u igru umjesto igrača koji je napustio teren za igru ili da se isti igrač vrati u igru. U slučaju da je sudija odlučio prekinuti utakmicu, također će isključiti zamjenskog igrača, a o incidentu će izvestiti nadležne organe.

21. Mogu li sudija i ostali članovi sudijskog tima odgovarati za povrede: igrača, službenih osoba ili gledatelja, odnosno za bilo kakvo oštećenje imovine ili drugi oblik materijalne štete, zbog odluka koje su donijeli temeljem PNI?

Ne.

22. Sudija je odlučio primijeniti pravilo prednosti, no nakon dvije sekunde uvjero se da ona nije uspjela pa je tada dosudio prethodni prekršaj.

Odluka je ispravna.

23. Sudija nastavlja igru spuštanjem lopte. Igrači jedne ekipe ne žele biti u blizini spuštanja lopte. Sudija spušta loptu, koja padne na tlo i njome igra igrač ekipe koja se brani uputi istu u vlastita vrata. Odluka sudije?

Sudija neće priznati pogodak, a igra se nastavlja udarcem iz ugla.

24. Ko je dužan osigurati da jednak broj igrača svake ekipe ostane unutar središnjeg kruga koji će izvoditi jedanaesterce?

Sudija.

25. Šta su sudije dužni poduzeti protiv igrača koji prekrše pravilo tj. koji uđu u kazneni prostor prije nego što je kazneni udarac pravilno izveden?

U skladu s PNI sudija mora biti dosljedan, posebno kada mora donijeti odluku o ponavljanju kaznenih udaraca.

26. Jesu li kapiteni i igrači dužni pozdraviti sudije prije i nakon utakmice i ko je to propisao?

Da. To je odluka NS/FS BiH.

27. Kako se u zapisnik upisuje igrač koji je isključen nakon druge opomene?

Pod „isključeni igrači“, s napomenom da je to zbog dvije opomene.

28. Igra je u toku i sudija zapazi da je neki igrač ozbiljno povrijeđen. Odluka sudije?

Igru zaustaviti, osigurati da povrijeđeni igrač napusti teren za igru (sam ili

da bude iznesen), a igru nastaviti spuštanjem lopte s mesta gdje je bila u trenutku kada je igra zaustavljena.

**29. Igrač koji je izašao zbog povrede želi se vratiti u igru koja je u toku.
Odluka sudije?**

Takav se igrač može vratiti u igru s uzdužne linije tek kada mu sudija to dozvoli. Ako se igrač nalazi iza poprečne linije, sudija će mu dozvoliti povratak u igru samo kada je igra zaustavljena.

30. Može li sudija promijeniti već donesenu odluku?

Sudija može promijeniti svoju odluku ukoliko shvati da odluka nije ispravna ili svojim diskrecijskim pravom na upozorenje ostalih članova sudijskog tima, pod uslovom da nije nastavio igru ili završio utakmicu.

31. Neke se utakmice igraju pod reflektorima. Ako osvjetljenja nestane, hoće li se ponovo morati igrati cijela utakmica ili samo preostali dio igre u slučaju da se osvjetljenje ne može popraviti?

Ako zbog razloga navedenih u Pravilu 5 sudija prekine utakmicu prije završetka regularnog toka igre, utakmica se mora odigrati u cijelosti, osim u slučaju ako Propozicije takmičenja ne propisuju da je rezultat postignut u trenutku prekida utakmice važeći.

32. Sudija primjenjuje prednost, ali očekivana se prednost ne ostvari. Može li kazniti prvobitni prekršaj?

Da, ali samo ako se očekivana prednost ne ostvari u tom trenutku ili unutar nekoliko sekundi (prema procjeni sudije) i pod uslovom da lopta nije napustila granice terena za igru.

33. Zamjenski igrač, koji sjedi na klupi unutar tehničkog prostora, zapali cigaretu ili se koristi mobilnim telefonom tokom igre. Odluka sudije?

Sudija će nakon prvog zaustavljanja igre ili izlaska lopte izvan graničnih linija, opomenuti zamjenskog igrača zbog nesportskog ponašanja.

34. Mogu li nosači koji nose nosila uči u teren za igru u isto vrijeme kada i doktori?

Ne. Nosači s nosilima mogu uči u teren za igru samo na znak sudije.

35. Kada se, izuzetno od Pravila, može pružati pomoć na terenu za igru?

Od zahtjeva za napuštanjem terena za igru izuzeti su sljedeći slučajevi: povrijeđeni vratar, sudar vratara i igrača koji zahtjeva neodgovari doktorski pregled, sudar igrača iste ekipe koji zahtjeva neodgovari doktorski pregled, teška povreda, povreda igrača kao posljedica prekršaja zbog kojega je počinitelj opomenut ili isključen (preoštar ili ozbiljan prekršaj s upotrebom pretjerane snage), pod uslovom da igraču bude brzo pružena pomoć.

36. Kakav je postupak sudije ako dodatna lopta, drugi predmet ili životinja uđe u teren za igru, a igra je u toku?

Ukoliko lopta, drugi predmet ili životinja uđe u teren za igru, a igra je u toku, sudija mora zaustaviti igru samo ukoliko ometaju igru, osim u slučaju kada lopta ide u vrata, a vanjski uticaj ne sprječava obrambenog igrača da igra loptom. U tom slučaju pogodak se priznaje čak i ako je postojao kontakt s loptom, a lopta potom uđe u vrata.

U slučaju da je sudija zaustavio igru, potrebno je ukloniti loptu, predmet ili životinju, a potom igru nastaviti spuštanjem lopte s mjesta gdje je bila u trenutku zaustavljanja *. Ako ipak lopta, drugi predmet ili životinja ne utiče na igru, sudija neće zaustavljati igru već će to ukloniti prvom mogućom prilikom.

37. Kada sudija mora zatražiti mišljenje ostalih članova sudijskog tima oko ispravnosti pogotka?

Uvijek kada se za to ukaže potreba.

38. Ako sudiju u lice udari lopta koja zatim uđe u vrata dok je sudija privremeno onesposobljen, hoće li se pogodak priznati iako sudja nije bio u njegovu postizanje?

Da, ali samo ako je po mišljenju ostalih članova sudijskog tima pogodak postignut ispravno.

39. Tokom utakmice sudiju ili jednog od ostalih članova sudijskog tima ili igrača udari predmet koji baci gledatelj. Igra se zaustavlja kako bi se toj osobi pružila doktorska pomoć. Može li sudija nastaviti igru?

Ovisno o ozbiljnosti incidenta, sudija može dozvoliti nastavak igre, zaustaviti igru ili prekinuti utakmicu. O incidentu (incidentima) mora izvestiti nadležne organe.

40. Je li sudija ovlašten zaustaviti igru ako, po njegovom mišljenju, osvjetljenje nije odgovarajuće?

Da. U slučaju da se osvjetljenje ne može ospozobiti, sudija će prekinuti utakmicu i o prekidu utakmice izvijestiti nadležne organe.

41. Može li kapiten ekipe isključiti jednog od svojih saigrača radi grubog prekršaja?

Ne. Samo sudija može isključiti igrača s terena za igru.

42. Ima li kapiten ekipe pravo osporavati odluke sudije?

Ne. Ni kapiten ekipe, niti bilo koji drugi igrač, nema pravo pokazati neslaganje s odlukom sudije.

43. Igrač napravi prekršaj koji se kažnjava opomenom, ali sudija dozvoljava nastavak igre kako bi dao prednost protivničkoj ekipi. Kada će sudija opomenuti igrača?

Sudija će igrača opomenuti uvijek kada po prvi put zaustavi igru ili lopta izade izvan terena za igru.

44. Sudija dozvoljava nastavak igre kada igrač napravi prekršaj koji se kažnjava opomenom. Igru zatim zaustavlja kako bi se dosudio direktni slobodan udarac u korist ekipe protiv koje je počinjen prvobitni prekršaj. Igrač brzo izvodi direktni slobodan udarac kako bi stekao prednost. Je li to dozvoljeno?

Ne. Sudija ne dozvoljava brzo izvođenje udarca. Prije nego se igra nastavi opominje igrača koji je počinio prvobitni prekršaj.

45. Može li sudija pokazati žuti ili crveni karton tokom odmora između poluvremena ili nakon završetka utakmice?

Da. Sudiji je dozvoljeno pokazivanje žutih i crvenih kartona sve dok ne napusti teren za igru.

46. Šta sudija treba učiniti ako se dva kapitena dogovore da se preskoči odmor u poluvremenu, a jedan od igrača insistira na svom pravu da se odmori?

Igrači imaju pravo na odmor i sudija to mora dopustiti.

47. Je li sudija ovlašten naređiti službenim osobama ekipa da izadu izvan graničnih linija terena za igru?

Da.

48. Službena osoba ekipe se nesportski ponaša. Odluka sudije?

Udaljuje službenu osobu iz tehničkog prostora i njegovog okruženja, iza ograćenog dijela terena za igru (tamo gdje takve ograde postoje).

49. Pomoćni sudija označi da je lopta prešla uzdužnu liniju nakon čega obrambeni igrač unutar kaznenog prostora nasilno udari igrača napadačke ekipe. Odluka sudije?

Obrambeni se igrač isključuje zbog nasilnog nesportskog ponašanja i pokazuje mu se crveni karton. Sudija nastavlja igru ubacivanjem zbog toga što je lopta izašla izvan terena za igru prije nego što je prekršaj napravljen.

50. Kako sudija treba reagovati ako tokom utakmice posumnja da jedna ekipa namjerno nastoji izgubiti? Treba li skrenuti pažnju ekipi na činjenicu da će, nastavi li igrati na takav način, prekinuti utakmicu u skladu s odredbama Pravila 5?

Sudija nema pravo prekinuti utakmicu u tom slučaju. O sumnji da je jedna ekipa nastojala izgubiti utakmicu mora izvijestiti nadležne organe.

51. Dok je lopta u igri, dva protivnička igrača istovremeno naprave prekršaje. Odluka sudije?

Sudija zaustavlja igru i kažnjava teži prekršaj. Ovisno o težini prekršaja, opominje ili isključuje igrače, ili ne poduzima nikakve disciplinske mjere. Igra se nastavlja direktnim slobodnim udarcem protiv ekipe čiji je igrač počinio teži prekršaj.

52. Gledatelj zazviždi, a obrambeni igrač unutar svog kaznenog prostora uhvati loptu rukama, pretpostavljajući da je igra zaustavljena. Odluka sudije?

Ako sudija smatra da je zvižduk vanjski utjecaj, igru zaustavlja i igru nastavlja spuštanjem lopte.*

53. Sudija označi pogodak prije nego što je cijela lopta prešla poprečnu liniju i odmah uoči svoju grešku. Odluka sudije?

Sudija neće priznati pogodak, a igra se nastavlja spuštanjem lopte.*

54. Koja je dužnost sudije gdje je u upotrebi GLTtehnologija (Tehnologija na gol-liniji)?

Gdje je u upotrebi GLT tehnologija sudija je dužan provjeriti funkcionalnost

tehnologije, a prema uputama FIFA-e ako ista ne funkcionira u skladu s uputama, neće se primijeniti te je sudija dužan obavijestiti nadležne organe.

55. Čemu služi tehnologija GLT(Tehnologija na gol-liniji?)

GLT tehnologija služi kao pomoć sudiji kao potvrda je li postignut pogodak.

56. Od kojeg trenutka sudija ima ovlasti poduzimati disciplinske mjere?

Sudija ima pravo poduzimati disciplinske mjere od trenutka kada uđe na teren za igru radi pregleda terena prije utakmice do napuštanja terena za igru po završetku utakmice (uključujući i jedanaesterce).

57. Igrač je povrijedjen prekršajem za koji je protivnik kažnen opomenom i potrebna mu je doktorska pomoć. Odluka sudije?

Sudija će dozvoliti ulazak doktora/fizioterapeuta u teren za igru. Igrač može nastaviti igru bez da je napustio teren za igru ako je doktorski tretman obavljen brzo (smjernice IFAB-a upućuju da je to 20-25 sekundi).

58. U isto vrijeme, kada igrač namjerno igra loptu rukom, protivnički igrač starta na njega na preoštar način. Odluka sudije?

Sudija će zaustaviti igru i opomenuti igrača zbog preoštrog prekršaja. Igra će se nastaviti direktnim slobodnim udarcem protiv ekipe igrača koji je startao na preoštar način sa mjesta gdje je počinjen prekršaj. Sudija će u ovakvim situacijama kazniti teži prekršaj.

59. Neposredno prije zagrijavanja, kada su igrači prijavljeni za nastup u zapisnik o utakmici, igrač u tunelu pljune na igrača protivničke ekipe. Odluka sudije?

Sudija će igrača prijaviti kao isključenog i zabraniti mu nastup bez pokazivanja crvenog kartona. Igrača može zamijeniti imenovani zamjenski igrač sa spiska (tog zamjenskog igrača ne može se zamijeniti novim igračem). Broj dozvoljenih zamjena ostaje isti.

60. Od kojeg trenutka sudija ima ovlasti pokazivati žute i crvene kartone?

Sudija ima pravo pokazati žute ili crvene kartone od ulaska na teren za igru na početku utakmice pa sve dok utakmica ne završi, uključujući i odmor između poluvremena, produžetke i jedanaesterce. Crveni ili žuti karton može se pokazati igraču, zamjenskom ili zamijenjenom igraču.

61. Šta spada u:

- a) obaveznu opremu sudija;**
b) ostalu opremu sudija?

a) Obavezna oprema:

- Pištaljka(e)
- Sat(ovi)
- Crveni i žuti kartoni
- sveska (ili drugo sredstvo za vođenje bilješki o utakmici)

b) Ostala oprema:

Sudiji može biti dopušteno koristiti:

- Opremu za komunikaciju s drugim članovima sudijskog tima - zastavice sa zvučnim/vibrirajućim znakom, slušalice, itd.
- EPTS ili drugu opremu za praćenje tjelesne spreme

Sudijama i ostalim članovima sudijskog tima zabranjeno je nošenje nakita ili bilo koje druge elektroničke opreme.

62. Sudija ne vidi znak pomoćnog sudije za ofsjajd poziciju i lopta uđe u vrata. Igra je nastavljena početnim udarcem i tek tada sudija uoči znak pomoćnog sudije. Odluka sudije?

Sudija dopušta da se igra nastavi budući da ne može promijeniti svoju odluku nakon što je igra nastavljena. O spomenutom događaju sudija će obavijestiti nadležne organe.

63. Četvrtom sudiji domaća ekipa najavi zamjenu dva igrača. Nakon što je četvrti sudija provjerio igrače i pripremio zamjenu, o tome obavijesti sudiju. Sudija, nakon prvog zaustavljanja igre, dozvoli četvrtom sudiji da izvrši propisani postupak zamjene igrača. U trenutku kada je četvrti sudija želio objaviti brojeve igrača koji trebaju napustiti teren za igru, semafor prestane raditi. Kakav je daljnji postupak?

Četvrti sudija će uz pomoć sudije obavijestiti igrače koji trebaju napustiti teren za igru, i nakon njihovog izlaska, dozvoliti ulazak zamjenskih igrača. Sudija će nadoknaditi izgubljeno vrijeme. Preporučuje se, da uz elektronski semafor, četvrtom sudiji bude uvijek dostupna i tabla sa brojevima.

The background of the page features a subtle, abstract graphic design. It consists of several thick, curved bands of color that overlap each other. The primary colors are a medium teal and a light grey. These curves flow from the top left towards the bottom right, creating a sense of motion and depth. The lighting is soft, with slight highlights on the edges of the curves, emphasizing their form against a darker, solid-colored background.

IFAB®

IFAB®

Pravilo



Ostali članovi sudijskog tima

Ostali članovi sudijskog tima (dva asistenta, četvrti sudija, dva dodatna asistenta i rezervni asistent) mogu biti određeni za utakmicu. Oni pomažu sudiji u kontrolisanju utakmice u skladu sa Pravilima nogometne igre, ali konačnu odluku uvijek donosi sudija.

Ostali članovi sudijskog tima postupaju prema uputama sudije. U slučaju neopravdanog miješanja ili nesportskog ponašanja, sudija će ih razriješiti njihovih dužnosti i podnijeti izvještaj nadležnom organu.

Sa izuzetkom rezervnog asistenta, oni pomažu sudiji kada su učinjeni prekršaji gdje su oni imali bolji ugao gledanja od sudije i oni moraju podnijeti izvještaj nadležnom organu u slučajevima ozbiljnih prekršaja ili drugih incidenata koji su se dogodili izvan vidokruga sudije i ostalih članova sudijskog tima. Oni moraju obavijestiti sudiju i ostale članove sudijskog tima o bilo kom izvještaju koji su podnijeli.

Ostali članovi sudijskog tima pomažu sudiji pri pregledu terena za igru, lopti i opreme igrača (izvještavaju ga i o problemima koje su samostalno riješili) i vode evidenciju o vremenu, pogotcima, nesportskom ponašanju, itd.

Propozicije takmičenja moraju jasno odrediti ko mijenja nekog od članova sudijskog tima ako nije u mogućnosti početi ili nastaviti utakmicu i bilo koje druge promjene. Posebno mora biti jasno, ako sudija nije u mogućnosti da nastavi utakmicu, da li ga mijenja četvrti sudija ili stariji asistent ili stariji dodatni asistent.

1. Sudije Asistenti

Oni označavaju kada:

- kada cijela lopta napusti teren za igru i kojoj ekipi se dodjeljuje udarac iz ugla, udarac sa vrata ili ubacivanje
- kada neki igrač treba da bude kažnjen zato što je u ofsjed položaju
- kada se traži zamjena igrača
- kada, kod izvođenja kaznenog udarca, vratar napusti gol-liniju prije nego što je lopta udarena i ako je lopta presla gol-liniju. Ako su u sudijskom timu i dodatne pomoćne sudije, pomoćni sudija zauzima poziciju u liniji sa tačkom za izvođenje kaznenog udarca

Sudije asistenti također pomažu proceduru zamjene igrača.

Sudije asistenti mogu da uđu na teren za igru kako bi pomogao kontrolisati razdaljinu od 9,15 m (10 jardi).

2. Četvrti sudija

Četvrti sudija:

- pomaže kod procedure zamjene igrača
- provjerava opremu igrača/zamjenskih igrača
- kontroliše povratak igrača ne teren za igru prateći znak/dozvolu sudije
- nadgleda zamjenu lopti
- pokazuje minimalnu nadoknadu vremena koju je sudija odredio na kraju svakog poluvremena (uključujući produžetke)
- obavještava sudiju o neodgovornom ponašanju bilo koje osobe u tehničkom prostoru

3. Dodatne sudije asistenti

Oni označavaju kada:

- kada cijela lopta pređe poprečnu liniju uključujući i kada je postignut pogodak
- kojoj ekipi se dodjeljuje udarac iz ugla ili udarac sa vrata
- kada kod izvođenja kaznenog udarca, vratar napusti gol-liniju prije nego što je lopta udarena i ako je lopta prešla gol-liniju

4. Rezervni sudija asistent

Jedina dužnost rezervnog sudije asistenta je da zamjeni pomoćnog sudiju ili četvrtog sudiju ukoliko neko od njih nije u mogućnosti nastaviti utakmicu.



5. Znakovi sudija asistenata


Zamjena




Prekršaj za napadačku ekipu



Prekršaj za odbrambenu ekipu



**Ubacivanje sa strane
za napadačku ekipu**



**Ubacivanje sa strane
za odbrambenu ekipu**



Udarac iz ugla




Ubacivanje sa vrata



Ofsajd



Ofsajd na bližoj
strani terena za igru



Ofsajd na sredini
terena za igru



Ofsajd na daljoj
strani terena za igru

6. Signal dodatnog asistenta sudije



IFAB®



Pravilo 06

pitanja i odgovori

1. Koje su temeljne dužnosti pomoćnih sudija ?

- djeluju prema uputama sudije,
- pomažu sudiji pri procjeni prekršaja kada imaju bolji pogled od sudije te moraju podnijeti izvještaj nadležnim organima o svakom ozbilnjom slučaju nesportskog ponašanja ili drugom incidentu koji se dogodio izvan vidokruga sudije ili preostalih članova sudijskog tima
- moraju savjetovati sudiju i ostale članove sudijskog tima pri sastavljanju bilo kojeg izvještaja
- pomažu sudiji pri pregledu terena za igru, lopti i opreme igrača (uključujući i provjeru riješenih problema) te pri vođenju bilješki o vremenu, pogocima, nesportskom ponašanju, itd.

Označavaju kada:

- cijela lopta napusti teren za igru, te koja ekipa ima pravo izvesti udarac iz ugla, udarac s vrata ili ubacivanje,
- igrač u ofsajd poziciji može biti kažnen,
- je zatražena zamjena,
- se tokom izvođenja kaznenog udarca vratar pomaknuo s gol-linije prije nego što je lopta udarena
- te ukoliko je cijela lopta prešla gol-liniju; ako su u sudijskom timu i dodatne pomoćne sudije, pomoćni sudija zauzima mjesto u ravnini tačke za izvođenje kaznenog udarca,

Pomoćni sudija također pomaže nadzirati postupak zamjene. Pomoćni sudija može ući na teren za igru kako bi pomogao nadzirati udaljenost od 9,15 m kod izvođenja slobodnih udaraca.

2. Pomoćni sudija je signalizirao prekršaj napravljen u kaznenom prostoru nad napadačem, zbog čega je dosuđen kazneni udarac. Je li to dozvoljeno i hoće li sudija to uvažiti?

To je dozvoljeno i sudija to može uvažiti.

3. Pomoćni sudija udaljeniji od mjesta prekršaja, koji se dogodio u kaznenom prostoru nad napadačem, signalizira isti, iako je sudija bio bliži događaju. Je li pomoćni sudija u pravu?

Da. Udaljenost od mjesta prekršaja nije glavni kriterij kod procjene prekršaja, već je li pomoćni sudija imao bolji nadzor nad situacijom ili ne.

4. Izvodi se kazneni udarac,vratar se pomakne korak prema naprijed,

prije nego što je udarac pravilno izveden, sudija to ne zapazi, a postignut je pogodak. Koja je dužnost pomoćnog sije i koju odluku sudija donosi?

Sudija će priznati pogodak bez intervencije pomoćnog sudije.

5. Izvodi se kazneni udarac, vratar se pomakne korak prema naprijed, prije nego što je kazneni udarac pravilno izveden, sudija to ne zapazi i vratar odbrani udarac, no to zapazi pomoćni sudija. Odluka sudije?

Pomoćni sudija je dužan podići zastavicu kako bi signalizirao nepravilnost postupka vratara i kazneni udarac treba ponoviti. Sudija će vratara opomenuti.

6. Izvodi se kazneni udarac. Nakon pravilno izvedenog kaznenog udarca, nastaje spor je li cijela lopta prešla ili nije poprečnu liniju vrata. Pomoćni sudija podigne zastavicu i na unaprijed dogovoren način potvrđi sudiji da je cijela lopta prešla poprečnu liniju. Odluka sudije?

Sudija će priznati pogodak.

7. Izvodi se kazneni udarac. Nakon pravilno izvedenog kaznenog udarca, nastaje spor je li cijela lopta prešla, ili nije, poprečnu liniju vrata. Pomoćni sudija označi da nije. Odluka sudije?

Sudija neće priznati pogodak.

8. Pomoćni sudija je ušao u teren za igru da bi odbrambeni zid udaljio na 9,15 metara, a da zato nije dobio dozvolu sudije. Je li to ispravno i kada to pomoćne sudije smiju napraviti?

Da, pomoćne sudije uvijek kada je to potrebno, mogu ući u teren za igru, kako bi omogućili pravilnu udaljenost od 9,15 metara kod izvođenja slobodnih udaraca.

9. Pomoćni sudija, trčeći bočno kako bi pratilo akciju, uđe nehotice pola metra u teren za igru. Udarena lopta pogodi ga u nogu i odbije se do napadačkog igrača koji postigne pogodak?

Pogodak priznati.

10. Ako se povrijedi prvi pomoćni sudija na utakmicama Prve, Druge ili Treće Lige, gdje je u funkciji i četvrti sudija, koje on mjesto zauzima i ko je to propisao?

Četvrti sudija zauzet će mjesto kako to predviđaju Propozicije takmičenja.

11. Može li utakmica započeti bez pomoćnih sudija?

Ne.

12. Mogu li pomoćne sudije nakon utakmice komentarisati odluke sudije, odnosno protestovati zbog neuvažavanja davanja znakova tokom utakmice?

Ne.

13. Mogu li zamjenski igrači ili zamijenjeni igrači vršiti dužnost pomoćnih sudija ukoliko nema ispitanih sudija?

Ne.

14. Može li sudija zamijeniti pomoćnog sudiju i u kojem slučaju?

Može, i to u slučaju povrede, nepotrebnog uplitanja u odluke sudije ili ako pomoćni sudija bude pristran. O spomenutom incidentu sudija mora informisati nadležne organe.

15. Smiju li pomoćne sudije objašnjavati odluke na primjer gledateljima, rukovodstvima ili drugima?

Ne, ne smiju.

16. Pomoćni sudija ocjeni da nije kažnjiv ofsajd i to diskretnim znakom ruke pokaže sudiji. Je li to dozvoljeno?

Ne, dozvoljeni su samo propisani signali zastavicom.

17. Pomoćni sudija signalizira ofsajd, no sudija to nije primjetio. Mora li pomoćni sudija nastaviti signalizirati i do kada?

Pomoćni sudija mora nastaviti signalizirati ofsajd dok ne bude primjećen ili dok loptu očigledno ne bude kontrolirala ekipa koja se brani, odnosno dok mu sudija znakom ne označi da preuzima odgovornost.

18. Kakav je postupak kod neophodne izravne konsultacije sudije i pomoćnog sudije?

Pomoćni sudija može krenuti 2-3 metra u teren za igru prema sudiji, koji trčeći unazad prilazi, a tada informacija pomoćnog sudije mora biti kratka, jasna i precizna tj. što se dogodilo, koji igrači, precizna lokacija, preporučena mjera i nastavak igre (u takvoj konsultaciji sudije trebaju izbjegći mogućnost da druge

osobe čuju razgovor).

19. Kako pomoćni sudija postupa u vezi s tačnim mjestom prekršaja u blizini granica kaznenog prostora?

Pomoćni sudija mora prvo uspostaviti kontakt pogledom sa sudijom kako bi video gdje se nalazi sudija i koje su tehničke mjere poduzete. Ukoliko sudija nije poduzeo nikakve tehničke mjere, a pomoćni sudija smatra da je prekršaj napravljen unutar kaznenog prostora, onda isti mora dati znak zastavicom, upotrijebiti zvučni elektronički znak i nastavlja se kretati prema ugaonoj zastavici.

Ukoliko pomoćni sudija smatra da je prekršaj napravljen izvan kaznenog prostora, nastavlja se kretati duž uzdužne linije prema središnjoj liniji. Pomoćni sudija treba biti pripravan dati informacije jesu li potrebne disciplinske mjere ili ne, i kojom će disciplinskom mjerom sudija kazniti počinitelja prekršaja.

20. Ostali članovi sudijskog tima uoče grešku sudije vezano uz disciplinsku mjeru (dvije opomene istom igraču, a isti nije isključen, isključenje krivog igrača) ili tehničku mjeru (dvostruko igranje loptom kod izvođenja slobodnih udaraca, odigravanje lopte između dva odbrambena igrača pri izvođenju slobodnih udaraca unutar kaznenog prostora). Šta je njihova dužnost?

Ostali članovi sudijskog tima moraju reagovati trenutačno i obavijestiti sudiju o takvom slučaju.

21. Gdje se postavlja pomoćni sudija kod izvođenja kaznenog udarca kada na utakmici nisu određene dodatne sudije:

- a) kod kaznenog udarca i**
- b) kod jedanaesteraca?**

a) Na sjecištu poprečne linije i linije kaznenog prostora,
b) Na sjecištu poprečne linije i linije vratareva prostora.

22. Na utakmicama gdje je imenovani četvrti sudija, ko nadzire zamjenu igrača?

Četvrti sudija.

23. Može li sudija zatražiti od pomoćnog sudije da iznese svoje mišljenje o tome je li cijela lopta prešla poprečnu crtu između stubova vrata?

Da.

24. Kako se postavlja pomoćni sudija kod izvođenja udarca s vrata?

Pomoćni sudija će prvo provjeriti je li lopta ispravno postavljena unutar vratarevog prostora. Ako nije, signalizirati će to sudiji podizanjem zastavice. Ako je to ispravno, pomoćni sudija trči prema vrhu kaznenog prostora i provjerava je li lopta u igri i jesu li svi igrači protivničke ekipe izvan kaznenog prostora. Ako prethodnji igrač odbrane izvodi udarac s vrata, pomoćni sudija odmah zauzima položaj u ravnini prednje linije kaznenog prostora. Konačno pomoćni sudija zauzima položaj u liniji s prethodnjim igračem odbrane, što mu je u svakom slučaju prioritet.

25. Gdje se postavlja pomoćni sudija kada se vratar, za vrijeme igre, rješava lopte iz ruke?

Pomoćni se sudija postavlja u ravniu prednje linije kaznenog prostora i provjerava dira li vratar ili ne dira loptu rukom izvan kaznenog prostora. Jednom kada se vratar riješi lopte pomoćni se sudija postavlja u liniju kojom prati prethodnjeg igrača odbrane, što mu je prioritet.

26. Gdje se postavlja pomoćni sudija kod izvođenja kaznenog udarca?

Pomoćni sudija se postavlja na sjecištu poprečne linije i linije kaznenog prostora. U utakmicama na koje je određen i dodatni pomoćni sudija, pomoćni sudija će se kod izvođenja kaznenog udarca postaviti na uzdužnoj liniji, u zamišljenoj liniji koja prolazi tačkom za izvođenje kaznenog udarca, paralelnom sa poprečnom linijom.

27. Gdje se postavljaju članovi sudijskog tima kod izvođenja kaznenog udarca u utakmicama na koje su određeni dodatne pomoćne sude?

U utakmicama na koje su određeni dodatne pomoćne sude, pomoćni sudija će se kod izvođenja kaznenog udarca postaviti u zamišljenoj liniji koja prolazi tačkom za izvođenje kaznenog udarca, paralelnom sa poprečnom linijom. Dodatni pomoćni sudija će se postaviti na sjecištu poprečne linije i linije kaznenog prostora.

28. Gdje se postavljaju pomoćne sude kod izvođenja jedanaesteraca za dobijanje pobjednika?

Jedan od pomoćnika postavlja se na sjecištu poprečne linije i linije vratarevoga prostora dok se drugi pomoćni sudija postavlja u središnjem krugu kontrolirajući preostale igrače obje ekipe.

29. Gdje se postavljaju članovi sudijskog tima kod izvođenja jedanaesteraca za dobijanje pobjednika u utakmicama na koje su određeni dodatne pomoćne sudije?

Oba pomoćnika sudije se postavljaju u središnjem krugu kontrolirajući preostale igrače obje ekipe. Dodatne pomoćne sudije postavljaju se na oba sjecišta poprečne linije i linije vratareva prostora.

30. Gdje se postavljaju članovi sudijskog tima kod izvođenja jedanaesteraca za dobijanje pobjednika u utakmicama na koje su određene dodatne pomoćne sudije, i na kojima se koristi GLT?

Prvi dodatni pomoćni sudija postavlja se na sjecištu poprečne linije i linije vratareva prostora, dok se drugi dodatni pomoćni sudija postavlja u središnjem krugu kontrolirajući preostale igrače jedne ekipe. Prvi pomoćni sudija postavlja se u središnjem krugu kontrolirajući preostale igrače druge ekipe, dok se drugi pomoćni sudija postavlja na uzdužnoj liniji kontrolirajući ponašanja u jednom tehničkom prostoru. Ponašanja u drugom tehničkom prostoru kontroliše četvrti sudija.

31. Kako pomoćni sudija postupa kod situacije „pogodak - nije pogodak“?

Kada lopta uđe u vrata bez sumnje sudija i pomoćni sudija ostvaruju očni kontakt, a pomoćni sudija brzo trči 25 - 30 metara po uzdužnoj liniji prema središnjoj liniji terena za igru sa zastavicom u desnoj ruci. U dvojbenoj situaciji (kada je cijela lopta prešla liniju vrata) pomoćni sudija podiže zastavicu u zrak lijevom rukom, drži je 2 - 3 sekunde (dok ga ne primijeti sudija), pokazuje zastavicom prema središnjoj liniji te trči 25 - 30 metara sa zastavicom u desnoj ruci.

Ako nije postignut pogodak pomoćni sudija ništa ne signalizira.

ČETVRTI SUDIJA

1. Koje su temeljne dužnosti četvrtog sudsije?

- djeluje prema uputama sudsije
- pomaže sudsiji pri prekršajima kada ima bolji pogled od sudsije te mora podnijeti izvještaj nadležnom organu o svakom ozbiljnem slučaju nesportskog ponašanja ili drugom incidentu koji se dogodio izvan vidokruga sudsije ili preostalih članova sudijskog tima
- mora savjetovati sudsiju i ostale članove sudijskog tima pri sastavljanju bilo kojeg izvještaja
- pomaže sudsiji pri pregledu terena za igru, lopti i opreme igrača (uključujući i provjeru riješenih problema) te pri vođenju bilješki o vremenu, pogocima, nesportskom ponašanju, itd.

Četvrti sudsija pomaže i pri:

- nadzoru postupka zamjene
- provjeri opreme igrača/zamjenskog igrača
- ponovnom ulasku igrača nakon sudijskog znaka/odobrenja nadzoru zamjenskih lopti
- pokazivanju minimalne nadoknade vremena koju je sudsija odredio na kraju svakog poluvremena (uključujući produžetke)
- obavještavanju sudsije o neodgovornom ponašanju bilo koje osobe u tehničkom prostoru

2. Koga zamjenjuje četvrti sudsija u slučaju povrede sudsije?

Ovisno o odluci NS/FS BiH, a prema Propozicijama dotičnog takmičenja.

1) Četvrti sudsija bit će imenovan prema Propozicijama takmičenja i obavit će dužnost u slučaju da jedan od trojice sudsija nije u mogućnosti nastaviti svoju dužnost (prema Propozicijama dotičnog takmičenja), osim ukoliko nije imenovan rezervni pomoćni sudsija.

2) Prije početka takmičenja organizator treba jasno odrediti hoće li, u slučaju da sudsija ne može nastaviti suditi četvrti sudsija preuzeti njegove dužnosti ili će ga ipak zamijeniti prvi pomoćni sudsija, dok će četvrti sudsija obaviti dužnost pomoćnog sudsije.

3. Sudija je privremeno prekinuo utakmicu zbog nestanka električne energije, u 78. minuti. Igra je nastavljena nakon prekida koji je trajao 12 minuta. Kako će sudijski tim postupiti u svezi nadoknade vremena?

Sudijski tim ima obavezu, ukoliko su osigurani uslovi za odigravanje

utakmice u skladu s Propozicijama takmičenjima, nastaviti utakmicu u preostalom vremenu do 90. minute. Po isteku 90. minute, četvrti sudija pokazuje vrijeme koje će se igrati kao nadoknada izgubljenog vremena tokom utakmice.

4. Na koji način sudija objavljuje nadoknadu izgubljenog vremena?

Četvrti sudija će pokazati minimalnu nadoknadu vremena, prema odluci sudije, na kraju posljednje minute svakog poluvremena ili svakog produžetka utakmice.

Nadoknadu vremena sudija može produžiti, ali ne i skratiti.

1. Ko propisuje imenovanje i ko može biti imenovan dodatnim pomoćnim sudijom?

Propozicije takmičenja propisuju upotrebu dodatnih pomoćnih sudija, a oni moraju biti aktivne sudije najvišeg ranga takmičenja.

2. Ko propisuje i ko zamjenjuje povrijeđenog sudiju koji ne može vršiti svoju dužnost?

To propisuju Propozicije takmičenja, a povrijeđenog sudiju zamjenjuje prvo imenovani dodatni pomoćni sudija dok njegovo mjesto zauzima četvrti sudija.

3. Kakav je propisani znak dodatnog pomoćnog sudije u situacijama pogodak/nije pogodak?

Dodatni pomoćni sudija, nakon što je procijenio da je cijela lopta prešla gol liniju i ušla u vrata, mora:

- odmah obavijestiti sudiju putem komunikacijskog sistema da treba dosuditi postizanje pogotka
- lijevom rukom u (kojoj se nalazi štap), okomito na gol-liniju, jasno pokazati prema sredini terena.

Konačnu odluku donosi sudija.

4. Koje su temeljne dužnosti dodatnih pomoćnih sudija?

Dodatni pomoćni sudija:

- djeluje prema uputama sudije,
- pomaže sudiji pri prekršajima kada ima bolji pogled od sudije, te mora podnijeti izvještaj nadležnom organu o svakom ozbiljnном slučaju nesportskog ponašanja ili drugom incidentu koji se dogodio izvan vidokruga sudije ili preostalih članova sudijskog tima
- mora savjetovati sudiju i ostale članove sudijskog tima pri sastavljanju bilo kojeg izvještaja
- pomaže sudiji pri pregledu terena za igru, lopti i opreme igrača (uključujući i provjeru riješenih problema) te pri vođenju bilješki o vremenu, pogocima, nesportskom ponašanju, itd.

Dodatne pomoćne sudije mogu označiti:

- kada je lopta u cijelosti prešla poprečnu liniju, uključujući i postizanje pogotka
- koja ekipa ima pravo izvesti udarac iz ugla ili udarac s vrata
- kada se tokom izvođenja kaznenog udarca vratar pomaknuo s gol-linije prije nego što je lopta udarena te ukoliko je lopta prešla gol-liniju.

REZERVNI POMOĆNI SUDIJA

1. Koje su temeljne dužnosti rezervnog pomoćnog sudije?


Jedina je dužnost rezervnog pomoćnog sudije zamijeniti pomoćnog sudiju ili četvrtog sudiju koji nije u mogućnosti nastaviti obavljati svoju dužnosti.



IFAB®

IFAB®

Pravilo



Trajanje utakmice

1. Dijelovi igre

Utakmica se sastoji od dva jednakata dijela, svaki od po 45 minuta, i čije trajanje može biti promjenjeno samo uz saglasnost obje ekipe koja mora biti ostvarena prije početka utakmice i u skladu sa propozicijama takmičenja.

2. Poluvrijeme

Igrači imaju pravo na odmor između dva dijela utakmice, ne duži od 15 minuta; kratka pauza za osvježavanje je dozvoljena između dva dijela u produžetcima. Propozicije takmičenja moraju da odrede trajanje odmora u poluvremenu i može de mijenjati samo uz saglasnost sudsije.

3. Nadoknada izgubljenog vremena

Sudsija će odrediti nadoknadu izgubljenog vremena u svakom dijelu igre za vrijeme izgubljeno zbog:

- zamjene igrača
- procjene povrede i/ili iznošenje prijeđenog igrača sa terena za igru
- gubljenja vremena
- disciplinskih mjera
- prekida radi za osvježenje ili drugih medicinskih razloga, koji su odobreni propozicijama takmičenja
- bilo kojeg drugog razloga, uključujući značajno odlaganje nastavka igre (npr. zbog proslave pogotka)

Četvrti sudsija pokazuje minimalnu nadoknadu vremena, prema odluci glavnog sudsije, na kraju posljedne minute svakog perioda igre. Nadoknadu vremena sudsija može produžiti ako sudsija smatra da je to potrebno, ali nikada ne može da se skrati.

Sudsija neće nadoknaditi grešku u mjerenu vremenu iz prvog poluvremena, produžavanjem ili skraćivanjem trajanja drugog poluvremena.


4. Kazneni udarac

Ako kazneni udarac treba da bude izveden ili ponovo izveden, trajanje svakog dijela treba da bude produženo da bi se sprovedla kompletna procedura izvođenja kaznenog udarca.

5. Trajno prekinuta utakmica

Prekinuta utakmica prije isteka regularnog vremena, ponovno će se odigrati izuzev ukoliko propozicijama takmičenja nije drugačije definisano

IFAB®



Pravilo 07

pitanja i odgovori

1. Koliko traje odmor između dva poluvremena?

Odmor prema Pravilima igre ne može trajati duže od 15 minuta.

2. Završili ste prvo poluvrijeme. Dolaskom u svlačionicu, uvjeri vas delegat, četvrti sudija i pomoćne sudije da ste poluvrijeme skratili za 5 minuta. Vi ste potom i sami uvjereni u svoju grešku. Odluka sudije?

Igru započeti kako je bila prekinuta i nadoknaditi 5 minuta. Zatim po isteku 5 minuta odmah izvršiti zamjenu strana i započeti 2. poluvrijeme početnim udarcem. Sve vezano uz ovaj događaj zabilježiti u Zapisnik o utakmici.

3. Radi što ranijeg završetka utakmice igrači jedne i druge ekipe zamole sudiju da između dva poluvremena ne žele imati odmor, već samo da zamijene strane i odmah nastave s igrom u drugom poluvremenu. Tome se suprotstavi jedino vratar domaće ekipe. Odluka sudije?

Dozvoliti odmor prema PNI.

4. Od kada sudija mjeri vrijeme kod početnog udarca na početku igre?

Kada je lopta u igri od pravilno izvedenog početnog udarca.

5. Zbog loših vremenskih uslova delegat i klubovi traže da se produži vrijeme trajanja odmora na 25 minuta. Odluka sudije?

Sudija neće dozvoliti.

6. Zbog hladnoće delegat i klubovi (takmičenje u organizaciji NS/FS BiH) traže da se odmor u svlačionicama produži na više od 15 minuta. Odluka sudije?

Dozvoliti odmor prema PNI.

7. Sudija je tokom igre u drugom poluvremenu spoznao da je skratio igru u prvom poluvremenu za 5 min. Odluka sudije?

Normalno završiti utakmicu, ali propust navesti u zapisnik o utakmici.

8. Ko određuje vrijeme trajanja igre mlađih uzrasta?

Obavezno odlučuje IO NS/FS BiH uz PNI.

9. Koliko je vrijeme trajanja utakmice i trajanje produžetaka kod mlađih uzrasta predviđeno u Pravilniku o nogometnim takmičenjima NS/FS-a BiH?

Kod utakmica mlađih uzrasta utakmica traje:

- juniori 2 x 45 minuta produžetci 2x15minuta
- kadeti 2 x 40 minuta produžetci 2x10minuta
- stariji pioniri 2 x 35 minuta produžetci 2x5 minuta
- mlađi pioniri 2 x 30 minuta produžetci 2x5 minuta
- početnici 2 x 25 minuta produžetci 2x5 minuta
- predpioniri 2 x 20 minuta produžetci 2x5 minuta

10. Jesu li kapiteni i igrači ekipa dužni pozdraviti sudije i gledatelje prije i nakon utakmice i ko je to propisao?

Da, to je odluka NS/FS BiH.

11. Je su li i kako ekipe dužne pozdraviti sudije i gledatelje prije i nakon završetka utakmice?

Da. Prema uputama u Odluci IO NS/FS BiH.

12. Ostavlja li se sudiji da odluči treba li se vrijeme izgubljeno zbog povrede ili drugih razloga nadoknaditi ili ne?

Ne. Sudija mora u svakom poluvremenu igre, te u svakom produžetku ako do njega dođe, nadoknaditi izgubljeno vrijeme. Međutim, dodatno vrijeme određuje sudija.

13. Igraju se produžeci kako bi se odlučio pobjednik utakmice ili utakmica kod kuće i u gostima. Imaju li igrači pravo na odmor između dva produžetka?

Pravo igrača na odmor između završetka regularnog toka igre i početka produžetaka je propisano posebnom odlukom u Propozicijama takmičenja i iznosi pet minuta. Odmor između dva produžetka nije uobičajen, osim ukoliko Propozicije takmičenja ne predviđaju drugačije.

14. Pokazuje li objava minuta nadoknade vremena na kraju regularnog toka igre preostalo vrijeme utakmice?

Ne. To je samo indikacija minimalnog vremena koje se dodaje na kraju svakog poluvremena utakmice te na kraju produžetaka, ali se ono može povećati ako tako smatra sudija.

15. Može li sudija kompenzirati pogrešku u mjerenu vremena tokom prvog poluvremena, dodavanjem ili oduzimanjem vremena u drugom poluvremenu?


Ne.

16. Navedi razloge zbog kojih je sudija obavezan nadoknaditi izgubljeno vrijeme?

Sudija određuje nadoknadu vremena u svakom poluvremenu, te u svakom produžetku ako do njega dođe, za vrijeme izgubljeno zbog:

- zamjena igrača
- pregleda povrijeđenog igrača i/ili iznošenja igrača s terena za igru
- disciplinskih mjera
- pauze za osvježenje ili drugih medicinskih razloga, u skladu s Propozicijama takmičenja
- bilo kojeg drugog razloga, uključujući i bilo koju značajniju odgodu nastavka igre (primjerice, zbog proslave pogotka).

Pravilo



Početak i nastavak igre

Početnim udarcem započinju oba dijela utakmice, oba dijela produžetaka i nastavci igre poslije postignutog pogotka. Slobodni udarci (direktni ili indirektni), kazneni udarci, ubacivanja, udarci sa vrata i udarci iz ugla su druga vrsta nastavka (vidi Pravila 13-17) Spuštanje lopte je način nastavka igre poslije privremenog neophodnog prekida dok je lopta bila u igri, a iz nekog razloga koji nije nigdje pomenut u Pravilima nogometne igre.

Ako se neki prekršaj dogodi dok lopta nije u igri ne može biti promjene nastavka igre.

1. Početni udarac

Procedura

- vrši se bacanje novčića i ekipa koja pobijedi u bacanju novčića, odlučuje na koja će vrata napadati u prvom dijelu utakmice
- drugoj ekipi se dodjeljuje početni udarac
- ekipa koja je izabrala vrata na koja će napadati, u drugom dijelu utakmice izvodi početni udarac
- u drugom dijelu ekipe mijenjaju strane i napadaju na suprotna vrata
- poslije postignutog pogotka ekipa koja je primila pogodak izvodi početni udarac

Kod svakog početnog udarca:

- svi igrači, osim igrača koji izvodi početni udarac, se nalaze na vlastitoj polovici terena za igru
- igrači ekipe koja ne izvodi početni udarac moraju se nalaziti najmanje na 9,15 m (10 jardi) od lopte, sve dok ona ne bude u igri
- lopta se postavlja na zemlju na središnju tačku
- sudija daje znak za početak izvođenja
- lopta je u igri kada je udarena i jasno pomjerena

- pogodak se iz početnog udarca može postići direktno u protivnička vrata; ako lopta direktno uđe u vrata ekipe koja izvodi početni udarac, dosuđuje se udarac iz ugla za protivničku ekipu.

Prekršaji i kazne

Ako izvođač dodirne loptu drugi put prije nego što je loptu dodirnuo drugi igrač, biće dosuđen indirektni sloboden udarac ili direktan sloboden udarac ukoliko namjerno dodirne loptu rukom.

Za svaki drugi prekršaj u prilikom izvođenja početnog udarca će se ponoviti.

2. Spuštanje lopte

Postupak

Sudija spušta loptu da padne na mjestu gdje se nalazila u trenutku kada je igra prekinuta, osim ako se to desilo u prostoru vrata, u tom slučaju lopta se spušta na liniji prostora vrata paralelno poprečnoj liniji na mjestu koje je najbliže mjestu na kome se lopta nalazila kada je igra zaustavljena.

Lopta je u igri kada dodirne tlo.

Bilo koji broj igrača može učestvovati pri spuštanju lopte (uključujući i vratare). Sudija ne može odlučivati ko će učestvovati pri samom spuštanju ili u blizini spuštanja lopte.

Prekršaji i kazne


Spuštanje lopte se ponavlja:

- ako je loptu dodirnuo igrač prije nego što je dotakla tlo
- ako je lopta napustila teren za igru nakon što je dodirnula tlo, a da je niko od igrača nije dotakao

Ako spuštena lopta uđe u vrata, a da pritom nisu dodirnula najmanje dvojica igrača, igra se nastavlja:

- udarcem s vrata ako uđe u protivnička vrata
- udarcem iz ugla ako uđe u sopstvena vrata

IFAB®



Pravilo 08

pitanja i
odgovori

1. Kakav je postupak ako početni udarac izvodi počasna osoba?

Kada počasna osoba izvede početni udarac igru treba zaustaviti i pričekati izlazak te osobe, nakon toga igru započeti početnim udarcem i od tada mjerimo vrijeme.

2. Nakon pravilno izvedenog početnog udarca igrač koji je izveo isti ponovno igra loptom, a da je prije toga nitko nije dodirnuo. Odluka?

Igru zaustaviti. Indirektan slobodan udarac za protivničku ekipu s mjesta gdje je igrač drugi put igrao loptu nogom.

3. Lopta bi vidljivo izašla preko uzdužne linije, no na samoj liniji pogodi pomoćnog sudiju i odbije se u teren za igru gdje je prihvati napadač koji tada postiže pogodak. Odluka sudije?

Pogodak priznati.

4. Na loptu koja ide prema vratima, starta odbrambeni igrač kojega, ušavši u teren za igru, rukama zadrži gledatelj, a lopta uđe u vrata. Odluka sudije?

Sudija neće priznati pogodak, a gledatelja će udaljiti s terena za igru. Igra se nastavlja spuštanjem lopte na mjestu gdje je gledatelj ometao igrača *.

5. Na loptu koja evidentno ulazi u vrata njegove ekipe, naleti zamjenski igrač koji je samo dodirne, ali ona ipak uđe u vrata. Odluka sudije?

Sudija će priznati pogodak. Zamjenskog igrača opomenuti i udaljiti s terena za igru, a igru nastaviti početnim udarcem.

6. Koja ekipa izvodi početni udarac kada se igraju produžeci?

Sudija baca novčić, a ekipa koja dobije ždrijeb odlučuje o vratima na koja će napadati u prvom dijelu produžetaka. Druga ekipa izvodi početni udarac.

7. Lopta je iz početnog udarca udarena direktno u protivnička vrata. Odluka sudije?

Sudija će priznati pogodak.

8. Igrač prilikom izvođenja početnog udarca loptu ne udari prema naprijed. Odluka sudije?

Sudija će dozvoliti nastavak igre.

9. Mora li se uvijek nakon postignutog pogotka izvesti početni udarac kao nastavak igre?

Ne mora.

10. Vratar odbrani udarac, a tada rukom izbac i loptu iz svog kaznenog prostora u protivnička vrata?

Pogodak priznati.

11. Može li početni udarac izvesti neka druga osoba, a ne isključivo igrači koji sudjeluju na utakmici?

Ne može. Ako se na određenim utakmicama (npr. humanitarne ili egzibicijske utakmice) organizuje svečanost da osoba koja ne sudjeluje u igri izvede početni udarac, lopta se mora vratiti na centar kako bi se ponovio početni udarac prema Pravilima igre.

12. Može li se vratar priključiti ostalim igračima u situacijama spuštanja lopte?

Da. U takvim situacijama može sudjelovati bilo koji igrač.

13. Kada se igra treba nastaviti spuštanjem lopte, igrači jedne ekipe odbiju u tome sudjelovati. Odluka sudije?

Nastavlja igru spuštanjem lopte. Nije potrebno da prilikom spuštanja lopte radi nastavka igre budu prisutne obje ekipe.

14. Kada se lopta spušta radi nastavka igre, odskoči izvan igre bez da je dodirnula bilo kojeg igrača. Odluka sudije?

Nastavlja igru ponovnim spuštanjem lopte na istom mjestu kao i ranije.

15. Sudija spušta loptu, a nakon što je ispravno spuštena igrač je udari i sprovede u protivnička vrata. Odluka sudije?

Pogodak ne priznati, a igra se nastavlja udarcem s vrata za odbrambenu ekipu.

16. Sudija spušta loptu, a nakon što je ista ispravno spuštena, igrač je udari i sprovede u vlastita vrata. Odluka sudije?

Pogodak ne priznati, a igra se nastavlja udarcem iz ugla za protivničku ekipu.

17. Kada je početni udarac pravilno izveden?

Početni udarac je pravilno izveden kad je lopta udarena i jasno pomaknuta u bilo kojem smjeru. Od sudije se očekuje da zaustavi igrača ekipa koja izvodi početni udarac ako isti stoji u protivničkoj polovini terena za igru, budući da to više nije potrebno. Sudije bi trebale djelovati proaktivno prije izvođenja početnog udarca i kratko upozoriti izvođača, kako bi izbjegli nepravilno izvođenje početnog udarca.

IFAB®

Pravilo



Lopta u igri i izvan igre

1. Lopta izvan igre

Lopta je izvan igre kada:

- cijela pređe poprečnu ili uzdužnu liniju, po zemlji ili po zraku
- sudija zaustavi (prekine) igru

2. Lopta u igri

Lopta je u igri u bilo kojem trenutku, uključujući i kada se odbije od bilo kojeg sdije, od stubova vrata, prečke, ili ugaone zastavice i ostane unutar terena za igru.

Pravilo 09

pitanja i odgovori

1. Kada smatramo da je pogodak postignut ispravno?

Pogodak je postignut kada cijela lopta pređe poprečnu liniju između stubova vrata i prečke, pod uslovom da ekipa koja postiže pogodak nije povrijedila PNI/PFI.

2. Tokom igre vratar, odbranivši udarac na gol, uhvati loptu, krene tri koraka i postavi je na liniju vratarevog prostora, te nogom izvede "kao udarac s vrata". Prije nego je lopta napustila granice kaznenog prostora, na loptu natrči protivnički igrač koji se nalazio u kaznenom prostoru i postigne pogodak. Odluka sudija?

Sudija će priznati pogodak.

3. Šta je to spuštanje lopte?

Spuštanje lopte je način nastavka igre kada, dok je lopta još uvijek u igri, sudija mora privremeno zaustaviti igru iz bilo kojeg razloga koji nije drugdje spomenut u PNI/PFI.

4. Šta je to početni udarac?

Početni udarac je način početka ili nastavka igre: na početku utakmice, nakon postizanja pogotka, na početku drugog poluvremena, te na početku svakog produžetka igre ako do toga dođe.

5. Koje je uslove potrebno zadovoljiti za izvođenje početnog udarca?

Pri svakom početnom udarcu:

- svi igrači moraju biti na vlastitioj polovici terena za igru*
- igrači protivničke ekipe moraju biti udaljeni najmanje 9,15 metara (10 jardi) od lopte, sve dok ona ne bude u igri
- lopta mora nepomično stajati na oznaci centra terena za igru
- sudija daje znak za početak izvođenja
- lopta je u igri kada je udarena i jasno pomaknuta

6. Može li se protivničkoj ekipi postići pogodak direktno iz početnog udarca?

Pogodak može biti postignut protivničkoj ekipi direktno iz početnog udarca

7. Je li lopta izvan igre ako bilo koji dio lopte pređe poprečnu ili uzdužnu liniju?

Ne. Cijela lopta mora preći liniju.

8. Sudija je pravilno spustio loptu na liniju vratarevog prostora. Lopta, nakon što je udarila od tla odbije se nošena jakim vjetrom uđe u vrata, a da je niko nije dotakao. Odluka sudije?

Spuštanje lopte ponoviti

9. Igrač zamoli da napusti teren za igru i, dok izlazi, lopta dođe prema njemu, a on je nogom udari u protivnička vrata. Odluka sudije?

Sudija će zaustaviti igru i igrača opomenuti (žuti karton) zbog nesportskog ponašanja. Igra se nastavlja indirektnim slobodnim udarcem koji izvodi igrač protivničke ekipe sa mesta na kojem je prekršaj počinjen.*

10. Sudija ne vidi znak sudije asistenta za prekršaj ofsjada i lopta uđe u vrata. Igra je nastavljena početnim udarcem i tek tada sudija uoči znak sudije asistenta. Odluka sudije?

Dopušta da se igra nastavi budući da ne može promijeniti svoju odluku o priznavanju pogotka nakon što je igra nastavljena.

11. Lopta slučajno udari sudiju na terenu za igru i odbije se u vrata. Je li postignut pogodak?

Da, pod uslovom da nema prekršaja Pravila igre.



IFAB®

Pravilo

10

Određivanje ishoda utakmice

1. Postizanje pogotka

Pogodak je postignut kada lopta cijela pređe poprečnu liniju između stubova vrata i ispod prečke, pod uslovom da prije toga nije načinjen nikakav prekršaj od strane ekipe u čiju korist je postignut pogodak.

2. Pobjednička ekipa

Ekipa koja ostvari veći broj pogodaka za vrijeme utakmice je pobjednik. Ako obje ekipe postignu jednak broj pogodaka, ili ako nijedan pogodak nije postignut, utakmica je nerješena.

Kada propozicije takmičenja nalažu da se na kraju utakmice mora dobiti pobjednik (nakon izjednačenog rezultata ili izjednačenja u sklopu domaćih i gostujućih utakmica), jedine dozvoljene procedure za odlučivanje pobjednika su:

- pravilo pogotka u gostima
- dva jednaka intervala produžetaka, ne duža od 15 minuta
- kazneni udarci za dobijanje pobjednika

Kombinacija navedenih procedura je dozvoljena.

3. Kazneni udarci za dobijanje pobjednika

Kazneni udarci za dobijanje pobjednikase izvode na kraju utakmice, ukoliko nije drugačije propisano važećim pravilima igre.

Procedura

Prije nego što kazneni udarci za dobijanje pobjednika počnu


- osim ako ne postoje druge okolnosti (npr. stabnje terena, stepen bezbjednosti itd.) sudija bacanjem novčića odlučuje na kojim vratima će se izvoditi udarci i koja mogu biti promjenjena iz sigurnosnih razloga ili ako sama vrata ili podloga postanu neupotrebljivi




Pogodak



Nije pogodak



Pogodak



Nije pogodak

gol
linija

gol
linija

- sudija ponovo baca novčić i ekipa koja dobije ždrijeb odlučuje da li će prvi ili drugi izvoditi udarac
- uz izuzetak igrača koji zamjeni vratara koji nije u mogućnosti da nastavi utakmicu, samo igrači prisutni na terenu za igru ili koji su privremeno van terena (povreda, popravljanje opreme itd.) na kraju utakmice, imaju pravo da učestvuju u izvođenju udaraca
- svaka ekipa je odgovorna za izbor i redoslijed igrača koji treba da uzvode udarce. Sudija ne mora biti informisan o redoslijedu
- ako na kraju utakmice i prije ili tokom izvođenja udaraca jedna ekipa ostane sa većim brojem igrača nego njen protivnik, ona će smanjiti broj svojih igrača da bi se izjednačila sa brojem igrača protivničke ekipe i sudija mora biti obavješten o broju i imenima svakog igrača koji je izostavljen. Izostavljeni igrač ne može učestvovati u izvođenju udaraca (osim u dole navedenom slučaju)
- vratar koji nije u mogućnosti da nastavi igru prije ili tokom izvođenja udaraca sa mesta sa kojeg se izvode kazeni udarci može biti zamjenjen igračem koji je izuzet od izvođenja udaraca kako bi se izjednačio broj igrača u ekipama, ili, ukoliko njegov tim ima maksimalan broj dozvoljenih izmjena – zamjenskim igračem, ali zamjenjeni vratar nema pravo daljeg učešća i ne može izvoditi udarac.

Tokom izvođenja kaznenih udaraca za dobijanje pobjednika

- samo igrači koji su stekli uslov kao i sudije utakmice imaju pravo da ostanu na terenu za igru
- svi igrači koji su stekli uslov, osim igrača koji izvodi kazneni udarac i dva vratara, moraju biti u središnjem krugu
- vratar suigrača koji izvodi kazneni udarac mora da ostane na terenu za igru sa spoljne strane kaznenog prostora u kome se izvode ovi udarci i to na mjestu presjeka poprečne linije i linije kaznenog prostora
- svi igrači koji su stekli uslov mogu da zamjene mjesto sa vrataram
- udarac se smatra završenim kada se lopta prestane kretati, izade iz granica terena za igru ili kada sudija zasutavi igru zbog bilo koje vrste prekršaja; igrač ne možeigrati loptom po drugi put
- sudija vodi evidenciju udaraca
- ako vratar napravi prekršaj, i kao rezultat toga, udarac se ponavlja a vratar mora biti opomenut (žuti karton)

- ako se izvođač sankcioniše za prekršaj nakon što je sudija označio početak izvođenja udarca, udarac se upisuje kao promašaj, a izvođač mora biti opomenut (žuti karton).
- ako vratar i izvođač istovremeno načine prekršaj:
 - ako je udarac promašen ili odbranjen, udarac se ponavlja, a oba igrača moraju biti opomenuta (žuti karton)
 - ako je udarac realizovan (postignut pogodak), pogodak se poništava, udarac se bilježi kao promašaj, a izvođač mora biti opomenut

Pod dole navedenim uslovima, svaka ekipa izvodi po pet udaraca

- udarci se izvode naizmjenično
- ako prije noga što svaka ekipa izvede po pet udaraca, jedna od njih postigne više pogodaka nego što može postići druga ekipa čak i kad bi izvela svojih pet udaraca, udarci se više ne izvode
- ako, pošto su obje ekipe izvele svojih pet udaraca, obje postignu jednak broj pogodaka ili ne postignu niti jedan, izvođenje udaraca se nastavlja po istom redu, sve dok pri istom broju pokušaja, jedna ekipa ne postigne pogodak više od druge
- svaki udarac izvodi drugi igrač i tek kada svi igrači koji su stekli uslov izvedu prvi udarac, jedan od njih može da izvede svoj drugi udarac
- gore navedeni princip se nastavlja za svaku sljedeću seriju udaraca, ali ekipe mogu mijenjati redoslijed izvođača udaraca
- kazneni udarci za dobijanje pobednika se ne mogu prekinuti zbog igrača koji je napustio teren za igru. Smatrat će se da je igrač "promašio" udarac ukoliko se ne vrati na vrijeme da ga izvede

Zamjenici i isključeni igrači tokom izvođenja kaznenih udaraca za dobijanje pobednika

- igrač, zamjenik ili zamjenjeni igrač mogu dobiti žuti ili crveni karton
- vratar koji dobije crveni karton mora biti zamjenjen igračem koji ima uslov za to
- grač (nije vratar) koji nije u mogućnosti da nastavi ne može biti zamjenjen
- sudija ne smije prekinuti utakmicu ako se broj igrača jedne ekipe smanji na manje od sedam

IFAB®



Pravilo 10

pitanja i odgovori

1. Je li izvođenje udaraca za dobijanje pobjednika utakmice sastavni dio utakmice?

Ne.

2. Kapiteni obje ekipe zajednički se slože da se ne izvode udarci za dobijanje pobjednika radi dobijanja pobjednika utakmice ili utakmica koje se igraju kod kuće i gostima, unatoč činjenici da je to određeno u propozicijama takmičenja. Odluka sudije?

Ako se udarci za dobijanje pobjednika neće izvoditi sudija će o incidentu obavijestiti nadležne organe takmičenja.

3. Ako je utakmica završila nerješeno, a mora se dobiti pobjednik, koji su načini za dobivanje pobjednika?

- pravilo pogotka u gostima
- dva jednakna intervala produžetaka, ne duža od 15 minuta
- udarci sa mjesta sa kojeg se izvodi kazneni udarac

Kombinacija navedenih procedura je dozvoljena.

4. Ko je odgovoran za izbor igrača koji će izvoditi udarce za dobijanje pobjednika radi dobijanja pobjednika utakmice?

Svaka ekipa je odgovorna da odabere igrače koji će izvoditi udarce za dobijanje pobjednika i to između onih igrača koji se nalaze na terenu za igru po završetku utakmice ili su privremeno izvan njega (povreda, popravljanje opreme, itd.). Isto tako svaka ekipa određuje redoslijed kojim će igrači izvoditi udarce.

5. Kada se izvode udarci za dobijanje pobjednika radi dobijanja pobjednika utakmice ili utakmica koje se igraju kod kuće i gostima, lopta pukne nakon što je udarila jedan od stubova vrata ili prečku, a nije prešla poprečnu liniju vrata. Treba li taj udarac ponoviti?

Ne.

6. Može li povrijeđeni igrač ne učestvovati u izvođenju udaraca za dobijanje pobjednika radi određivanja pobjednika utakmice ili utakmica koje se igraju kod kuće i u gostima?

Da, ali ga ne može zamjeniti drugi igrač. U tom slučaju protivnička ekipa mora smanjiti broj igrača na jednak broj koliko ima i protivnik, a sudija mora biti upoznat sa imenom i brojem igrača koji se izuzima iz izvođenja.

7. Na kraju utakmice neki igrači napuste teren za igru i ne vrate se na izvođenje udaraca za dobijanje pobjednika radi dobijanja pobjednika utakmice ili utakmica koje se igraju kod kuće i u gostima. Odluka sudiјe?

Udarci sa tačke za kazneni udarac se ne mogu prekinuti zbog igrača koji je napustio teren za igru. Smatrat će se da je igrač "promašio" udarac ukoliko se ne vrati na vrijeme da ga izvede.

8. Može li se igrač opomenuti ili isključiti tokom izvođenja udaraca za dobijanje pobjednika radi dobijanja pobjednika utakmice ili utakmica koje se igraju kod kuće ili u gostima?

Da.

9. Izvođenje udaraca za dobijanje pobjednika upravo treba početi, kako bi se utvrdio pobjednik utakmice ili utakmica koje se igraju kod kuće ili u gostima. Može li jedna od ekipa, koja nije koristila pravo zamjena, zamjeniti jednog ili više svojih igrača zamjenskim igračem (igračima) prije izvođenja udaraca?

Ne. Udarci mogu izvoditi samo oni igrači koji se nalaze na terenu za igru na kraju utakmice ili su privremeno izvan njega (povreda, popravljanje opreme itd.).

10. Na stadionu nestane osvjetljenja nakon produžetaka, ali prije ili tokom izvođenja udaraca za dobijanje pobjednika. Odluka sudiјe?

Sudija omogućava razumno vrijeme za popravak osvjetljenja, ali ako se okolnosti ne poprave, sudija će prekinuti izvođenje udaraca za dobijanje pobjednika, incident će sudija prijaviti nadležnim tijelima, a rezultat se određuje prema propozicijama takmičenja.

11. Tokom izvođenja udaraca za dobijanje pobjednika, vratar jedne ekipe je isključen. Može li ga zamjeniti imenovani zamjenski igrač i koji je postupak u vezi broj igrača protivničke ekipe?

Ne može. Ako za vrijeme izvođenja udaraca za dobivanje pobjednika, jedna ekipa, iz nekog razloga, ostane sa više igrača od suparničke ekipe, ta ekipa mora smanjiti broj igrača na jednak broj koliko ima suparnik, a sudija mora biti upoznat sa imenima i brojem igrača koji se izuzimaju iz izvođenja udaraca za dobijanje pobjednika.

12. Tokom izvođenja udaraca za dobijanje pobjednika, vratar je povrijeđen i nije u mogućnosti nastaviti da brani. Može li ga zamjeniti neki od imenovanih zamjenskih igrača?

Da, pod uslovom da još nije iskorišten broj dopuštenih zamjena. Ozlijedjeni vratar ne može dalje učestvovati u izvođenju udaraca za dobijanje pobjednika.

13. Dok se izvode udarci za dobijanje pobjednika utakmice, jedna ekipa ostane sa manje od sedam igrača. Treba li sudija prekinuti izvođenje udaraca za dobijanje pobjednika?

Sudija ne smije prekinuti izvođenje udaraca za dobijanje pobjednika ako se broj igrača jedne ekipe smanji na manje od sedam, već mora osigurati da ekipa sa većim brojem igrača smanji broj igrača na jednak broj koliko ima protivnik, a sudija mora biti upoznat sa imenima i brojem igrača koji se izuzimaju iz izvođenja udaraca za dobijanje pobjednika.

14. Tokom izvođenja udaraca za dobijanje pobjednika jedan ili više igrača se ozlijedi ili su isključeni. Mora li sudija osigurati da isti broj igrača obje ekipe ostane u centralnom krugu i da oni izvode udarce?

Da. Ako za vrijeme izvođenja udaraca za dobijanje pobjednika, jedna ekipa, iz nekog razloga, ostane sa više igrača od protivničke ekipe, ta ekipa mora smanjiti broj igrača na jednak broj igrača koliko ima suparnik, a sudija mora biti upoznat sa imenima i brojevima igrača koji se izuzimaju iz izvođenja udaraca za dobijanje pobjednika.

15. Izvode se udarci za dobijanje pobjednika. "A" ekipa ima 10, a "B" ekipa 11 igrača. Koji igrači mogu izvoditi udarce za dobijanje pobjednika?

Sudija će zatražiti od kapitena ekipe "B" da smanji broj igrača svoje ekipe na 10, te potom mora biti upoznat sa imenom i brojem igrača koji se izuzima iz izvođenja udaraca za dobijanje pobjednika.

16. Izvode se udarci za dobijanje pobjednika. "A" ekipa ima samo 7 igrača i tada je "B" ekipa smanjila na 7 izvođača, a tokom izvođenja sudija je isključio jednog igrača "B" ekipe. Odluka sudiјe?

Udarce za dobijanje pobjednika će izvoditi preostalih 6 igrača "B" ekipe. Protivnička "A" ekipa smanjiti broj igrača na jednak broj koliko ima protivnik, a sudija mora biti upoznat sa imenom i brojem igrača koji se izuzima iz izvođenja udaraca za dobijanje pobjednika.

17. Gdje mora stajati vratar izvođača kod izvođenja udaraca za dobijanje pobjednika?

Na sjecištu poprečne linije i linije kaznenog prostora u terenu za igru.

18. Kako se određuje pobjednik utakmice ako nakon produžetaka utakmice nije rješeno pitanje samog pobjednika utakmice?

Izvođenjem udaraca za dobijanje pobjednika.

19. Nakon produžetaka, neposredno prije izvođenja udaraca za dobijanje pobjednika, vratar se ozlijedi. Može li se vratar zamjeniti?

Ozlijedeni vratar se može zamjeniti u bilo kom trenutku. Zamjeniti ga može igrač kojem je dozvoljeno da izvede udarce za dobijanje pobjednika, zamjenski igrač (ako ekipa nije iskoristila maksimalan broj zamjena) ili igrač koji je izuzet iz izvođenja udaraca za dobijanje pobjednika kako bi broj igrača ostao isti u obje ekipe.

Vratar kog je zamjenio jedan od izvođača, smije izvoditi udarce za dobijanje pobjednika, ali ako vratara zamjeni zamjenski igrač ili igrač koji je bio izuzet iz izvođenja udaraca za dobijanje pobjednika, vratar ne može dalje učestvovati u izvođenju udaraca za dobijanje pobjednika.

20. Tokom izvođenja udaraca za dobijanje pobjednika igrač jedne ekipe, koji nije vratar, se ozlijedi ili bude isključen i ne može nastaviti izvođenje udaraca za dobijanje pobjednika. Odluka sudije?

Sudija će zahtjevati od suparničke ekipe da smanji broj igrača na jednak broj koliko ima i njen protivnik, sudija mora biti upoznat sa imenom i brojem igrača koji je izuzet iz izvođenja udaraca za dobijanje pobjednika.

21. Vratar zaustavi udarac upućen iz udarca za dobijanje pobjednika tako da odbije loptu u zrak te započne sa slavljem, ne gledavši pritom da lopta, koja nije prešla granične linije terena za igru, padne natrag na travnjak i odbije se u vrata. Odluka sudije?

Sudija će priznati pogodak. Udarac se smatra dovršenim kada se lopta prestane kretati, izade vangrenica terena za igru ili sudija zaustavi igru zbog bilo kojeg prekršaja, izvođač ne može drugi put igrati loptom.

22. Ko i na koji način određuje na koja će se vrata izvoditi udarci za dobijanje pobjednika?

Sudija baca novčić kako bi odredio vrata na koja će se izvoditi udarci za dobijanje pobjednika. Ova odluka može biti promjenjena samo iz sigurnosnih razloga, ili ako su vrata ili podloga za igru postanu neupotrebljivi.

23. Ko i na koji način određuje koja ekipa prva izvodi udarac za dobijanje pobjednika?

Sudija baca novčić i ekipa koja dobije ždrijeb odlučuje da li će prvi ili drugi izvoditi udarac.

24. Prije nego su svi igrači njegove ekipe sa pravom izvođenja izveli udarce za dobijanje pobjednika, kapiten iste traži da ponovo izvede udarac za dobijanje pobjednika. Odluka sudije?

Sudija mu to neće dozvoliti prije nego što svi igrači sa pravom izvođenja iz njegove ekipe ne izvedu udarac za dobijanje pobjednika.

25. Igrač jedne od ekipe, tokom izvođenja udaraca za dobijanje pobjednika, napusti teren za igru uz dozvolu sudije. Igrač se nije vratio do trenutka kada je morao izvesti udarac. Odluka sudije?

Udarci za dobijanje pobjednika ne smiju biti odgođeni zbog igrača koji napusti teren za igru.

Njegov udarac će biti upisan kao "promašaj" ako se igrač pravovremeno ne vrati da bi isti izveo.

26. Igrač koji izvodi udarac za dobijanje pobjednika koristi varku pri udarcu, nakon što je dovršio zalet, i postigne pogodak. Odluka sudije?

Ako igrač učini bilo kakav prekršaj prilikom izvođenja udarca za dobijanje pobjednika, udarac se smatra izgubljenim i upisuje se kao "promašaj". Sudija će igrača opomenuti (žuti karton) zbog nesportskog ponašanja.

27. Izvođač koji izvodi udarac za dobijanje pobjednika koristi varku pri udarcu, nakon što je dovršio zalet. U isto vrijeme vratar prekrši PNI/PFI na način da se prerano pomakne sa poprečne linije vrata prema naprijed. Odluka sudije?

Ukoliko vratar i igrač koji izvodu udarac za dobijanje pobjednika učine prekršaj sudija će:

- ako lopta uđe u vrata, opomenuti izvođača i udarac upisati kao "promašaj"
- ako lopta ne uđe u vrata, oba igrača opomenuti (žuti karton) i ponoviti izvođenje udarca



IFAB®

IFAB®

Pravilo



Ofsajd

1. Ofsajd položaj

Biti u ofsajd položaju nije samo po sebi prekršaj.

Igrač se nalazi u ofsajd položaju kada:

- je bilo kojim dijelom glave, tijela ili nogu na protivničkoj polovini terena za igru (središnja linija se ne računa) i
- kada je bilo koji dijelom glave, tijela ili nogu bliži protivničkoj poprečnoj liniji od lopte i pretposljednjeg protivničkog igrača

Šake i ruke svih igrača, uključujući i vratare, se ne uzimaju u obzir.

Igrač se ne nalazi u ofsajd položaju kada je u istoj liniji:

- sa pretposljednjim protivničkim igračem ili
- sa dva posljednja protivnička igrača

2. Ofsajd

Igrač u ofsajd položaju se, u trenutku kada je saigrač odigrao ili dodirnuo loptu, kažnjava samo ako je krenuo da se aktivno uključuje u igru:

- uticajem na igru ili dodirivanjem lopte odigrane ili dodirnute od njegovog saigrača ili
- uticajem na protivnika
- onemogućava protivničkog igrača da odigra loptu ili da bude u mogućnosti da odigra loptom, jasnim ometanjem protivničkog vidnog polja, ili
- ulazak u duel za loptu sa protivnikom
- jasan pokušaj igranja lopte koja je u blizini njega kada ova akcija ima uticaj na protivnika,
- pravljenje očiglednih pokreta koji jasno utiču na mogućnost/sposobnost protivnika da igra loptom ili

- dobijanjem prednosti igrajući loptom ili uticanjem na protivnika kada lopta:
 - odbijena ili skrenuta od stative, prečke, člana sudijskog tima ili protivničkog igrača
 - namjerno odbranjena od strane bilo kojeg protivničkog igrača

Za igrača koji u ofsjad položaju dobije loptu od protivnika koji namjerno igra loptom (osim u slučaju namjere odbrane protivnika) ne može se smatrati da je izvlačio prednost.

“Odbranom” se smatra pokret kojim igrač zaustavlja, ili pokuša zaustaviti loptu koja ide u vrata ili vrlo blizu njih, bilo kojim dijelom tijela osim rukama/dlanovima (osim ako se radi o vrataru unutar kaznenog prostora).

U situacijama kada:

- igrač izlazi iz ofsjad položaja ili stoji u njemu, a nalazi se na putu protivničkom igraču i ometa njegovo kretanje prema lopti, načinje prekršaj ofsjada ako utiče na sposobnost protivnika da igra loptom ili se uputi u borbu za loptu; ako igrač ulazi u putanju protivnika i ometa njegov napredak (npr. Blokira protivničkog igrača) prekršaj treba sankcionisati prema Pravilu 12.
- igrač u ofsjad položaju kreće prema lopti s namjerom da igra loptom te je zaustavljen prekršajem prije igranja ili pokušaja igranja loptom, ili prije nego se upusti u borbu za loptu sa protivničkim igračem, sankcioniše se prekršaj s obzirom da se dogodio prije prekršaja ofsjada
- je prekršaj načinjen nad igračem u ofsjad položaju koji već igra ili pokušavaigrati loptom, ili se bori za loptu sa protivničkim igračem, sankcioniše se prekršaj ofsjada s obzirom da se dogodio prije prekršaja

3. Nema prekršaja/ofsajda

Nema prekršaja ukoliko igrač dobije loptu direktno iz:

- udarca sa vrata
- ubacivanja
- udarca iz ugla

4. Prekršaji i kazne

Kada se napravi ofsjad prekršaj, sudija dosuđuje indirektan slobodan udarac koji se izvodi sa mesta gdje je napravljen prekršaj, uključujući i igračevu polovinu

terena za igru.

Odbrambeni igrač koji napusti teren za igru bez dozvole sudsije, a u smislu presuđivanja ofsađa, smatra se da se nalazi na poprečnoj liniji ili uzdužnoj liniji sve do sljedećeg prekida igre ili dok odbrambena strana ne odigra loptu prema središnjoj liniji i izvan kaznenog prostora. Ako igrač namjerno napusti teren za igru, u prvom prekidu mora biti opomenut (žuti karton).

Napadajući igrač može napustiti teren za igru ili ostati izvan njega kako ne bi sudjelovao u aktivnoj igri. Ako se igrač vrati na teren za igru sa poprečne linije i uključi se u aktivnu igru prije prvog prekida ili prije nego što odbrambena ekipa odigra loptu prema središnjoj liniji i izvan kazennog prostora, smatrat će se da se nalazi na poprečnoj liniji u smislu presuđivanja ofsađa. Igrač koji namjerno napusti teren za igru i vrati se bez sudijskog dopuštenja, te nije sankcionisan zbog ofsađa i stekne prednost, mora biti opomenut.

Ako igrač koji napada ostane nepokretan između stativa i u mreži vrata dok lopta ulazi u vrata, pogodak mora biti priznat osim ako je igrač kriv za ofsađ ili neki prekršaj iz Pravila 12, i u tom slučaju igra se nastavlja indirektnim ili direktnim slobodnim udarcem.

Pravilo 11

pitanja i odgovori

1. Napišite definiciju kažnjivog ofsajda

Igrač se nalazi u kažnjivom ofsajdu, ako se u trenutku rješavanja lopte od saigrača ili je lopta dodirnula saigrača:

- bilo koji dio njegove glave, trupa ili noge nalazi na protivničkoj polovici,
- bilo koji dio njegove glave, trupa ili noge nalazi bliže protivničkoj poprečnoj liniji od lopte i pretposljednjeg igrača protivničke ekipe,
- ako je po mišljenju sudije uključen u aktivnu igru:
 - a) utjecajem na igru,
 - b) utjecajem na protivničkog igrača,
 - c) stjecanjem prednosti iz svog položaja

2. Što je to pozicija ofsajda?

To je pozicija u kojoj nije ispunjen uvjet da je igrač uključen u aktivnu igru i ona nije kažnjiva.

3. Je li samo po sebi prekršaj nalaziti se u ofsajdu?

Ne , nije.

4.Kada i pored svih ispunjenih uvjeta pravilo ofsajda ne važi?

Kod udarca s vrata, udarca iz ugla i ubacivanja.

5. Kako se kažnjava prekršaj ofsajda?

Sudija zaustavlja igru i dosuđuje indirektni slobodni udarac u korist protivničke ekipe s mjesta na kojem je prekršaj počinjen, čak i kada je to mjesto unutar igračeve vlastite polovice terena za igru.

6. Navalni igrač, da bi izbjegao ofsajd, izađe preko poprečne linije izvan terena za igru. Okrene se prema terenu za igru i vikanjem savjetuje saigrače da pucaju u suparnička vrata, ometajući pri tom pprotivničkog vratara.

Saigrač ga posluša i postigne pogodak. Odluka sudije?

Pogodak ne priznati, igrača opomenuti, a igru nastaviti indirektnim slobodnim udarcem iz vratarevog prostora, za protivničku ekipu, zbog prekršaja iz Pravila 12.

7. Obrambeni igrač izađe preko poprečne linije izvan terena za igru s namjerom da "ostavi" navalnog igrača u ofsjadu. Tom navalnom igraču suigrač doda loptu i on postigne pogodak. Odluka sudije?

Pogodak priznati i opomenuti igrača obrane.

8. Navalni i obrambeni igrač istovremeno istrče s polovice terena za igru obrambene ekipe, preko uzdužne linije: navalni igrač, kako bi izbjegao, a obrambeni da bi ostavio navalnog igrača u ofsjadu. Saigrač navalnog igrača prima loptu bliže središnjoj liniji od navedenih igrača i postiže pogodak. Ispred sebe imao je samo protivničkog vratara u terenu za igru kada mu je lopta upućena. Odluka?

Pogodak priznati i opomenuti igrača obrane koji je napustio teren za igru.

9. Navalni igrač nalazi se u kaznenom prostoru igrača protivničke ekipe i pred sobom ima samo protivničkog vratara. Saigrač vrši ubacivanje tako što mu pravilno baci loptu i ovaj postigne pogodak. Odluka sudije?

Pogodak priznati.

10. Izведен je indirektni slobodni udarac. Lopta je udarena i, nakon što je u igri, pogodi sudiju i odbije se od njega do saigrača izvođača indirektnog slobodnog udarca, koji je stajao sam u protivničkom kaznenom prostoru i imao samo protivničkog vratara pred sobom. Odluka sudije?

Igru zaustaviti i dosuditi indirektni slobodni udarac za protivničku ekipu iz kaznenog prostora jer se radi o kažnjivom ofsjadu.

11. Obrambeni se igrač u trku oklizne na mokrom terenu za igru i odskliže te padne neposredno iza poprečne linije terena za igru, pokraj vlastitih vrata. Tada igrač navale uputi loptu suigraču koji se nalazi sam pred vrataram protivničke ekipe te ovaj postigne pogodak. Odluka sudije?

Pogodak priznati.

12. Dva igrača navale, nakon što su nadigrali sve igrače obrane i vratara, nalaze se u istoj ravnini i s loptom kreću prema praznim vratima međusobno si dodajući loptu prema naprijed. Tako dodavajući posljednji gurne loptu u prazna vrata. Odluka sudije?

Priznati pogodak.

13. Igrač ekipe koja napada nalazi se u položaju ofsajda na protivničkoj polovici terena za igru, udari rukom obrambenog igrača. U tom trenutku igra se odvijala na suprotnoj strani, ali sudija to zapazi. Odluka sudije?

Igru zaustaviti, isključiti igrača ekipe koja napada, a igru nastaviti direktnim slobodnim udarcem s mjesta udaranja za obrambenu ekipu.

14. Napadač vrši ubacivanje tako da dobaci loptu saigraču, koji je bio sam pred vratarem protivničke ekipe, te postigne pogodak. Odluka sudije?

Pogodak se priznaje.

15. Sudija spušta loptu koja udari o tlo i nošena jakim vjetrom dođe do napadača koji je bio sam pred vratima igrača protivničke ekipe i isti postigne pogodak. Odluka sudije?

Sudija neće priznati pogodak, a igra se nastavlja udarcem s vrata.

16. Tokom igre igrač navale napusti teren za igru preko poprečne linije kako bi izbjegao ofsajd, i dok se nalazio izvan terena udari skupljača lopti. Odluka sudije?

Igru zaustaviti, (ako nije bilo prednosti), isključiti igrača navale, a igru nastaviti sa direktnim slobodnim udarcem.*

17. U trenutku upućivanja lopte saigraču, napadač se nalazio na protivničkoj polovici terena za igru i imao je pred sobom samo vratara. Lopta koju je uputio saigrač zastane u blatu na njegovoj polovici terena za igru. Napadač se vrati po loptu na vlastitu polovicu terena za igru i krene prema protivničkim vratima. Odluka sudije?

Igru zaustaviti, dosuditi ofsajd na polovici terena za igru koja pripada napadaču, s mjesta gdje je isti igrao loptom.

18. Napadač u trku uleti u protivnička vrata i tu mirno leži. Tada njegov suigrač upućuje loptu nogom prema vratima i postiže pogodak. Odluka sudije?

Pogodak priznati.

19. Napadač snažno upućuje loptu na vrata igrača protivničke ekipe. U tom trenutku, na oko 7 metara od vrata stajao je njegov saigrač, u položaju ofsajda, ali mirno i bez pokreta. Vratar obrani udarac i odbije loptu do

suparnika u poziciji ofsjada koji postigne pogodak. Odluka sudije?

Sudija neće priznati pogodak, već će dosuditi indirektni slobodni udarac za ekipu vratara, s mjesta gdje se protivnički igrač aktivno uključio u igru, dodirujući loptu.

20. Izvodi se direktni slobodni udarac. U živom zidu u istoj ravnini s obrambenim igračima su i tri napadača. Udarena lopta prođe iznad glave jednog od njih, koji je skokom utjecao na igru, a lopta uđe u vrata obrambene ekipe. Odluka sudije?

Pogodak priznati.

21. U trenutku kada se igrač rješavao lopte, njegov saigrač nije bio u ofsjadu, ali je u trku potpuno sam izbio pred vrata i postigao pogodak. Odluka sudije?

Pogodak priznati.

22. Na što se tačno odnosi izraz "bliže poprečnoj liniji" kod definiranja ofsjada?

To znači da se bilo koji dio igračeve glave, trupa ili noge nalazi bliže protivničkoj poprečnoj liniji od lopte i pretposljednjeg igrača protivničke ekipe. Šake i ruke svih igrača, uključujući i vratare, ne uzimaju se u obzir.

23. Šta se podrazumijeva pod definicijom "uključenja u aktivnu igru"?

1) Utjecaj na igru – odigravanje ili dodirivanje lopte koju je dodata ili dodirnuo saigrač.

2) Utjecanje na protivničkog igrača:

- onemogućavanjem protivničkog igrača da igra ili da bude u mogućnosti igrati loptom, tako da se očigledno ometa vidokrug protivničkog igrača
- u borbi za loptu
- jasnim pokušajem da igra loptom u svojoj blizini kada taj potez utječe na igrača protivničke ekipe
- očiglednom kretnjom koja jasno utječe na sposobnost igrača protivničke ekipe da igra loptom.

3) Stjecanje prednosti iz svog položaja - stjecanje prednosti igranjem lopte ili ometanjem igrača protivničke ekipe kada je lopta:

- odbijena ili je skrenuta do igrača od stupova vrata, prečke ili protivničkog igrača

- odbijena, skrenuta ili dodana do igrača nakon namjerne obrane protivničkog igrača

24. Igrač izvede udarac iz ugla prema saigraču. Saigrač dotakne loptu, a igrač koji je izveo udarac iz ugla istrči iz položaja ofsajda i ponovno odigra loptom. Treba li kazniti tog igrača?

Igrač se kažnjava indirektnim slobodnim udarcem zbog ofsajda. Razlog je što se, iz položaja ofsajda, aktivno uključio u igru.

25. Ako je napadač u liniji sa protivničkim vratarom, koji je posljednji igrač obrane, je li to kažnjivi ofsajd?

Da, to je kažnjivi ofsajd.

26. Igrač koji se brzo kreće prema protivničkim vratima kažnjava se zbog prekršaja ofsajda. S kojeg se mesta izvodi indirektni slobodni udarac koji proizlazi iz prekršaja?

Indirektni slobodni udarac se izvodi s mesta gdje se po mišljenju sudije igrač uključio u aktivnu igru.

27. Kažnjava li sudija igrača koji se nalazi u ofsajdu i izlazi s terena za igru kako bi pokazao sudiji da nije uključen u aktivnu igru?

Ne. Nije prekršaj biti u položaju ofsajda i nema potrebe dai z tog razloga igrač napusti teren za igru. Međutim, ako sudija smatra da je napustio teren zbog taktičkih razloga i stekao nesportsku prednost ponovnim ulaskom na teren za igru, igrača treba opomenuti zbog nesportskog ponašanja.

28. Obrambeni se igrač kreće iza svoje poprečne linije kako bi igrača protivničke ekipe stavio u poziciju ofsajda. Odluka sudije?

Sudija dopušta nastavak igre. Prvi put kada sudija zaustavi igru opomenut će obrambenog igrača zbog namjernog napuštanja terena za igru bez odobrenja sudije.

29. Igrač ekipe koja napada svojim kretnjama dođe između stupova unutar mreže vrata, a u isto vrijeme saigrač nogom loptu uputi u vrata. Koju mjeru poduzima sudija ako:

a) igrač koji se nalazi između stupova vrata ostane nepokretan dok lopta ulazi?

Ne poduzimaju se nikakve mjere. Pogodak se priznaje.

b) postupci igrača utiču na vratara?

Pogodak ne priznati igru nastaviti indirektnim slobodnim udarcem iz vratarevog prostora za ekipu obrane zbog prekršaja iz Pravila 11.

30. Može li saigrač stajati u položaju ofsjada kod izvođenja kaznenog udarca?

Ne. Igrači moraju stajati iza zamišljene linije koja prolazi tačkom za izvođenje kaznenog udarca, paralelnom sa poprečnom linijom.

31. Igrač "A" igra loptu do saigrača "B" koji nije u položaju ofsjada, iako je drugi napadač "C" u položaju ofsjada. Igra se nastavlja i nakon toga, u sljedećoj fazi igre, igrač "B" šalje loptu igraču "C" koji sada nije u položaju ofsjada. On postiže pogodak. Odluka sudije?

Sudija priznaje pogodak zbog toga što igrač "C", kada je dobio loptu, nije bio u položaju ofsjada. On se neće kazniti što je u prvoj fazi bio u položaju ofsjada budući da nije bio uključen u aktivnu igru.

32. Igraču koji se nalazi u položaju ofsjada loptu dodaje njegov saigrač, ali obrambeni igrač prvi stigne do lopte i namjerno loptu dodiruje rukama. Odluka sudije?

Ako sudija smatra da saigrač iz položaja ofsjada aktivno uključio u igru i pri tome je uticao na obrambenog igrača, sudija će zaustaviti igru zbog kažnjivog ofsjada i nastaviti igru indirektnim slobodnim udarcem. Međutim, ako sudija smatra da igrača ne treba kazniti zbog položaja ofsjada, protiv ekipe igrača koji je namjerno igrao rukom dosudit će direktni slobodni udarac ili igrača koji je igrao rukom, ukoliko PNI to propisuju, primjereno će disciplinski sankcionirati.

33. Igrač koji je u položaju ofsjada, ali nije u borbi za loptu sa protivnikom, trči prema lopti koju je odigrao njegov suigrač. Mora li sudija pričekati da on dodirne loptu kako bi ga kaznio?

Da. Sudija mora pričekati i vidjeti je li taj igrač konačno uključen u igru dodirujući loptu.

34. Što znači „uticaj na igru“?

Za igrača koji se nalazi u poziciji ofsjada kažemo da „utiče na igru“ ako igra ili dodiruje loptu koju mu je uputio ili ju je dodirnuo suigrač.

35. Što znači „uticaj na protivničkog igrača“?

Za igrača koji se nalazi u poziciji ofsajda kažemo da „utiče na protivničkog igrača“ ako:

- onemogućava protivničkog igrača da igra ili da bude u mogućnosti igrati loptom, tako da očigledno ometa vidokrug protivničkog igrača
- se uključi u borbu za loptu sa protivničkim igračem
- čini jasan pokušaj da igra loptom u svojoj blizini kada taj potez utječe na igrača protivničke ekipe
- čini očiglednu kretnju koja jasno utiče na sposobnost igrača protivničke ekipe da igra loptom.

36. Što znači „sticati prednost iz pozicije ofsajda“?

Za igrača koji se nalazi u poziciji ofsajda kažemo da „stiče prednost iz pozicije ofsajda“ ako:

- igra loptom ili ometa protivničkog igrača kada je lopta:
- do njega odbijena ili mu je skrenuta od stupova vrata, prečke ili protivničkog igrača
- do njega odbijena ili mu je skrenuta ili mu je dodana nakon namjerne obrane protivničkog igrača. Igrač koji je u poziciji ofsajda i loptu dobije od igrača protivničke ekipe, a nije u pitanju namjerna obrana, ne smatra se da je stekao prednost svoje pozicije.

37. Napadač u poziciji ofsajda trči prema lopti i sprječava protivničkog igrača da igra ili da bude u mogućnosti igrati loptom. Odluka sudije?

Sudija će označiti ofsajd i dosuditi indirektan slobodni udarac s mjesta gdje je igrač uticao na protivničkog igrača.

38. Napadač u poziciji ofsajda primi loptu nakon obrane protivničkog vratara. Odluka sudije?

Sudija će signalizirati ofsajd i dosuditi indirektan slobodni udarac za protivničku ekipu, sa mesta gdje je igrač igrao ili dodirnuo loptu.

39. Napadač uputi udarac prema vratima igrača protivničke ekipe ali lopta se odbije, ili je skrenuta od strane obrambenog igrača nakon namjerne obrane, suigraču napadača koji je bio u poziciji ofsajda, a isti igra ili dodiruje loptu. Odluka sudije?

Sudija će signalizirati ofsajd i dosuditi indirektan slobodni udarac za protivničku ekipu, sa mesta gdje je igrač igrao ili dodirnuo loptu.

40. Napadač uputi udarac prema vratima igrača protivničke ekipе, vratar obrani udarac tako da odbije loptu izvan vratareva prostora kada je jedan od napadača bio u poziciji ofsajda i kreće na loptu kao i njegov saigrač, koji nije bio u poziciji ofsajda. Saigrač prvi dođe do lopte, igra loptom i postiže pogodak. Odluka sudije?

Sudija će priznati pogodak jer igrač, koji je bio u poziciji ofsajda, nije aktivno uključen u igru.

41. Igrač koji se nalazio u poziciji ofsajda napusti teren za igru kako bi izbjegao kažnjivi ofsajd. U sljedećem trenutku, kada je prema njemu loptu odigrao njegov saigrač, on se vrati u teren za igru i igra loptom. U trenutku odigravanja lopte samo se protivnički vratar nalazio na poprečnoj liniji. Odluka sudije?

Sudija će zaustaviti igru i dosuditi indirektni slobodni udarac za su protivničku ekipu, zbog prekršaja ofsajda - utjecaj na igru, sa mesta gdje je igrač igrao loptom.

42. Napadač se vrati iz pozicije ofsajda, u vlastitu polovicu terena za igru, gdje starta na igrača protivničke ekipе u borbi za loptu. Odluka sudije?

Sudija će zaustaviti igru i dosuditi indirektni slobodni udarac za protivničku ekipu, zbog prekršaja ofsajda - uticaj na igrača protivničke ekipе, sa mesta gdje je igrač startao na igrača protivničke ekipе (na polovici terena za igru koja pripada napadaču).

43. Napadač odigrava loptu sa svoje polovice igrališta prema saigraču br. 9 koji se nalazi na poprečnoj liniji protivničkog kaznenog prostora i ima ispred sebe samo vratara. Na 30 metara od vrata obrambeni igrač namjerno odigra loptu glavom u želji da je vrati svojem vrataru. Na putu prema vrataru presretne je napadač br. 9 koji je stajao u poziciji ofsajda i postigne pogodak. Odluka sudije?

Priznati pogodak. Napadač je dobio loptu nakon namjernog igranja protivnika i to nije kažnjivo.

44. Napadač koji se nalazi udaljen 10 metara od protivničkih vrata, snažno šutira loptu koja evidentno ide prema vratima. U želji da spriječi pogodak obrambeni igrač koji stoji na prednjoj liniji vratarevog prostora skrene

loptu prema protivničkom igraču koji ispred sebe ima samo vratara i postiže pogodak. Odluka sudije?

Sudija će zaustaviti igru i dosuditi indirektan slobodni udarac zbog kažnjivog ofsalda. Napadač je primio loptu nakon namjerne obrane igrača.

45. Napadač br. 9 koji je udaljen 20 metara od protivnički vrata odigrava loptu ulijevo prema saigraču br.7. Međutim, lopta pogodi obrambenog igrača koji od napadača br. 9 bio udaljen dva metra, i od njega se odbije udesno, do saigrača napadača br.10 koji je stajao na sedam metara od protivnički vrata u poziciji ofsalda. Odluka sudije?

Sudija će zaustaviti igru i dosuditi indirektan slobodni udarac zbog kažnjivog ofsalda. Napadač je stekao prednost iz pozicije ofsalda.

46. Igrač obrambene ekipe, nakon što je u skoku glavom izbio loptu ispred protivničkog napadača, padne i ostane ležati iza poprečne linije. Na izbijenu loptu natrčava drugi napadač i snažnim udarcem upućuje prema protivničkim vratima. Lopta na putu prema vratima pogađa saigrača napadača, koji je u tom trenutku ispred sebe imao samo protivničkog vratara i pritom mu je ometao vidokrug, i uđe u vrata. Odluka sudije?

Sudija će priznati pogodak.

47. Igrač ekipe koja napada namjerno napusti teren za igru kako ne bi sudjelovao u aktivnoj igri. No, prije nego je lopta napustila granične linije terena za igru, ili ju je odbrambena ekipa odigrala izvan kaznenog prostora prema središnjoj liniji, napadač primijeti da se na poprečnoj liniji nalaze dva protivnička igrača te se vrati u teren za igru i igra loptu, ispred obrambenog igrača. Odluka sudija?

Sudija će zaustaviti igru i dosuditi indirektan slobodni udarac, zbog nedozvoljenog sticanja prednosti, sa mesta gdje se napadač uključio u igru i igrao loptu, za protivničku ekipu. Sudija će opomenuti igrača zbog nesportskog ponašanja.

Pravilo

1 2

Prekršaji i nesportska ponašanja

Direktni i indirektni slobodni udarci i kazneni udarci mogu biti dosuđeni samo za prekršaje učinjene dok je lopta u igri.

1. Direktan slobodan udarac

Direktan slobodan udarac se dosuđuje ako igrač učini neki od sljedećih prekršaja nad protivničkim igračem na način koji sudija ocjenjuje kao nepažljiv, preoštari (bezobziran) ili upotrebom prekomjerne sile:

- napada
- skače
- šutne ili pokuša da šutne
- gura
- udari ili pokuša da udari (uključujući i udarac glavom)
- uklizava ili se upusti u borbu za loptu na nedozvoljen način (ulazi u duel)
- saplete ili pokuša da saplete

Ako je u prekršaj uključen kontakt bit će dosuđen direktan slobodan udarac ili kazneni udarac.

- “Nepažljiv” znači da je igrač pokazao manjak pažnje i obzira prilikom napada na protivnika ili se ponašao nepažljivo. Nikakve disciplinske mjere nisu potrebne.
- “Preoštari (bazobziran)” znači da se igrač u napadu ponašao tako da je zanemario opasnost ili posljedice za svog protivnika. Igrač koji igra na “Preoštari (bezobziran)” način mora biti opomenut (žuti karton)
- “Korištenje prekomjerne sile” znači da je igrač prekoračio neophodno korištenje snage i postoji opasnost da povrijedi/ugrozi sigurnost protivnika. Igrač koji koristi prekomjernu snagu bit će isključen (crveni karton).

Direktan slobodan udarac se dosuđuje ako igrač učini neki od sljedećih prekršaja:

- namjerno igra loptu rukom (osim vratara u svom kaznenom prostoru)
- drži protivnika
- sprječava kretanje protivnika sa kontaktom
- pljune protivnika

Vidjeti, također prekršaje u Pravilu 3

Igranje lopte rukom

Igranje rukom podrazumjeva namjeran potez igrača rukom ili šakom, kojim ostvaruje kontakt sa loptom.

U obzir treba uzeti:

- pokret ruke prema lopti (ne lopta prema ruci)
- udaljenost između protivnika i lopte (neočekivana lopta)
- položaj ruke ne mora obavezno da znači da postoji prekršaj
- da dodirivanje lopte predmetom koji se drži u ruci (odjeća, kostobran itd.) predstavlja prekršaj
- da udaranje lopte bačenim predmetom (kopačkom, kostobranom itd.) predstavlja prekršaj)

Vratar van sopstvenog kaznenog prostora ima ista ograničenja vezana za igranje lopte rukom kao i ostali igrači. U sopstvenom kazennom prostoru, vratar ne može da bude kriv za prekršaj igranja lopte rukom koji može da proizvede direktan slobodan udarac ili bilo koji drugi prekršaj vezan za igru lopte rukom. Međutim, on može da bude kriv za nekoliko prekršaja igranja lopte rukom zbog kojih se dosuđuje indirektan slobodan udarac.

2. Indirektan slobodan udarac

Indirektan slobodan udarac se dosuđuje ako igrač:

- igra na opasan način
- sprječava kretanje protivnika bez napravljenog kontakta
- pokaže nezadovoljstvo koristeći agresivan, uvrijedljiv ili pogrdan rječnik i/ili gestikulacije, ili druge verbalne prekršaje
- onemogućava vratara pri ispuštanju lopte iz ruke, ili udari nogom ili pokuša

- udariti loptu nogom dok je (loptu) vratar pokušava vratiti u igru
- počini bilo koji drugi prekršaj koji nije naveden u Pravilima, zbog kojeg se igra zaustavlja kako bi igrač bio opomenut ili isključen

Indirektan slobodan udarac će biti dosuđen ukoliko vratar, unutar svog kaznenog prostora, učini bilo koji od sljedećih prekršaja:

- kontroliše loptu u svojim rukama više od šest sekundi prije nego što se iste osloboди
- dodirne loptu rukama nakon:
 - ispuštanja lopte, a prije nego nego što je dodirnula nekog drugog igrača
 - što ju je saigrač namjerno vratio vrataru nogom
 - direktnog primanja lopte od saigrača nakon izvedenog ubacivanja

Smatra se da vratar ima loptu pod kontrolom:

- kada je lopta između njegovih ruku ili ruke i bilo koje podloge (terena, sopstvenog tijela itd.) ili kada dodiruje bilo koji dijelom ruke ili šake, osim ako se lopta slučajno odbije od vratara ili je vratar loptu odbranio
- kada loptu drži u ispruženoj ruci (dlanu)
- kada udara loptom od tlo ili je baca u vis/zrak

Kada vratar drži loptu u svojim rukama, protivnik ga ne može napadati.

Igranje na opasan način

Igranje na opasan način je definisano kao bilo kakva radnja koja, pri pokušaju da se odigra lopta, prijeti da povrijedi nekog (uključujući i samog igrača). Ovo se događa kada protivnik, koji je u blizini, iz straha od povrede, onemogućen da odigra loptu.

Udarac "makazicama" ili "bicikl" su dozvoljeni načini igre ako, po mišljenu sudije nisu opasni po protivničkog igrača.

Sprječavanje kretanja protivnika bez kontakta

Sprječavanje kretanja protivnika znači kretanje ka pravcu protivnika da se spriječi, blokira, uspori protivnik ili da se primora da promjeni pravac kada lopta nije u igrajućem prostoru ni jednog ni drugog igrača.

Svi igrači imaju pravo biti na terenu za igru, a biti na putu protivnika nije isto što i

sprječavanje kretanja protivnika.

Igrač može štititi/zagrađivati loptu zauzimanjem pozicije između protivnika i lopte ako je lopta dovoljno blizu da sa njom igra, a prilikom čega protivnika ne zadržava rukama ili tijelom. Ako je lopta u igrajućem prostoru, igrač može da bude napadnut od strane protivnika.

3. Disciplinske kazne

Sudija ima ovlasti da donosi disciplinske kazne od trenutka kada uđe na teren za igru radi provjere terena prije utakmice do napuštanja terena za igru po završetku utakmice (uključujući kaznene udarce za dobijanje pobjednika).

Ako igrač napravi prekršaj za isključenje prije ulaska na teren za igru na početku utakmice, sudija ima pravo zabraniti igraču učešće u utakmici (vidi pravilo 3.6); sudija će prijaviti bilo kakav drugi oblik nesportskog ponašanja.

Igrač koji načini prekršaj za opomenu ili isključenje, na terenu za igru ili izvan njega, protiv protivničkog igrača, saigrača, člana sudijskog tima ili bilo koje druge osobe ili Pravila nogometne igre, će biti sankcionisam u skladu sa prekršajem.

Žuti karton označava opomenu, a isključenje crveni karton.

Žuti ili crveni karton mogu biti pokazani samo igraču, zamjeniku ili zamijenjenom igraču.

Odlaganje nastavka igre da bi se pokazao karton

Kada sudija odluči da pokaže karton, bilo da opomene ili isključi igrača, igra se neće nastaviti sve dok se kazna ne sprovede.

Prednost

Ako sudija pusti prednost nakon prekršaja za koji se pokazuje žuti ili crveni karton, karton mora biti pokazan u prvom prekidu igre, osim kada je prilikom sprječavanja očigledne prilike za postizanje pogotka postignut pogodak, tada će igrač dobiti žuti karton za nesportsko ponašanje.

Prednost ne treba pustiti u situacijama koje uključuju težak prekršaj, nasilno ponašanje ili prekršaj za drugi žuti karton, osim ako postoji očigledna šansa za postizanje pogotka. Sudija mora isključiti igrača u idućem prekidu igre, ali

ako igrač igra loptom ili napadne ili omete protivnika, sudija će zaustaviti igru, isključiti igrača i igru nastaviti indirektnim slobodnim udarcem, osim u slučaju ako je igrač učinio neki još ozbiljniji prekršaj.

Ako odbrambeni igrač počne držati napadača izvan kaznenog prostora i nastavi ga držati unutar kaznenog prostora, sudija će dosuditi kazneni udarac.

Prekršaji za žuti karton

Igrač će dobiti žuti karton ako:

- odlaže nastavak igre
- negoduje riječima ili pokretom
- uđe ili ponovo uđe na teren za igru bez sudijine dozvole ili namjerno napusti teren za igru bez sudijine dozvole
- ne poštuje propisanu razdaljinu kod nastavljanja igre iz udaraca iz ugla, slobodnog udarca ili ubacivanja
- učestalo krši pravila igre (ne postoji precizan/tačan broj napravljenih prekršaja)
- je kriv zbog nesportskog ponašanja

Zamjenik ili zamijenjeni igrač će dobiti žuti karton ako:

- odlaže nastavak igre
- negoduje riječima ili pokretima
- uđe ili ponovo uđe na teren za igru bez sudijine dozvole
- je kriv zbog nesportskog ponašanja

Žuti karton/opomene za nesportsko ponašanje

Postoje različite okolnosti kada igrač mora biti opomenut zbog nesportskog ponašanja, uključujući kada igrač:

- pokuša prevariti sudiju simuliranjem povrede ili pretvarajući se da je fauliran (simuliranje)
- promjeni mjesto sa vratarom za vrijeme igre ili bez dozvole sudije
- učini preoštar prekršaj za koji se dodjeljuje direktni slobodan udarac
- igra rukom kako bi omeo ili zaustavio obećavajući napad
- učini prekršaj kako bi omeo ili zaustavio obećavajući napad, osim kada sudija dosudi kazneni udarac zbog prekršaja učinjenog pri pokušaju da igra loptom

- onemogući protivnika u izglednoj prilici za postizanje pogotka prekršajem učinjenim pri pokušaju da igra loptom, a sudija dosudi kazneni udarac
- igra rukom u pokušaju da postigne pogodak (bez obzira je li pokušaj bio uspješan ili ne) ili u neuspješnom pokušaju da spriječi postizanje pogotka
- napravi nedozvoljene oznake na terenu za igru
- igra loptom u trenutku kada napušta teren za igru, nakon što mu je sudija dozvolio da napusti teren za igru
- pokaže nedostatak poštovanja prema igri
- namjerno upotrijebi potez kojim glavom, prsima, koljenom itd. dodaje loptu vrataru (uključujući i iz slobodnog udarca), kako bi zaobišao Pravilo, baz obzira dodirne li vratar loptu rukom
- riječima skreće pažnju protivniku tokom igre ili pri nastavku igre

Proslavljanje/slavljenje pogotka

Igrači mogu slaviti postizanje pogotka, ali proslava ne smije biti pretjerana; ne podržavaju se koreografije prilikom proslave pogotka, koje ne smiju izazvati/ dovesti do velikog gubitka vremena.

Napuštanje terena za igru radi proslave pogotka nije sam po sebi kažnjiv prekršaj, ali neophodno je da se igrač/igrači što prije vrate na teren za igru.

Igrač mora dobiti opomenu (žuti karton) ako:

- se penje na zaštitnu ogradu ili prilazi navijačima na način koji izaziva sigurnosne probleme
- gestikulira ili se ponaša na provokativan, podrugljiv ili razdražujući način
- prekrije glavu ili lice sa maskom ili drugim sličnim predmetom
- skine dres ili glavu prekrije dresom

Odlaganje nastavka igre

Sudije moraju pokazati opomenu (žuti karton) koji odlažu nastavak igre, i to:

- dolaženje da se izvede ubacivanje, a zatim iznenadno prepuštanje lopte jednom od svojih saigrača da izvrši ubacivanje
- odlaganje napuštanja terena za igru prilikom zamjene
- prekomjernim odlaganjem nastavka igre
- napucavanjem ili odnošenje lopte, ili izazivanjem sukoba namjernim dodirivanjem lopte nakon što je sudija zaustavio igru

- izvođenje slobodnog udarca sa pogrešnog mesta sa isključivim ciljem da to primora sudiju da ponovo isti izvede

Prekršaji za isključenje (crveni karton)

Igrač, zamjenik ili zamjenjeni igrač će dobiti crveni karton ako učini bilo koji od sljedećih prekršaja:

- ako protivničkoj ekipi spriječi pogodak ili očiglednu priliku za pogodak, igrajući namjerno loptu rukom (ovo se ne odnosi na vratara u njegovom kaznenom prostoru)
- sprječavanje postizanja pogotka ili očigledne prilike za postizanje pogotka protivniku čija kretnja jasno pokazuje da se kreće prema vratima prekršitelja, prekršajem koji se kažnjava direktnim slobodnim udarcem (osim u dole navedenim situacijama)
- ozbiljan ili težak prekršaj (grubost)
- pljune na protivnika ili na neku drugu osobu
- nasilno (drsko) ponašanje
- upotrebljava nepristojne, uvredljive ili pogrdne riječi i/ili gestove
- dobije drugu opomenu (drugi žuti karton) na istoj utakmici

Igrač, zamjenik ili zamjenjeni igrač moraju po isključenju napustiti neposrednu blizinu terena za igru i tehnički prostor.

Sprječavanje pogotka ili očigledne prilike za postizanje pogotka

Kada igrač protivničkoj ekipi spriječi pogodak ili očiglednu priliku za pogodak namjernim igranjem lopte rukom mora dobiti crveni karton bez obzira na mjesto gdje se prekršaj dogodio.

Kada igrač unutar svog kaznenog prostora, učini prekršaj nad protivnikom koji sprječava očiglednu priliku za postizanje pogotka, te sudija dodjeli kazneni udarac, igraču se izriče opomena ukoliko učini prekršaj u pokušaju da igra loptom; u svim ostalim slučajevima (npr. čuvanje, povlačenje, guranje nema mogućnost da igra loptom itd.) odbrambeni igrač mora biti isključen.

Igrač, isključeni igrač, zamjeni igrač ili zamjenjeni igrač koji uđe na teren za igru bez dozvole sudije te ometa igru ili protivnika i time onomogući protivničkoj ekipi postizanje pogotka ili izglednu priliku za postizanje pogotka, napravio je prekršaj za isključenje.

Sljedeće okolnosti se moraju razmotriti prije donošenja odluke:

- udaljenost izmedju mjesta prekršaja i protivničkih vrata
- pravac igre
- vjerovatnoća odigravanja lopte ili zadržavanje kontrole nad loptom
- pozicija i broj odbrambenih igrača

Ozbiljan prekršaj igre (težak prekršaj)

Start ili duel koji dovodi u opasnost bezbjednost protivnika ili se koristi prekomjerna snaga ili grubost mora biti kažnjen kao ozbiljan prekršaj igre.

Bilo koji igrač koji udari protivnika u napadu na loptu sa prednje strane, sa strane ili otpozadi koristeći jednu ili obje noge, sa prekomjernom snagom i koji ugrožava sigurnost protivnika kriv je zbog ozbiljnog prekršaja igre (grubost).

Nasilno ponašanje

Igrač je kriv za nasilno ponašanje ako koristi ili pokuša da koristi prekomjernu snagu ili brutalnost protiv protivničkog igrača kada se ne bori za loptu, ili protiv suigrača, zvaničnika ekipe, sudija, gledalaca ili nekog drugog lica, i to bez obzira da li je kontakt napravljen.

Pored toga, ako igrač, koji nije u duelu za loptu, namjerno udari protivnika ili neko drugo lice u glavu ili lice svojom rukom, kriv je za nasilno ponašanje, osim ako je ta upotreba sile zanemarljiva.

Prekršaji bacanjem predmeta (ili lopte)

U svim navedenim slučajevima, sudija poduzima odgovarajuće disciplinske mjere:

- preoštar/bezobziran – opomenuti (žuti karton) igrača zbog nesportskog ponašanja
- upotrebotom prekomjerne snage – isključiti (crveni karton) igrača zog nasilnog ponašanja

4. Nastavci igre nakon prekršaja i nesportskog ponašanja

- Ako je lopta van igre, nastavak će biti u saglasnosti sa prethodnom odlukom
- Ako je lopta u igri, i igrač učini prekršaj na terenu za igru protiv:
 - protivnika – indirektan ili direktni slobodan udarac ili kazneni udarac
 - saigrača, zamjenika, zamjenjenog ili isključenog igrača, zvaničnika ekipe ili sudija – direktni slobodan udarac ili kazneni udarac
 - bilo koje druge osobe – spuštanje lopte
- Ako je lopta u igri pri čemu:
 - igrač učini prekršaj protiv člana sudijskog tima ili protivničkog igrača, zamjene, zamjenjenog igrača ili isključenog igrača ili službene osobe van terena za igru, ili
 - zamjena, zamjenjeni igrač ili isključeni igrač, ili službena osoba učini prekršaj van terena za igru na protivničkom igraču ili članu sudijskog tima, ili ga ometa,

igra se nastavlja direktnim slobodnim udarcem na graničnoj liniji, na mjestu najbližem prekršaju/ometanju; u slučaju da se radi o direktnom slobodnom udarcu unutar kaznenog prostora počinitelja dosuđuje se kazneni udarac.

Ako igrač koji stoji na terenu za igru ili izvan njega baci predmet (uključujući loptu) na protivničkog igrača, zamjenu, zamjenjenog igrača ili siključenog igrača ili službenu osobu, člana sudijskog tima ili na loptu, igra se nastavlja direktnim slobodnim udarcem sa mesta gdje je predmet udario ili bi udario osobu ili loptu. Ako je mjesto van terena za igru, direktni slobodan udarac izvodi se na najbližoj tački granične linije; ako je to mjesto unutar kaznenog prostora počinioča dosuđuje se kazneni udarac.

Ako zamjena, zamjenjeni igrač ili isključeni igrač, igrač privremeno van terena za igru ili službena osoba baci ili udari predmet na terenu za igru i ometa igru, protivnika ili člana sudijskog tima, igra se nastavlja direktnim slobodnim udarcem (ili kaznenim udarcem) sa mesta gdje je predmet ometao igru, ili gdje je udario ili bi udario protivnika, člana sudijskog tima ili loptu.

Pravilo

13

Slobodni udarci

1. Vrste slobodnih udaraca

Direktni i indirektni slobodni udarci se dosuđuju za protivničku ekipu ako je igrač kriv za prekršaj.

Indirektan slobodan udarac (signali)

Sudija označava indirektni udarac dizanjem svoje ruke gore iznad glave. On će zadržati svoju ruku u tom položaju dok se udarac ne izvede i dok lopta ne dodirne drugog igrača ili izade iz igre.

Indirektan slobodan udarac mora biti ponovljen ako sudija propusti da podigne ruku da označi da je udarac indirektni, a lopta uđe direktno u vrata.

Lopta ulazi u vrata

- Ako je iz direktnog slobodnog udarca lopta upućena direktno u protivnička vrata, pogodak se priznaje.
- Ako je iz indirektnog slobodnog udarca lopta upućena direktno u u protivnička vrata, dosudit će se udarac sa vrata.
- Ako je iz direktnog ili indirektnog slobodnog udarca lopta upućena direktno u sopstvena vrata, dosudit će se udarac iz ugla.

2. Procedura

Svi slobodni udarci se izvode sa mjesta gdje se prekršaj dogodio, osim:

- indirektan slobodan udarac dosuđen napadajućoj ekipi u protivničkom prostoru vrata, izvodi se sa linije prostora vrata paralelne poprečnoj liniji sa mjestu koje je najbliže mjestu gdje je prekršaj učinjen
- slobodni udarci dosuđeni odbrambenoj ekipi u sopstvenom prostoru vrata, izvode se sa bilo kog mjestu u tom prostoru

- slobodnih udaraca zbog prekršaja koji uključuju ulazak igrača, ponovni ulazak ili izlazak sa terena za igru bez sudijskog odobrenja; oni se izvode sa mesta gdje je lopta bila u trenutku zaustavljanja igre. Međutim, ako igrač napusti teren za igru kao dio igre te počini prekršaj nad drugim igračem, igra se nastavlja slobodnim udarcem sa granične linije na mestu koje je najbliže mestu prekršaja. Za prekršaje koje se dosuđuje direktni slobodan udarac dosudit će se kazneni udarac ako je ta tačka unutar kaznenog prostora igrača koji je učinio prekršaj.
- Druga, eventualna, mesta određuju pravila igre (vidi Pravilo 3, 11, 12)

Lopta:

- mora biti nepokretna i izvođač ne smije ponovo da je dodirne dok je ne dodirne neki drugi igrač
- je u igri kada je udarena i jasno pomaknuta, osim za slobodne udarce iz kaznenog prostora za odbrambenu ekipu kada je lopta u igri čim je direktno izašla iz kaznenog prostora u teren za igru

Dok lopta ne bude u igri svi protivnički igrači moraju biti:

- najmanje 9.15 metara (10 jardi) udaljeni od lopte osim ako se nalaze na liniji njihovih vrata između dvije stative
- izvan kaznenog prostora u slučaju slobodnih udaraca unutar protivničkog kaznenog prostora

Slobodan udarac može biti izведен podizanjem lopte stopalom ili sa oba stopala istovremeno.

Fintiranje pri izvođenju slobodnog udarca da bi se zbrunio protivnik je sastavni dio fudbalske igre.

Ako igrač koji ispravno izvodi slobodan udarac namjerno udari loptu u protivničkog igrača kako bi ponovo igrao loptom, ali ne na neoprezan ili preoštar način, niti upotrebom prekomjerne sile, sudija će dozvoliti nastavak igre.

3. Prekršaji i kazne

Ako, kada se slobodan udarac izvodi, protivnik ne poštije propisanu razdaljinu, udarac se ponavlja, osim ako može da se primjeni prednost; ali ako igrač odluči da brzo izvede slobodan udarac, a protivnik presretne loptu koja je manje od 9,15 metara udaljenja od njega, sudija će dozvoliti da se igra nastavi. Ipak, ako protivnik koji je blizu lopte namjerno spriječi da se udarac brzo izvede, sudija će pokazati žuti karton protivniku zbog odlaganja nastavka igre.

Ako, pri izvođenju slobodnog udarca od strane odbrambene ekipe iz sopstvenog kaznenog prostora, jedan ili više protivnika ostane u kaznenom prostoru zato što je odbrambeni igrač odlučio da brzo izvede slobodan udarac, a protivnici nemaju vremena da napuste kazneni prostor, sudija će dozvoliti da se igra nastavi. Ako protivnički igrač koji se nalazi u kaznenom prostoru u trenutku izvođenja slobodnog udarca, ili ulazi u kazneni prostor prije nego lopta bude u igri, dodirne loptu ili se upusti u borbu za loptu prije nego što lopta dodirne drugog igrača, slobodni udarac se ponavlja.

Ako ekipa koja se brani izvedi slobodni udarac unutar svog kaznenog prostora, lopta nije direktno upućena izvan kaznenog prostora, udarac će se ponoviti.

Nakon što lopta bude u igri, ako je izvođač ponovo dodirne prije nego što je dodirnula drugog igrača, dosuđuje se indirektan slobodan udarac; a ako izvođač namjerno odigra rukom:

- dosuđuje se direktni slobodni udarac
- dosuđuje se kazneni udarac ako se prekršaj dogodio unutar kaznenog prostora izvođača, osim ako je izvođač bio vratar, i u tom slučaju dosudit će se indirektan slobodni udarac.

Pravilo 12/13

pitanja i odgovori

1. Sudija nastavlja igru spuštanjem lopte. Igrači jedne ekipe ne žele biti u blizini spuštanja lopte. Sudija ipak spušta loptu, koja padne na tlo i njome igra igrač napadačke ekipe koji je bio prisutan kod spuštanja lopte te postigne pogodak protivniku. Odluka sudije?

Igru zaustaviti i dosuditi kazneni udarac za protivničku ekipo.

2. Po mišljenju sudsije odbrambeni igrač na preoštar način naleti na protivničkog igrača i sruši ga u dijelu svog kaznenog prostora. Lopta je u igri. Odluka sudsije?

Igru zaustaviti i dosuditi kazneni udarac za protivničku ekipo te opomenuti odbrambenog igrača.

3. U vlastitom kaznenom prostoru odbrambeni igrač neopreznim startom, po mišljenju sudsije, učini prekršaj nad napadačem koji je bio u posjedu lopte. Odluka sudsije?

Igru zaustaviti i dosuditi kazneni udarac za protivničku ekipo.

4. U startu odbrambenog igrača na napadača, po mišljenju sudsije, odbrambeni igrač koristi pretjeranu snagu. Odluka sudsije?

Igru zaustaviti i dosuditi direktni slobodan udarac za napadačku ekipo, a odbrambenog igrača isključiti.

5. Odbambeni igrač neoprezno nasrne na igrača protivničke ekipe tako da prije dođe do fizičkog dodira s napadačem, nego što je odbrambeni igrač dodirnuo loptu. Odluka sudsije?

Igru zaustaviti i dosuditi direktni slobodan udarac za protivničku ekipo.

6. Vratar odbrani udarac, a zatim ljut, držeći loptu, udara saigrača koji se nalazio pored njega u kaznenom prostoru. Odluka sudsije?

Igru zaustaviti, isključiti vratara i dosuditi kazneni udarac za protivničku ekipo.

7. U želji da spriječi igrača protivničke ekipe, skačući s jedne na drugu stranu i širenjem ruku, odbrambeni igrač bez dodira, spriječi napadača da dođe do lopte. Odluka sudsije?

Igru zaustaviti i dosuditi indirektni slobodan udarac za protivničku ekipo.

8. Kako bi spriječio pogodak odbrambeni igrač namjerno dotakne loptu rukom, no ona ipak uđe u vrata. Odluka sudije?

Pogodak priznati, a odbrambenog igrača opomenuti.

9. Napadač, koji kreće sam prema protivničkim vratima i u izglednoj je prilici za postizanje pogotka, bude zaustavljen preoštrim starom na 20 metara od vrata protivničke ekipe. Odluka sudije?

Igru zaustaviti, isključiti igrača odbrambene ekipe i dosuditi direktni slobodan udarac za napadačku ekipu s mjesta prekršaja.

10. Napadač je srušen preoštrim startom u protivničkom kaznenom prostoru, dok je pred sobom imao dva ili više igrača odbrane, a nije se radilo o borbi za loptu. Odluka sudije?

Igru zaustaviti, opomenuti igrača koji je preoštro startao te dosuditi kazneni udarac za napadačku ekipu.

11. Da li je prilikom dosuđivanja kaznenog udarca uvijek obavezna disciplinska mjera?

Ne.

12. Odbrambeni igrač koristi varku kako bi izigrao propis IFAB-a tačka 3., u Pravilu 12, tako da podiže nogom loptu sebi na glavu i tada je vraća glavom svom vrataru koji je rukama uhvati na 5 metara od vrata. Odluka sudije?

Igru zaustaviti, odbrambenog igrača opomenuti i dosuditi indirektni slobodan udarac za protivničku ekipu s mjesta gdje se igrač nesportski ponašao (koristio varku).

13. Na 30 metara od vrata, odbrambeni igrač namjerno prekršajem s leđa zaustavi napad napadačkog igrača, a da je tom prilikom mogućnost igranja loptom odbrambenog igrača bila mala, a mogućnost povrede igrača protivničke ekipe velika. Odluka sudije?

Igru zaustaviti, odbrambenog igrača isključiti i dosuditi direktni slobodan udarac za protivničku ekipu s mjesta prekršaja.

14. Igrač, da bi bio viši u skoku za loptom i istu dohvatio glavom, odupre se rukama o ramena suigrača. Sudija to primijeti. Odluka sudije?

Igru zaustaviti, opomenuti igrača koji se odupro rukama i dosuditi

indirektan slobodan udarac za protivničku ekipu s mjesta prekršaja.

15. Sudija je dosudio indirektan slobodan udarac. Protivnički igrač posakuje ispred igrača koji želi izvesti taj indirektan slobodan udarac s ciljem da omete izvođenje. Odluka sudije?

Igrača koji je poskakivao treba opomenuti i omogućiti izvođenje dosuđenog indirektnog slobodnog udarca.

16. Izvodi se slobodan udarac iz kaznenog prostora u korist odbrambene ekipe. Prije nego što je lopta napustila granice kaznenog prostora u teren za igru, vratar odbrambene ekipe udari napadačkog igrača koji se nalazio pred njegovim vratima u terenu za igru. Odluka sudije?

Igru zaustaviti, isključiti vratara i ponoviti slobodni udarac.

17. Dosuđen je indirektan slobodan udarac u korist napadačke ekipe. Prilikom izvođenja napadač samo dodirne loptu ne pomaknuvši je, a saigrač zatim snažno udari loptu u protivnička vrata. Odluka sudije?

Udarac s vrata.

18. Dosuđen je direktni slobodan udarac neposredno pred vlastitim kaznenim prostorom. Igrač izvede udarac prema svojim vratima i vrataru koji samo dodirne loptu te ona ipak uđe u njegova vrata. Odluka sudije?

Priznati pogodak.

19. Igra je zaustavljena, igrač jedne ekipe napusti teren za igru u znak protesta na odluku sudije, a tada trener te ekipe želi zamijeniti tog igrača zamjenskim igračem. Odluka sudije?

Sudija neće dozvoliti zamjenu. Igrača koji je u znak protesta napustio teren za igru upisati u Zapisnik kao isključenog, a igru nastaviti zbog čega je bila zaustavljena.

20. Igrač odbrane trčeći po uzdužnoj liniji i ispred protivničke klupe za zamjenske igrače šakom udari trenera protivničke ekipe koji je davao savjete svojim igračima s ruba prednjeg dijela tehničkog prostora. Sudija to primjeti, a igra je u toku. Odluka sudije?

Igru zaustaviti, isključiti igrača odbrane, a igru nastaviti direktnim slobodnim udarcem na graničnoj liniji terena, na mjestu koje je najbliže prekršaju.

21. Tokom igre, vratar odbranivši udarac prema vratima, uhvati loptu, krene tri koraka i postavi je na rub vratareva prostora te nogom izvede "kao udarac s vrata". Prije nego što je lopta napustila granice kaznenog prostora na loptu natrči protivnički igrač, koji se nalazio u kaznenom prostoru, prihvati loptu unutar kaznenog prostora i postigne pogodak. Odluka sudije?
Pogodak priznati.

22. Tokom igre dva igrača iste ekipe međusobno se nepristojno i grubo vrijedaju. Odluka sudije?

Igru zaustaviti, isključiti oba igrača i igru nastaviti indirektnim slobodnim udarcem s mjesta prekršaja protiv njihove ekipe.

23. Igra je u toku. Igrač ekipe A i igrač ekipe B međusobno se potuku izvan terena za igru, a sudija je zaustavio igru. Odluka sudije?

Nezavisno o tome jesu li igrači namjerno napustili teren kako bi se potukli, ili su se zatekli van terena za igru, isključenje oba igrača i spuštanje lopte gdje je bila u trenutku prekida

24. Lopta je izbačena preko uzdužne linije izvan terena za igru. Prije nego što je izvršeno ubacivanje, igrač koji ubacuje loptu na atletskoj stazi udari nogom protivničkog igrača. Odluka sudije?

Isključenje igrača koji je trebao izvršiti ubacivanje, a igru nastaviti ubacivanjem za njegovu ekipu.

25. Dok je lopta u igri, vratar unutar svog kaznenog prostora u ljutnji udari suigrača šakom u lice. Odluka sudije?

Igru zaustaviti, isključiti vratara i dosuditi kazneni udarac za protivničku ekipu.

26. Igra je privremeno zaustavljena. Vratar unutar svog kaznenog prostora pljune sudiju. Odluka sudije?

Vratara isključiti i nastaviti igru zbog čega je bila zaustavljena.

27. Dok je igra u toku vratar baci svoju kapu u glavu protivničkom igraču koji se nalazio u kaznenom prostoru, u izglednoj šansi za postizanje pogotka, zbog čega je isti izgubio kontrolu nad loptom. Odluka sudije?

Igru zaustaviti, isključiti vratara i dosuditi kazneni udarac za protivničku ekipu.

28. Sudija spušta loptu između dva igrača protivničkih ekipa. Prije nego što je lopta dodirnula tlo, igrač odbrane namjerno rukom udari napadačkog igrača unutar vlastitog kaznenog prostora. Odluka sudije?

Isključiti odbrambenog igrača i ponoviti spuštanje lopte.

29. Dok je igra bila u toku, vratar, da bi spriječio ulazak lopte u vlastita vrata, stojeći na rubu vratareva prostora, baci kapu na loptu i time spriječi ulazak lopte u vrata. Odluka sudije?

Igru zaustaviti, isključiti vratara i dosuditi indirektan slobodan udarac za protivničku ekipu.*

30. Dva igrača iste ekipe udare jedan drugoga namjerno nogom po nozi. Igra je u toku pa je sudija radi toga igru privremeno zaustavio. Odluka sudije?

Isključenje oba igrača i direktan slobodan udarac protiv njihove ekipe s mesta prekršaja.

31. Izvodi se kazneni udarac. Na znak sudije izvođač kaznenog udarca izvede isti pravilno. Lopta je u igri. Prije nego lopta uđe u vrata saigrač izvođača kaznenog udarca namjerno udari igrača odbrane, a sudija je sve to dobro primijetio. Odluka sudije?

Ako lopta uđe u vrata kazneni udarac ponoviti, a saigrača izvođača isključiti. Ako ne, sudija će igru zaustaviti, a suigrača izvođača isključiti iz igre. Igra se nastavlja direktnim slobodnim udarcem za odbrambenu ekipu s mesta prekršaja.

32. Igra je zaustavljena. Trener najavi da će izvršiti zamjenu igrača. Igrač, koji treba biti zamijenjen, ne želi napustiti teren za igru već grubim riječima i psovskama vrijeda trenera koji ga je odlučio zamijeniti. Odluka sudije?

Isključiti igrača bez prava na zamjenu, a igru nastaviti zbog čega je bila zaustavljena.

33. Povrijedenom igraču pruža se pomoć uz samu uzdužnu liniju, ali izvan terena za igru. U tom trenutku trči uz uzdužnu liniju protivnički igrač. Povrijedeni igrač pruži nogu u teren za igru i namjerno saplete igrača

protivničke ekipe. Odluka sudije?

Igru zaustaviti, opomenuti povrijeđenog igrača i dosuditi direktni slobodan udarac s mesta prekršaja za protivničku ekipu.

34. Koje su tehničke, a koje disciplinske mjere koje dosuđuje sudija?

Tehničke mjere: direktni i indirektni slobodani udarci;

Disciplinske mjere: opomena, isključenje, zabrana nastupa.

35. Napadački igrač izvodi direktni slobodan udarac sa 17 metara od protivničkih vrata. Odbrambena ekipa postavlja živi zid na propisanoj udaljenosti. Na znak sudije, igrač snažno udara loptu preko zida u prečku od koje se lopta odbija u teren za igru, pogodi sudiju i dođe do izvođača direktnog slobodnog udarca i on postigne pogodak. Odluka sudije?

Pogodak ne priznati, nego dosuditi indirektni slobodan udarac za odbrambenu ekipu, s mesta gdje je igrač drugi put igrao loptom.

36. Navedite slučaj gdje protivnički igrači mogu stajati na manjoj razdaljini od 9,15 m kod izvođenja slobodnih udaraca!

Ako je dosuđen indirektni slobodan udarac za ekipu koja napada u kaznenom prostoru protivnika, na manjoj udaljenosti od 9,15 metara od vrata, tada odbrambeni igrači mogu stajati na poprečnoj liniji vrata.

37. Igrač odbrane sapleo je napadačkog igrača koji je bio u posjedu lopte. Kako lopta ide prema suigraču saplenenog napadačkog igrača sudija poštije prednost, ne zaustavljući igru. Međutim, drugi igrač odbrane presiječe put lopti i dođe u njen posjed. Sve se to dogodilo 2-3 sekunde od prekršaja. Odluka sudije?

Igru zaustaviti i dosuditi prvobitni prekršaj.

38. Igrač odbrane saplete napadačkog igrača koji samo posrne, ali mu lopta ostane u posjedu i pod kontrolom. Sudija primjeni pravilo prednosti ne prekidajući igru. Igrač odbrane koji nije uspio zaustaviti prodor napadačkog igrača odmah potom grubo s leđa sruši napadačkog igrača. Sudija zaustavi igru. Kakav je postupak sudije i s kojeg mesta je nastavak igre?

Igru zaustaviti, isključiti igrača odbrane i dosuditi direktni slobodan udarac za protivničku ekipu s mesta gdje je igrač odbrane grubo startao na

protivničkog napadačkog igrača.

39. Nad napadačkim igračem učinjen je prekršaj. Međutim, kako je lopta ostala u posjedu tog igrača, sudija ne prekida igru poštujući prednost. Napadački igrač nad kojim je učinjen prekršaj zamahne rukom i namjerno uzvratiti udarcem ruke u lice igrača koji je učinio prekršaj. Šta treba sudija poduzeti?

Igru zaustaviti, isključiti napadačkog igrača i dosuditi direktan slobodan udarac za ekipu odbrane.

40. U gužvi pred svojim vratima na oko 11 metara u kaznenom prostoru odbrambeni igrač trčeći, po procjeni sudije, preoštrim prekršajem sruši protivničkog napadača. Odluka sudije?

Igru zaustaviti, dosuditi kazneni udarac za protivničku ekipu te opomenuti odbrambenog igrača.

41. Prema procjeni sudije, odbrambeni igrač nenamjerno, ali i neoprezno sruši protivničkog napadača. Odluka sudije?

Igru zaustaviti, dosuditi direktan slobodan udarac za napadačku ekipu.

42. Odbrambeni igrač u startu pogodi prije nogu napadača nego loptu. Odluka sudije?

Igru zaustaviti, dosuditi direktan slobodan udarac za napadačku ekipu.

43. Izrazito fizički snažniji odbrambeni igrač po procjeni sudije, koristeći pretjeranu snagu, sruši protivničkog igrača. Odluka sudije?

Igru zaustaviti, dosuditi direktan slobodan udarac za protivničku ekipu te isključiti odbrambenog igrača.

44. Nakon uspješne intervencije vratar izbaci loptu u teren, a zatim rukom udari protivničkog napadača, koji je tokom napada prešao preko poprečne linije izvan terena za igru. Vratar nije napustio teren. Odluka sudije?

Igru zaustaviti, isključiti vrataru, a igru nastaviti direktnim slobodnim udarcem na graničnoj liniji terena koje je najbliže prekršaju, odnosno kaznenim udarcem ako se prekršaj dogodio u dijelu koji označava kazneni prostor.

45. Vratar u padu odbrani udarac i drži ruku na lopti, kada na istu natrči napadač i vrhom kopačke gurne loptu u mrežu bez da je dodirnuo ruku vratara. Odluka sudije?

Igru zaustaviti, pogodak ne priznati i dosuditi direktni slobodan udarac za ekipu vratara.

46. Izvodi se udarac iz ugla. Napadač unutar vratareva prostora kontaktom ometa vratara odbrambene ekipe, koji pokuša igrati loptom, i omogući svom suigraču da postigne pogodak. Odluka sudije?

Igru zaustaviti, pogodak ne priznati i dosuditi direktni slobodan udarac za ekipu vratara, iz vratareva prostora.

47. Na visoko nabačenu loptu želi skočiti odbrambeni igrač kojeg u tome kontaktom, ramenom o rame, onemogući protivnički napadač. Tada lopta dođe do saigrača napadača koji postiže pogodak. Odluka sudije?

Pogodak ne priznati i dosuditi direktni slobodan udarac s mjesta prekršaja, za ekipu odbrane.

48. Igrač je izašao s dozvolom sudije preko uzdužne linije igrališta, a zatim tokom igre, stojeći pored uzdužne linije izvan terena za igru, saplete protivničkog napadača koji je imao loptu, unutar terena za igru. Odluka sudije?

Igru zaustaviti, opomenuti igrača i dosuditi direktni slobodan udarac za protivničku ekipu s mjesta saplitanja.

49. U želji da spriječi napadača da dođe do lopte, odbrambeni igrač širi ruke, te napadač naleti na raširenu ruku i padne. Odluka sudije?

Igru zaustaviti, opomenuti odbrambenog igrača i dosuditi direktni slobodan udarac za napadačku ekipu.

50. Vratar odbrani udarac, a zatim unutar vratarevog prostora silovito loptom udari protivničkog napadača koji se tu zatekao. Odluka sudije?

Igru zaustaviti, vratara isključiti i dosuditi kazneni udarac za protivničku ekipu.

51. Igrač je uz odobrenje sudije izvan terena za igru. Dok je igra u toku, zatraži od sudije da uđe u igru s uzdužne linije, a svojim ulaskom ne pomaže

ekipi. Odluka sudije?

Sudija može dozvoliti ulazak u teren.

52. Sudija je igrača udaljio s terena za igru da popravi opremu. Dok je igra u toku igrač je popravio opremu i traži da se vrati u igru. Može li mu sudija to dozvoliti?

Može. Igrač mora proći provjeru bilo kojeg člana sudijskog tima prije nego što dobije dopuštenje za povratak na teren, koje može biti i tokom igre, uz dozvolu sudije (igrača se tretira na isti način kao da se vraća poslije povrede).

53. Vratar odbrani udarac, a zatim po mišljenju sudije namjerno leži na lopti više od dozvoljenog vremena. Odluka sudije?

Igru zaustaviti, opomenuti vratara, prema potrebi nadoknaditi izgubljeno vrijeme i dosuditi indirektan slobodan udarac protiv ekipe vratara s mjesta prekršaja.*

54. Napadač, nakon što se uspješno oslobođio posljednjeg odbrambenog igrača, uđe u kazneni prostor i ima očiglednu priliku za postizanje pogotka. Odbrambeni igrač ga sustigne i sruši saplitanjem sa leđa. Odluka sudije?

Igru zaustaviti, isključiti odbrambenog igrača i dosuditi kazneni udarac za ekipu napadača.

55. Napadač, nakon što se uspješno oslobođio posljednjeg odbrambenog igrača, uđe u kazneni prostor i ima očiglednu priliku za postizanje pogotka. Odbrambeni igrač ga sustigne i sruši saplitanjem sa leđa. Odluka sudije?

Igru zaustaviti, isključiti odbrambenog igrača i dosuditi kazneni udarac za ekipu napadača.

56. Vratar odbrani udarac i kontroliše loptu s dvije ruke, ali je zatim spusti na tlo, povede nekoliko koraka nogom i ponovno uhvati rukama. Odluka sudije?

Igru zaustaviti i dosuditi indirektan slobodan udarac protiv ekipe vratara, s mjesta gdje je vratar ponovno uhvatio loptu rukama.

57. Vratar odbrani udarac i kontroliše loptu s dvije ruke, ali je zatim spusti na tlo, povede nekoliko koraka nogom i ponovno uhvati rukama. Odluka sudije?

Igru zaustaviti i dosuditi indirektan slobodan udarac protiv ekipe vratara, s mjesta gdje je vratar ponovno uhvatio loptu rukama.

58. Odbrambeni igrač s obje noge skoči u igrača protivničke ekipe. Odluka sudije?

Igru zaustaviti, isključiti odbrambenog igrača i dosuditi direktan slobodan udarac za ekipu napadača s mjesta prekršaja.

59. Koje su vrste slobodnih udaraca te koja je razlika među njima?

Direktni (neposredni, direktni) - može se direktno postići pogodak samo protivniku. Indirektni (posredni, indirektni) - ne može se direktno postići pogodak ni sebi ni protivniku.

60. Gdje moraju stajati protivnički igrači kod izvođenja slobodnih udaraca (direktnih i indirektnih) iz vlastitog kaznenog prostora?

Protivnički igrači moraju stajati izvan kaznenog prostora, u terenu za igru, udaljeni najmanje 9,15 m od lopte.

61. Izvodi se slobodan udarac iz vlastitog kaznenog prostora tako da igrač koji izvodi slobodan udarac vrati loptu svom vrataru unutar kaznenog prostora i vratar je uhvati. Odluka sudije?

Slobodan udarac ponoviti.

62. Koja je obaveza sudije kako bi naznačio da se radi o indirektnom slobodnom udarcu?

Sudija je dužan podignuti ruku iznad glave i držati je u tom položaju tako dugo dok se udarac ne izvede i dok loptom nije igrao neki drugi igrač ili dok cijela lopta ne izđe izvan terena za igru.

63. Kako će postupiti sudija ako neki od igrača gestikuliraju ili poskakuju s ciljem da onemoguće izvođenje slobodnih udaraca?

Sudija će ih opomenuti.

64. Dosuđen je udarac s vrata za odbrambenu ekipu unutar vlastitog vratarevog prostora s desne strane. Odbrambeni igrač izvede taj udarac s lijeve strane i pet metara od vrata. Odluka sudije?

Sudija će dozvoliti nastavak igre jer je udarac pravilno izveden.

65. Dosuđen je indirektan slobodan udarac za ekipu napadača zbog prekršaja u vratarevom prostoru odbrambene ekipe i to s lijeve strane vratarevoga prostora. Napadač postavi loptu na liniju vratarevoga prostora s desne strane i želi izvesti udarac. Odluka sudije?

Sudija će tražiti da igrač izvede udarac s lijeve strane, na liniji vratarevoga prostora, najbliže mjestu prekršaja.

66. Dosuđen je direktni slobodan udarac s 18 metara, od vlastitih vrata, za odbrambenu ekipu, a koji izvodi odbrambeni igrač vraćajući loptu svome vrataru. On ne dodirne loptu i ona uđe u vlastita vrata. Odluka sudije?

Sudija neće priznati pogodak i dosuditi će udarac iz ugla.

67. Dosuđen je indirektan slobodan udarac s 18 metara, od vlastitih vrata, za odbrambenu ekipu. Odbrambeni igrač ga izvede tako da pokuša loptu vratiti svome vrataru, no on loptu ne dodirne i ona uđe u vlastita vrata. Odluka sudije?

Sudija neće priznati pogodak i dosuditi će udarac iz ugla.

68. Odbrambeni igrač izvodi slobodni udarac s 18 metara, od vlastitih vrata, tako da pokuša vratiti loptu svome vrataru, koji nogom odbije istu, a odbrambeni igrač ponovno naleti na tu loptu i uputi u vlastita vrata. Odluka sudije?

Pogodak priznati.

69. Izvodi se direktni slobodan udarac tako da izvođač samo dodirne loptu ne pomaknuvši je, a potom natrči suigrač i snažno šutira i postigne pogodak u protivnička vrata. Odluka sudije?

Pogodak priznati.

70. Izvodi se indirektan slobodan udarac tako da napadač koji ga izvodi samo dodirne loptu ne pomaknuvši je, a potom natrči saigrač i snažno šutira i postigne pogodak u protivnička vrata. Odluka sudije?

Sudija neće priznati pogodak i dosuditi će udarac s vrata.

71. Izvodi se direktni slobodan udarac tako da izvođač gurne loptu, ali ona

pređe svega 30 cm, a na nju natrči saigrač, snažno puca nogom i postigne pogodak u protivnička vrata. Odluka sudije?

Pogodak priznati.

72. Izvodi se indirektan sloboden udarac tako da izvođač gurne loptu, no ona pređe svega 30 cm, a na nju natrči saigrač, snažno puca i postigne pogodak u protivnička vrata. Odluka sudije?

Pogodak priznati.

73. Navedite prekršaje igrača zbog kojih će sudija dosuditi direktan sloboden udarac?

Direktan sloboden udarac dosuđuje se u korist protivničke ekipe ako igrač učini bilo koji od sljedećih prekršaja, na način koji sudija smatra neopreznim, preoštrim ili koji uključuje prekomjernu silu:

- nasrne na igrača protivničke ekipe
- skoči na igrača protivničke ekipe
- udari ili pokuša nogom udariti igrača protivničke ekipe
- odgurne igrača protivničke ekipe
- udari ili pokuša rukom ili glavom udariti igrača protivničke ekipe
- starta na igrača protivničke ekipe ili se upusti u borbu za loptu na nedozvoljeni način
- podmetne ili pokuša podmetnuti nogu protivničkom igraču.

Direktan sloboden udarac dosuđuje se kada igrač učini jedan od sljedećih prekršaja:

- namjerno igra loptu rukom (izuzev vratara unutar vlastitog kaznenog prostora)
- drži igrača protivničke ekipe
- kontaktom ometa igrača protivničke ekipe
- pljune na igrača protivničke ekipe
- učini prekršaj protiv saigrača, zamjenskog igrača, zamijenjenog igrača, službene osobe ili člana sudijskog tima koji uđu u teren za igru dok je igra u toku.

Direktan sloboden udarac dosuđuje se ukoliko službena osoba, zamjenski igrač, zamijenjeni igrač ili isključeni igrač uđu uteren za igru i pritom ometaju igru ili igrača protivničke ekipe , a sudija je zbog toga zaustavio igru.

74. Navedite prekršaje vratara zbog kojih će sudija dosuditi indirektan sloboden udarac?

Indirektan slobodan udarac dosuđuje se za protivničku ekipu ukoliko vratar unutar vlastitog kaznenog prostora učini bilo koji od sljedećih prekršaja:

- 1) kontroliše loptu rukama duže od šest sekundi prije ispuštanja iste
- 2) dodirne loptu rukama nakon:
 - ispuštanja iste, a prije nego što je dodirnula nekog drugog igrača,
 - što mu je suigrač istu namjerno dadao nogom,
 - što je primio istu direktno iz ubacivanja, koje je izveo njegov suigrač.

75. Navedite prekršaj igrača zbog kojih će sudija dosuditi indirektan slobodan udarac?

Indirektan slobodan udarac dosuđuje se za protivničku ekipu ukoliko igrač:

- 1) igra na opasan način,
- 2) ometa napredak igrača protivničke ekipe bez kontakta,
- 3) onemogućava vratara pri ispuštanju lopte iz ruke, ili udari nogom ili pokuša udariti nogom loptu dok je vratar u postupku ispuštanja lopte,
- 4) učini bilo koji drugi prekršaj koji nije naveden u Pravilima, zbog čega se igra zaustavlja da bi igrač bio opomenut ili isključen iz igre.

76. Od kojeg trenutka i do kada, te kome sve, sudija može pokazati žuti ili crveni karton prilikom izricanja disciplinske mjere?

Sudija ima pravo pokazati žute ili crvene kartone od ulaska na teren za igru na početku utakmice pa sve dok utakmica ne završi, uključujući i odmor između poluvremena, produžetke i jedanaesterce.

Crveni ili žuti karton može se pokazati igraču, zamjenskom ili zamjenjenom igraču.

77. Prilikom udaljavanja s klupe trenera ili nekog od tehničkog osoblja, pokazuje li sudija crveni karton?

Ne.

78. Može li isključeni igrač ostati unutar tehničkog prostora ili unutar ograđenog dijela terena?

Ne.

79. Kada i kako će sudija sankcionisati povlačenje ili držanje protivničkog igrača?

Ako ne može primjeniti prednost, sudija će zbog povlačenja ili držanja

protivničkog igrača zaustaviti igru. Zavisno o intenzitetu prekršaja ili mjestu prekršaja, opominje ili isključuje igrača, ili ipak ne izriče disciplinsku mjeru. Igru nastavlja direktnim slobodnim udarcem ili kaznenim udarcem.

80. Igrač, postigavši regularan pogodak, veseo i radostan skine dres i trči u zagrljaj saigračima s kojima dijeli zadovoljstvo te zajedno odlaze na svoju polovicu terena za igru. Šta poduzima sudija?

Igrača koji je skinuo dres opomenuti te nastaviti igru početnim udarcem.

81. Igrač, nakon što je postigao regularan pogodak, veseo i radostan skine dres i provokativno izaziva protivničkog vratara i izruguje se protivničkim navijačima i tek onda grli se sa saigračima. Što će poduzeti sudija?

Sudija opominje strijelca pogotka, nadoknaditi izgubljeno vrijeme, a igru nastaviti početnim udarcem.

82. Nakon regularno postignutog pogotka neki igrači, slaveći se i veseleći, namjerno prekomjerno zadržavaju i onemogućuju nastavak igre. Odluka sudije?

Igrače opomenuti, nadoknaditi izgubljeno vrijeme, a igru nastaviti početnim udarcem.

83. Mogu li nogometni nacionalni savezi na nižim nivoima takmičenja kao disciplinsku mjeru propisati privremena isključenja igrača?

Ne mogu jer IFAB to zabranjuje.

84. Igrač odugovlači s nastavkom igre na način da izvede dosuđeni slobodni udarac s krivog mjesta kako bi sudiju prisilio da odredi ponovno izvođenje. Odluka sudije?

Igru zaustaviti, opomenuti izvođača, nadoknaditi izgubljeno vrijeme, a igru nastaviti ponovnim izvođenjem slobodnog udarca s mjesta prekršaja za istu ekipu koja je prvobitno izvela slobodni udarac.

85. Odbrambeni igrač izvede indirektan slobodan udarac tako da uputi loptu u vlastita vrata. Odluka?

Udarac iz ugla za protivničku ekipu.

86. Odbrambeni igrač izvede direktan slobodan udarac tako da uputi loptu u vlastita vrata. Odluka sudije?

Udarac iz ugla za protivničku ekipu.

87. Napadač izvede indirektan slobodan udarac tako da uputi loptu direktno u protivnička vrata. Odluka sudije?

Udarac s vrata za odbrambenu ekipu.

88. Igra je zaustavljena. Zatražena je zamjena igrača, a igrač koji treba biti zamijenjen očigledno odugovlači izlazak s terena za igru. Odluka sudije?

Igrača koji očigledno odugovlači izlazak s terena za igru treba opomenuti, nadoknaditi izgubljeno vrijeme, a igru nastaviti zbog čega je bila zaustavljena.

89. Izvodi se ubacivanje, igrač prilazi mjestu za ubacivanje, uzima loptu, ali tada radi odugovlačenja nastavka igre prepušta loptu saigraču da izvede ubacivanje. Odluka sudije?

Igrača koji odugovlači s nastavkom igre treba opomenuti, nadoknaditi izgubljeno vrijeme i igru nastaviti ubacivanje za istu ekipu.

90. Dosuđen je slobodni udarac. Igrač uzima loptu i umjesto da izvede slobodni udarac on je baca s mjesta prekršaja (rukom, nogom ili drugačije), ali isključivo radi odugovlačenja s nastavkom igre. Odluka sudije?

Igrača koji odugovlači s nastavkom igre opomenuti, nadoknaditi izgubljeno vrijeme i igru nastaviti izvođenjem slobodnog udarca s mjesta prekršaja.

91. Vratar odbrani udarac, a zatim loptom namjerno i silovito pogoda protivničkog igrača koji je bio izvan kaznenog prostora u terenu za igru. Odluka sudije?

Igru zaustaviti, vratara isključiti i igru nastaviti direktnim slobodnim udarcem za protivničku ekipu s mjesta gdje je igrač bio pogoden.

92. Igra je u toku, zamjenski igrač iz tehničkog prostora baci kopačku i pogodi protivničkog igrača u terenu za igru. Odluka sudije?

Sudija će zaustaviti igru, shodno težini prekršaja izreći disciplinsku mjeru (isključenje ako nije upotrijebio prekomjernu silu, opomena ako je to učinio zanemarivo malom snagom). Igra će biti nastavljena direktnim slobodnim udarcem, sa mjesta gdje je igrač pogoden predmetom, odnosno kaznenim

udarcem ako je igrač pogoden u kaznenom prostoru.

93. Igrač je bio izvan terena za igru zbog povrede, tada kopačkom pogađa protivničkog igrača koji je bio u posjedu lopte. Odluka sudije?

Sudija će zaustaviti igru, shodno težini prekršaja izreći disciplinsku mjeru (isključenje ako je upotrijebio prekomjerno silu, opomena ako je to učinio zanemarivo malom snagom).

Igra će biti nastavljena direktnim slobodnim udarcem, za protivničku ekipu, s mjesta gdje je igrač pogoden.

94. Igrač, slaveći pogodak, skine dres tj. majicu. Odluka sudije?

Igrača opomenuti zbog nesportskog ponašanja, a igru nastaviti početnim udarcem.

95. Igrač, slaveći pogodak, skine gaćice pokazujući genitalije. Odluka sudije?

Igrača isključiti zbog drskog ponašanja, a igru nastaviti početnim udarcem.

96. Kako se kažnjava prekršaj kojim igrač ugrožava sigurnost protivničkog igrača, a mogućnost povrede je velika?

Prekršaj kojim igrač ugrožava sigurnost protivničkog igrača, a mogućnost povrede je velika, bilo da je prekršaj počinjen s leđa, sa strane ili sprijeda, mora se okarakterisati kao prekršaj grube igre i kazniti isključenjem igrača.

97. Na napadača koji se nalazi unutar protivničkog kaznenog prostora, u ofsajd položaju, i koji nije uključen u aktivnu igru, nasilno nesportski napadne protivnik dok je igra u toku. Odluka sudije?

Protivničkog igrača isključiti zbog nasilnog nesportskog ponašanja i dosuditi kazneni udarac.

98. Vratar koji stoji unutar svog kaznenog prostora, namjerno igra rukom izvan kaznenog prostora. Odluka sudije?

Sudija dosuđuje direktni slobodan udarac u korist protivničke ekipe. Ako sudija smatra da je vratar također kriv zbog zaustavljanja obećavajućeg napada ili onemogućavanja igrača protivničke ekipe u izglednoj prilici za postizanje pogotka, dodatno će disciplinski sankcionisati vratara.

99. Vratar kontroliše loptu rukama u kaznenom prostoru i doda je saigraču koji se također nalazi unutar kaznenog prostora. On zabunom udari loptu prema svojim vratima. Vratar je dotakne rukama, ali je ne spriječi da uđe u vrata. Odluka sudije?

Sudija priznaje pogodak.

100. Igrač odbrambene ekipe koji nije vratar stoji izvan kaznenog prostora i namjerno igra loptu rukom unutar kaznenog prostora. Odluka sudije?

Sudija dosuđuje kazneni udarac. Ako sudija smatra da je igrač također kriv zbog zaustavljanja obećavajućeg napada ili onemogućavanja igrača protivničke ekipe u izglednoj šansi za postizanje pogotka, dodatno će disciplinski sankcionisati igrača.

101. Vratar izvodi udarac s vrata po vrlo vjetrovitom vremenu. Lopta izade iz kaznenog prostora, ali se zatim nošena silovitim vjetrom vrati nazad u kazneni prostor, prije nego što je dodirnuo bilo koji drugi igrač. Vratar uhvati loptu rukama kako bi spriječio da uđe u vrata i da njome igra napadač protivničke ekipe koji je bio u mogućnosti postići pogodak. Odluka sudije?

Sudija zaustavlja igru i dosuđuje indirektan slobodan udarac u korist protivničke ekipe zbog toga što je vratar loptu uhvatio rukama drugi put prije nego što ju je dotakao neki drugi igrač. U ovoj se situaciji smatra da je vratar spriječio izglednu šansu za postizanje pogotka, zbog čega će ga sudija isključiti iz igre.

102. Igrač napusti teren za igru dok slavi postizanje pogotka. Odluka sudije?

Proslava nakon postignutog pogotka prihvativ je dio nogometa. Igrača je potrebno opomenuti samo ako to čini na neprimjeren način (npr. skidanjem dresa, skakanjem preko graničnih ograda, gestikuliranjem prema protivnicima ili publici, ismijavanjem igrača protivničke ekipe pokazivanjem prema svom dresu ili sličnim provokacijama).

103. Sudija opominje igrača koji se nakon toga izvine sudiji zbog svog nesportskog ponašanja. Može li sudija odlučiti da incident ne uključi u izvještaj?

Ne. Sve se opomene moraju upisati u Zapisnik o utakmici, u rubrici opomenuti igrači.

104. Igrač izvede udarac s vrata po vrlo vjetrovitom vremenu. Lopta izade iz kaznenog prostora, ali je zatim vjetar otpuše nazad u kazneni prostor prije nego ju je dodirnuo bilo koji drugi igrač. Igrač igra loptu rukama, iako u blizini nije bilo protivničkih igrača, kako bi spriječio da ona uđe u vrata. Odluka sudije?

Sudija dosuđuje kazneni udarac u korist protivničke ekipe zbog igranja lopte rukom u vlastitom kaznenom prostoru. Iako je učinjen i prekršaj dodiravanja lopte rukom drugi put od strane istog igrača, prije nego ju je dotaknuo neki drugi igrač, sudija mora kazniti ozbiljniji prekršaj, skladno Pravilu 5.

Sudija će igrača opomenuti zbog nesportskog ponašanja, ali ga ne isključuje iz igre. Igrač nije spriječio postizanje pogotka, kao ni izglednu šansu za njegovo postizanje, budući da se iz udarca s vrata ne može direktno postići pogodak u vlastita vrata.

105. U korist jedne od ekipa dosuđuje se indirektan slobodan udarac, u vlastitom kaznenom prostoru. Igrač koji izvodi udarac, udari loptu prema saigraču koji se nalazi unutar kaznenog prostora, i lopta uđe u vrata. Odluka sudije?

Pogodak ne priznati. Indirektan slobodan udarac ponoviti, budući da lopta nije u igri sve dok ne napusti granice kaznenog prostora, u teren za igru.

106. Odbrambeni igrač stoji na liniji svojih vrata i namjerno odbije loptu rukama do napadača koji direktno postigne pogodak. Odluka sudije?

Sudija će poštovati prednost i priznati pogodak, a odbrambenog igrača opomenuti zbog nesportskog ponašanja.

107. Igra je u toku, a igrač u znak neslaganja s odlukom sudije plješće rukama. Odluka sudije?

Ako protivnička ekipa ne ostvaruje prednost, sudija će igru zaustaviti, igrača opomenuti, i dosuditi indirektan slobodan udarac za protivničku ekipu s mesta gdje se nesportsko ponašanje desilo.

108. Da li je prekršaj ako vratar uhvati loptu rukama nakon što mu je namjerno istu koljenom vratio saigrač?

Ne.

109. U trenutku kada sudija nastavlja igru spuštanjem lopte, unutar kaznenog prostora, odbrambeni igrač nasilno nasrne na igrača protivničke ekipe. Sve se to dogodilo prije nego što je lopta dodirnula tlo. Odluka sudije?

Sudija isključuje odbrambenog igrača iz igre, zbog nasilnog prekršaja, a igru nastavlja ponovnim spuštanjem lopte.

110. Dok je lopta u igri dva igrača iste ekipe, koji se nalaze u terenu za igru, nesportski se ponašaju vrijeđajući jedan drugog. Odluka sudije?

Sudija će zaustaviti igru i obojicu igrača isključiti. Igra se nastavlja indirektnim slobodnim udarcem s mjesta gdje se kažnjiva radnja dogodila, u korist protivničke ekipe.*

111. Dok je lopta u igri, vratar nasilno nasrne na igrača protivničke ekipe u prostoru uz poprečnu liniju vrata i mreže vrata. Odluka sudije?

Sudija zaustavlja igru, isključuje vratara i nastavlja igru indirektnim slobodnim udarcem s mjesta na kojem se lopta nalazila u trenutku kada je igra zaustavljena.*

Ne dosuđuje se kazneni udarac budući da prostor u kojem se dogodio incident nije dio terena za igru.

112. Napadač prođe pored vratara i udari loptu nogom prema praznim vratima. Odbrambeni igrač baci kopačku ili sličan predmet koji udari loptu i sprijeći njen ulazak u vrata. Odluka sudije?

Sudije zaustavlja igru i dosuđuje kazneni udarac. Igrača, koji je počinio prekršaj, isključuje zbog sprečavanja postizanja pogotka namjernim igranjem lopte rukom (Naime, kopačka ili sličan predmet smatra se produženom rukom igrača).

113. Napadač prođe pored vratara i udari loptu nogom prema praznim vratima. Vratar tada baci kopačku ili sličan predmet koji udari loptu i sprijeći njen ulazak u vrata. Odluka sudije?

Sudija zaustavlja igru i dosuđuje indirektni slobodan udarac s mjesta na kojem se lopta nalazila u trenutku kada ju je pogodila kopačka ili sličan predmet.* Sudija će vratara isključiti zbog sprečavanja postizanja pogotka.

114. Igrač, koji nije vratar, stoji unutar svog kaznenog prostora i udari loptu kostobranom kojeg je držao u ruci, kako bi spriječio ulazak lopte u vrata.

Odluka sudije?

Sudija zaustavlja igru i dosuđuje kazneni udarac. Igrača, koji je učinio prekršaj, isključuje zbog sprječavanja postizanja pogotka namjernim igranjem lopte rukom (Naime, kostobran u ruci igrača se smatra produženom rukom igrača).

115. Vratar unutar svog kaznenog prostora udari loptu kostobranom kojeg je držao u ruci, kako bi spriječio ulazak lopte u vrata. Odluka sudije?

Sudija zaustavlja igru i dosuđuje indirektni slobodan udarac s mesta na kojem se lopta nalazila u trenutku kada ju je vratar dodirnuo kostobranom. Sudija će vratara isključiti zbog sprječavanja postizanja pogotka. (Naime, kostobran u ruci vratara se smatra produženom rukom vratara).

116. Igrač koji je napustio teren za igru da bi mu se pružila doktorska pomoć, podmetne nogu protivničkom igraču unutar terena za igru i time zaustavi obećavajući napad protivničke ekipe, na 30 metara od vrata.

Odluka sudije?

Sudija zaustavlja igru i dosuđuje direktan slobodan udarac s mesta saplitanja, u korist protivničke ekipe. Sudija će igrača isključiti iz igre zbog dvije opomene. Prvo će igraču pokazati žuti karton zbog ulaska u igru bez dozvole, a potom će mu pokazati drugi žuti karton zbog zaustavljanja obećavajućeg napada protivničke ekipe prekršajem.

117. Igrač uđe na teren za igru, nakon ukazivanja doktorske pomoći, bez odobrenja sudije i tada namjerno igra loptu rukom ispred protivničkog napadača. Napadač se nalazio izvan kaznenog prostora a ispred sebe je imao samo protivničkog vratara. Odluka sudije?

Sudija zaustavlja igru i dosuđuje direktan slobodan udarac s mesta gdje je igrač igrao loptu rukom (kažnjava ozbiljniji prekršaj), za ekipu napadača. Sudija će igrača isključiti iz igre jer je onemogućio izglednu šansu za postizanje pogotka.

118. Dok je lopta u igri, igrač koji stoji unutar svog kaznenog prostora baci silovito kopačku na igrača protivničke ekipe koji stoji izvan kaznenog prostora. Odluka sudije?

Sudija zaustavlja igru i isključuje igrača zbog nasilnog nesportskog

ponašanja. Igra se nastavlja direktnim slobodnim udarcem u korist protivničke ekipe koji se izvodi s mjesta na kojem je prekršaj učinjen, tj. na kojem je predmet udario ili je mogao udariti igrača protivničke ekipe.

119. Igrač silovito baci predmet, npr. kopačku na osobu koja sjedi unutar tehničkog prostora. Odluka sudije?

Sudija zaustavlja igru, isključuje igrača zbog nasilničkog ponašanja, a igra se nastavlja direktnim slobodnim udarcem za protivničku ekipu sa mjesta koje je najbliže prekršaju.

120. Dok je lopta u igri, zamjenski igrač baci predmet npr. kopačku na igrača protivničke ekipe na terenu za igru. Odluka sudije?

Sudija će zaustaviti igru. Zavisno o težini prekršaja, sudija će zamjenskom igraču izreći disciplinsku mjeru (isključenje ako je igrač upotrijebio prekomjernu silu, opomena ako je to učinio zanemarivo malom snagom). Igra će biti nastavljena direktnim slobodnim udarcem za protivničku ekipu sa mjesta gdje je igrač pogoden ili gdje je mogao biti pogoden.

121. Igrač, koji se nalazi unutar vlastitog kaznenog prostora, fizički napadne sudiju. Odluka sudije?

Sudija zaustavlja igru i isključuje igrača zbog nasilnog nesportskog ponašanja. Igra se nastavlja kaznenim udarcem za protivničku ekipu.

122. Tokom igre, igrač ekipe A kopačkom pogodi zamjenskog igrača protivničke ekipe koji se zagrijavao pored uzdužne linije terena. Odluka sudije?

Igru zaustaviti, igrača ekipe A kazniti disciplinskom mjerom zavisno od težine prekršaja (isključenje ako je koristio prekomjernu silu, opomena ako je to učinio zanemarivo malom snagom). Igru nastaviti direktnim slobodnim udarcem za protivničku ekipu sa granične linije sa mjesta koje je najbliže prekršaju.

123. Vratar u svom kaznenom prostoru drži loptu u rukama, tada je spusti na tlo i iznese izvan kaznenog prostora. Zatim se odluči vratiti u kazneni prostor i ponovo uhvati loptu rukama. Odluka sudije?

Sudija dosuđuje indirektan slobodan udarac u korist protivničke ekipe s mjesta gdje je vratar ponovno uhvatio loptu rukama*.

124. Vratar koji drži loptu baci je o tlo (da odskoči) prije nego što je nogom ubaci u teren za igru. Da li je prekršaj bacati loptu o tlo?

Ne. Prema Pravilu to se ne smatra oslobađanjem od lopte.

125. Ako vratar baca loptu o tlo (da odskoči) može li suparnik igrati loptom kada ona dodirne tlo pod uslovom da ne igra na opasan način?

Ne.

126. Nakon što je došao u posjed lopte, vratar je mirno drži na otvorenom dlanu. Protivnički igrač mu dođe s leđa i glavom mu odnese loptu s dlana. Je li to dozvoljeno?

Ne.

127. Kada vratar ispusti loptu kako bi je nogom ubacio u igru, protivnički igrač je presretne prije nego je dodirnula tlo. Da li je to dozvoljeno?

Ne. Spriječiti vratara u ispuštanju lopte iz ruku kod ubacivanja lopte nogom u igru smatra se prekršajem. Ispuštanje lopte iz ruku, i udaranje lopte nogom, smatra se jednim pokretom.

128. Igrač koji nije vratar namjerno igra loptu rukom unutar svog kaznenog prostora. Odluka sudije?

Sudija zaustavlja igru i dosuđuje kazneni udarac. Ako sudija smatra da je igrač također kriv zbog zaustavljanja obećavajućeg napada ili onemogućavanja igrača protivničke ekipe u izglednoj šansi za postizanje pogotka, dodatno će disciplinski sankcionisati igrača.

129. Napadačka ekipa izvodi ubacivanje i lopta dođe do vratara obrambene ekipe. Vratar promaši loptu, a saigrač je udari šakom preko prečke. Odluka sudije?

Sudija dosuđuje kazneni udarac. Ako sudija smatra da je igrač također kriv zbog zaustavljanja obećavajućeg napada ili onemogućavanja igrača protivničke ekipe u izglednoj šansi za postizanje pogotka, dodatno će disciplinski sankcionisati igrača.

130. Igrač nastoji spriječiti ulazak lopte u vrata namjernim igranjem lopte rukom. Međutim, lopta uđe u vrata. Odluka sudije?

Sudija priznaje pogodak i opominje igrača zbog nesportskog ponašanja.

131. Igrač namjerno igra loptu rukom pokušavajući spriječiti da ona dođe do igrača protivničke ekipe. Iako je loptu dodirnuo, ne spriječi igrača protivničke ekipe da dođe do nje. Odluka sudije?

Sudija dozvoljava prednost i pušta da se igra nastavi.

132. Igrača napadne protivnički igrač na preoštar način u trenutku kada nije imao loptu u igrajućem prostoru. Odluka sudije?

Sudija zaustavlja igru, dosuđuje direktni slobodan udarac ili kazneni udarac, i opominje protivničkog igrača zbog preoštrog prekršaja.

133. Igrač zaustavi kretanje igrača protivničke ekipe fizičkim kontaktom - držanjem. Odluka sudije?

Sudija zaustavlja igru, dosuđuje direktni slobodan udarac zbog držanja igrača protivničke ekipe ili kazneni udarac. Ako sudija smatra da je igrač također kriv zbog zaustavljanja obećavajućeg napada ili onemogućavanja igrača protivničke ekipe u izglednoj šansi za postizanje pogotka, dodatno će disciplinski sankcionisati igrača.

134. Da li je dopušteno da sudija pokaže crveni karton zamjenskom igraču zbog nasilnog ponašanja, uvredljivih ili prostih izraza i/ili gesta, kako bi označio da mora napustiti tehnički prostor i njegovo okruženje, bez obzira na to je li ili nije sudjelovao u igri?

Da. Svi igrači, zamjenski igrači i zamijenjeni igrači su u nadležnosti sudije, bez obzira na to nalaze li se na terenu za igru ili ne. Pokazivanje crvenog kartona ima svrhu jasno naznačiti da se primjenjuje kazna isključenja.

135. Igrač nerazumno dugo namjerno leži na lopti. Odluka sudije?

Sudija zaustavlja igru, opominje igrača zbog nesportskog ponašanja i nastavlja igru indirektnim slobodnim udarcem s mesta prekršaja za protivničku ekipu (pod nerazumno dugo smatramo više od 6 sekundi).

136. Igrač koji se bori za loptu dođe u kontakt sa protivničkim vratarom koji se nalazi u vlastitom vratarevom prostoru. Odluka sudije?

Borba za loptu s vratarem je dozvoljena ako igrač to nije učinio na neoprezan način, preoštar način ili uz korištenje prekomjerne snage.

137. Da li je dozvoljeno da dva ili više igrača napadnu istovremeno na igrača protivničke ekipe?

Da, pod uvjetom da to rade na dozvoljen način.

138. Odbrambeni igrač drži napadača izvan kaznenog prostora, ali u naguravanju i dalnjem držanju završe u kaznenom prostoru. Odluka sudije?

Sudija će zaustaviti igru i dosuditi kazneni udarac. Također, odbrambeni igrač može biti disciplinski sankcionisan, sukladno PNI.

139. Igrač igra na opasan način i diže svoju nogu u trenutku kada protivnički igrač glavom nastoji udariti loptu. U tom trenutku dođe do kontakta s glavom igrača protivničke ekipe. Odluka sudije?

Sudija zaustavlja igru i dosuđuje direktni slobodan udarac ili kazneni udarac za protivničku ekipu, s mjesta prekršaja. Ako sudija smatra da je igrač prekršaj učinio na preoštar način ili uz korištenje prekomjerne snage, dodatno će disciplinski sankcionisati igrača.

140. Napadač je u ofsajd položaju i aktivno se uključio u igru. Pomoćni sudija podiže svoju zastavicu kako bi označio kažnjivi ofsajd položaj. Sudija ne vidi znak, a odbrambeni igrač neopreznim prekršajem zaustavi igrača protivničke ekipe u izglednoj šansi za postizanje pogotka izvan kaznenog prostora. Sudija zaustavlja igru i tek tada ugleda znak pomoćnog sudije. Odluka sudije?

Ako sudija, nakon što je zaustavio igru:

- prihvati odluku pomoćnog sudije da se radilo o kažnjivom ofsajd položaju, igru nastavlja indirektnim slobodnim udarcem s mjesta gdje se napadač aktivno uključio u igru, u korist odbrambene ekipe.
- ne prihvati odluku pomoćnog sudije da se radilo o kažnjivom ofsajd položaju, igru nastavlja direktnim slobodnim udarcem s mjesta prekršaja nad napadačem. Sudija će odbrambenog igrača isključiti zbog onemogućavanja izgledne šanse za postizanje pogotka.

141. Napadač je u ofsajd položaju i aktivno se uključio u igru. Pomoćni sudija podiže svoju zastavicu kako bi označio kažnjivi ofsajd položaj. Sudija ne vidi znak, a odbrambeni igrač nasilno udari igrača protivničke ekipe. Sudija zaustavlja igru i tek tada ugleda znak pomoćnog sudije. Odluka sudije?

Ako sudija, nakon što je zaustavio igru:

- a) prihvati odluku pomoćnog sudije da se radilo o kažnjivom ofsjajd položaju, igru nastavlja indirektnim slobodnim udarcem u korist odbrambene ekipe sa mjesta gdje se napadač aktivno uključio u igru.
 - b) ne prihvati odluku pomoćnog sudije da se radilo o kažnjivom ofsjajd položaju, igru nastavlja direktnim slobodnim udarcem, za protivničku ekipu, s mjesta prekršaja nad napadačem.
- Sudija će u oba slučaja odbrambenog igrača isključiti zbog nasilnog nesportskog ponašanja.

142. Igrač zamoli sudiju da napusti teren za igru kako bi zamijenio kopačke. Dok je napuštao teren za igru, pored vrata protivničke ekipe, lopta se odbije prema njemu, a on je nogom udari u vrata. Odluka sudije?

Sudija neće priznati pogodak. Igrača će opomenuti zbog nesportskog ponašanja a igru nastavlja indirektnim slobodnim udarcem s mjesta na kojem je prekršaj počinjen, za protivničku ekipu.*

143. Pomoćni sudija označava da je igrač kriv zbog nasilnog nesportskog ponašanja. Sve se dogodilo iza leđa sudiji utakmice. Ekipa igrača koji je učinio prekršaj postigne pogodak, a sudija tek tada uoči znak pomoćnog sudije. Odluka sudije?

Sudija neće priznati pogodak. Igrača, koji je počinio prekršaj, isključuje iz igre zbog nasilnog nesportskog ponašanja, a igru nastavlja direktnim slobodnim udarcem s mjesta prekršaja ili kaznenim udarcem, za protivničku ekipu.

144. Nakon što je postignut pogodak sudija uoči znak svog pomoćnog sudije. Pomoćni sudija kaže sudiji da je prije nego što je lopta ušla u vrata, vratara ekipa koja je postigla pogodak nasilno udario igrača protivničke ekipe unutar svog kaznenog prostora. Odluka sudije?

Sudija neće priznati pogodak. Vratara će isključiti iz igre zbog nasilnog prekršaja, a igru nastavlja kaznenim udarcem u korist protivničke ekipe.

145. Igrač izvodi slobodan udarac izvan svog kaznenog prostora i tada ponovo namjerno dodirne loptu dlanom prije nego što je njome igrao neki drugi igrač. Odluka sudije?

Sudija zaustavlja igru i dosuđuje direktan slobodan udarac, ili kazneni udarac ako je prekršaj postignut unutar vlastitog kaznenog prostora, zbog

namjernog igranja rukom (kažnjava teži prekršaj). Ako sudija smatra da je igrač također kriv zbog zaustavljanja obećavajućeg napada ili onemogućavanja igrača protivničke ekipe u izglednoj šansi za postizanje pogotka, dodatno će disciplinski sankcionisati igrača.

146. U korist odbrambene ekipe dosuđuje se direktan slobodan udarac u njenom kaznenom prostoru. Igrač koji izvodi udarac doda direktno svom vrataru, koji promaši loptu i ona uđe u vrata. Odluka sudije?

Sudija će dosuditi ponovno izvođenje direktnog slobodnog udarca za odbrambenu ekipu, budući da lopta nije u igri sve dok cijela ne napusti granice kaznenog prostora, u teren za igru.

147. Kada protivnički igrači mogu ući u kazneni prostor prilikom izvođenja udarca s vrata ili slobodnog udarca iz kaznenog prostora igrača koji izvodi udarac?

Kada cijela lopta izađe izvan kaznenog prostora u teren za igru.

148. Može li se slobodan udarac izvesti podizanjem lopte stopalom ili istovremeno s oba stopala?

Može. Lopta je u igri kada je udarena i pokrenuta.

149. Mogu li igrači koristiti taktkike zavaravanja igrača protivničke ekipe prilikom izvođenja slobodnog udarca dosuđenog u korist njihove ekipe?

Da. To je dopušteno.

150. Dosuđuje se indirektan slobodan udarac u korist igrača napadačke ekipe, izvan protivničkog kaznenog prostora. Sudija ne podigne ruku kako bi označio da se radi o indirektnom slobodnom udarcu, a igrač izvede udarac direktno u protivnička vrata. Odluka sudije?

Sudija neće priznati pogodak zbog svoje greške, a igra se nastavlja ponovnim izvođenjem indirektnog slobodnog udarca uz propisan znak podizanjem ruke

151. Igrač brzo izvede slobodan udarac i lopta uđe u vrata. Sudija nije imao vremena označiti da se radilo o indirektnom slobodnom udarcu. Odluka sudije?

Sudija neće priznati pogodak, već će zatražiti ponovno izvođenje

indirektnog slobodnog udarca uz propisan znak podizanjem ruke.

152. Dok je lopta bila udaljena 2 metra od napadača, koji se nalazio u izglednoj šansi za postizanje pogotka u protivničkom kaznenom prostoru, na njega nasrne vratar na preoštar način. Odluka sudije?

Sudija će dosuditi kazneni udarac i isključiti vratara zbog sprečavanja napadača u izglednoj šansi za postizanje pogotka.

153. Povrijeđeni igrač, nakon doktorskog tretmana, vrti se u teren za igru bez dozvole sudije i igra loptom ispred igrača protivničke ekipe koji je bio sam u naletu prema protivničkim vratima, dok je ispred sebe imao samo vratara. Odluka sudije?

Sudija će zaustaviti igru, isključiti igrača zbog sprečavanja napadača u izglednoj prilici za postizanje pogotka. Igra se nastavlja direktnim slobodnim udarcem sa mjesta gdje je igrač igrao loptom.

154. Igrač na središnjoj liniji terena očigledno i namjerno igra loptu rukom i time je omeo protivničkog igrača u sticanju posjeda lopte. Odluka sudije?

Sudija će zaustaviti igru i dosuditi direktan slobodan udarac za protivničku ekipu. Igrač će biti opomenut samo ako je po mišljenju sudije zaustavio obećavajući napad protivničke ekipe.

155. Napadač koji kontrolira loptu napusti teren za igru preko poprečne linije udaljen 10 metara od protivničkih vrata, kao sastavni dio igre, kako bi zaobišao protivničkog odbrambenog igrača i nastavio igrati loptom. Odbrambeni igrač starta na njega izvan terena za igru na preoštar način. Odluka sudije?

Sudija će dosuditi kazneni udarac za napadačku ekipu i opomenuti odbrambenog igrača.

156. Odbrambeni igrač i protivnički igrač u borbi za loptu završe iza poprečne linije terena za igru (na polovici terena za igru koji pripada odbrambenoj ekipi), kao sastavni dio igre, u trenutku kada je i cijela lopta udarena nogom odbrambenog igrača, prešla poprečnu liniju. Odbrambeni igrač, u nastavku, starta na igrača protivničke ekipe izvan terena za igru na preoštar način. Odluka sudije?

Sudija zaustavlja igru i opominje odbrambenog igrača. Igra se nastavlja udarcem iz ugla za protivničku ekipu.

157. Igrač koji je već ranije bio opomenut, ponovo učini prekršaj koji se kažnjava opomenom, ali sudija dozvoli da se igra nastavi kako bi omogućio prednost protivničkoj ekipi. Nekoliko trenutaka kasnije, igrač koji je trebao biti isključen, zbog druge opomene, osvoji loptu i krene u kontra napad.

Odluka sudije?

Sudija će trenutačno zaustaviti igru i isključiti igrača zbog druge opomene. Igra se nastavlja indirektnim slobodnim udarcem s mesta gdje je igrač koji je trebao biti isključen igrao loptom.

158. Dok je lopta u igri, vratar u vlastitom kaznenom prostoru nasilnički nasrne na saigrača. Odluka sudije?

Sudija će zaustaviti igru, isključiti vratara i dosuditi kazneni udarac za protivničku ekipu.

159. Kada sudija mora opomenuti igrača zbog proslave postignutog pogotka?

Igrač mora biti opomenut zbog:

- penjanja na zaštitnu ogradu,
- gestikuliranja na provokativan, podrugljiv i potpaljiv način
- pokrivanja glave ili lica maskom ili drugim sličnim predmetima
- skidanja dresa ili pokrivanja glave dresom

160. Nezadovoljan odlukom sudije, dok je igra u toku unutar kaznenog prostora, igrač ga pljune. Odluka sudije?

Sudija će zaustaviti igru, isključiti igrača i dosuditi direktni sloboden udarac za protivničku ekipu s mesta gdje je sudija „pogođen“ (kazneni udarac za protivničku ekipu ako se to dogodilo u vlastitom kaznenom prostoru).

161. Nezadovoljan odlukom sudije, dok je igra u toku unutar kaznenog prostora,

a) igrač verbalno napadne sudiju (psovanje);

b) trener verbalno napadne sudiju (psovanje) stojeci na ivici tehničkog prostora;

c) trener verbalno napadne sudiju (psovanje) utrčavši u teren za igru.

Odluka sudije i mjesto nastavka?

a) Sudija će zaustaviti igru, isključiti igrača, igru nastaviti indirektnim slobodnim udarcem za protivničku ekipu s mesta gdje se prekršaj dogodio (gdje se igrač nesportski ponašao).

b) Sudija će zaustaviti igru, udaljiti trenera iz ograđenog dijela terena za igru i njegovog okruženja i igru nastaviti spuštanjem lopte s mesta gdje se lopta nalazila u trenutku kada je igra zaustavljena.

c) Ako sudija smatra da trener, utrčavanjem u teren za igru, ometa igru, sudija će zaustaviti igru, udaljiti trenera iz ograđenog dijela terena za igru i njegovog okruženja. Igra se nastavlja direktnim slobodnim udarcem, za protivničku ekipu, s mesta gdje se prekršaj dogodio (gdje se trener nesportski ponašao) ili kaznenim udarcem za protivničku ekipu ako se prekršaj (utrčavanje u teren i ometanje igre) dogodio unutar kaznenog prostora koji pripada njegovoj ekipi.

162. Za vrijeme trajanja igre dva igrača iste ekipe međusobno se:

- a) nepristojno i grubo vrijeđaju**
- b) potuku.**

Odluka sudije?

Kada se to dogodi u terenu za igru :

- a) isključenje oba igrača i indirektan slobodan udarac za protivničku ekipu s mesta gdje se prekršaj dogodio (gdje su se igrači nesportski ponašali).
- b) isključenje oba igrača i direktan slobodan udarac za protivničku ekipu s mesta gdje se prekršaj dogodio (kazneni udarac ako se to dogodilo u vlastitom kazrenom prostoru igrača koji su se potukli).

Kada igrači napuste teren za igru i to se dogođa izvan terena za igru :

- a) isključenje oba igrača i indirektan slobodan udarac za protivničku ekipu s mesta gdje se lopta nalazila u trenutku kada je igra zaustavljena.
- b) isključenje oba igrača i indirektan slobodan udarac za protivničku ekipu s mesta gdje se lopta nalazila u trenutku kada je igra zaustavljena.

Ako su se zatekli izvan terena za igru (npr. zbog ukazivanja pomoći i tada počinili navedene kažnjive radnje, oba igrača isključujemo a igra se nastavlja spuštanjem lopte s mesta gdje se lopta nalazila u trenutku kada je igra zaustavljena.

163. Dok je igra u toku, trener, da bi spriječio brzi kontra napad protivničke ekipe:

- a) stojeći na ivici tehničkog prostora baci loptu na protivničkog igrača**
- b) stojeći na ivici tehničkog prostora baci loptu/bočicu i pogodi loptu (ometu igru)**
- c) utrči u teren i udari loptu (ometu igru)**

d) utrči u teren i uhvati rukama protivničkog igrača.

Odluka sudije?

a) Dozvoliti prednost ako je moguće. Ako je zbog toga igra zaustavljena, sudija će odstraniti trenera, a igru nastaviti direktnim slobodnim udarcem za protivničku ekipu sa mjesta gdje je igrač pogoden ili gdje bi mogao biti pogoden.

b) Dozvoliti prednost ako je moguće. Ako je zbog toga igra zaustavljena, sudija će odstraniti trenera, a igru nastaviti sa mjesta gdje se ometanje dogodilo.

c) Zaustaviti igru, odstraniti trenera, a igru nastaviti direktnim slobodnim udarcem za protivničku ekipu sa mjesta gdje se ometanje dogodilo.

d) Zaustaviti igru, odstraniti trenera, a igru nastaviti direktnim slobodnim udarcem za protivničku ekipu sa mjesta gdje se ometanje dogodilo.

U sva četiri slučaja dosuđuje se kazneni udarac za protivničku ekipu ako su se prekršaji ili ometanje dogodili u kaznenom prostoru.

164. Odbrambeni igrač učini prekršaj unutar vlastitog kaznenog prostora, u situaciji kada je pokušao igrati loptom ili je oduzeti protivniku koji se nalazio u izglednoj prilici za postizanje pogotka. Odluka sudije?

Igru zaustaviti, i dosuditi kazneni udarac za protivničku ekipu. Odbrambenog igrača opomenuti samo ako intenzitet prekršaja zahtjeva disciplinsku mjeru.

165. Odbrambeni igrač učini neoprezan prekršaj nad protivnikom unutar kaznenog prostora, u izglednoj situaciji za postizanje pogotka, kada nije postojala namjera igranja loptom (npr.držanje, guranje, povlačenje). Odluka sudije?

Sudija zaustavlja igru i isključuje odbrambenog igrača zbog prekršaja nad protivničkim igračem, u izglednoj situaciji za postizanje pogotka. Igru nastavlja kaznenim udarcem za protivničku ekipu.

166. Odbrambeni igrač učini neoprezan prekršaj nad protivničkim igračem unutar vlastitog kaznenog prostora, u izglednoj prilici za postizanje pogotka, kada nije postojala namjera igranja loptom (npr.držanje, guranje, povlačenje). Odluka sudije?

Sudija zaustavlja igru i opominje odbrambenog igrača zbog prekršaja nad protivničkim igračem, u izglednoj prilici za postizanje pogotka. Igru nastavlja kaznenim udarcem za protivničku ekipu.

167. Odbrambeni igrač učini neoprezan prekršaj nad protivničkim igračem unutar vlastitog kaznenog prostora, u izglednoj prilici za postizanje pogotka, kada je postojala namjera odbrambenog igrača da igra loptom. Odluka sudije?

Sudija zaustavlja igru i opominje odbrambenog igrača zbog prekršaja nad protivničkim igračem, u izglednoj prilici za postizanje pogotka, u situaciji kada je odbrambeni igrač pokušao igrati loptom. Igru nastavlja kaznenim udarcem za protivničku ekipu.

168. Napadač gurne loptu pored odbrambenog protivničkog igrača koji se nalazio ispred njega, te istrči s terena za igru kako bi ga zaobišao i nastavio igrati loptom. Protivnički odbrambeni igrač ga uhvati rukama, iza uzdužne linije, kako bi ga spriječio u trčanju. Odluka sudije?

Sudija zaustavlja igru i opominje protivničkog odbrambenog igrača zbog nesportskog prekršaja. Igra se nastavlja direktnim slobodnim udarcem na uzdužnoj liniji, na mjestu najbližem prekršaju, u korist napadačke ekipe.

169. Nakon uspješne odbrane vratar izbaci loptu u teren, a zatim rukom udari protivničkog napadača, koji se tokom napada odsklizao preko poprečne linije izvan terena za igru. Vratar nije napustio igralište. Odluka sudije?

Igru zaustaviti, ovisno o težini prekršaja, vrataru izreći disciplinsku mjeru (isključenje ako ga je udario upotrebljavajući prekomjernu silu, opomena ako ga je udario zanemarivo malom snagom), a igru nastavlja direktnim slobodnim udarcem za protivničku ekipu sa granične linije koja je najbliža mjestu prekršaja, odnosno kaznenim udarcem ako se prekršaj dogodio u dijelu koji označava kazneni prostor.

170. Nakon dozvoljenog skoka na loptu, u borbi sa protivničkim vratarom, napadač i vratar završe u vratima iza poprečne linije, kao sastavni dio igre. Vratar tada udari napadača zanemarivo malom snagom. Odluka sudije?

Ako je lopta u igri, sudija će zaustaviti igru, opomenuti vratara i dosuditi kazneni udarac za napadačku ekipu.

Ako je igra bila zaustavljena, sudija će opomenuti vratara, a igru nastaviti zbog čega je bila zaustavljena.

171. Nakon što je sudija dosudio slobodan udarac za jednu od ekipa, igrač odluči brzo izvesti slobodan udarac. Protivnički igrač, koji se nalazi bliže od 9,15 m od lopte, presretne odigranu loptu. Odluka sudije?

Sudija dozvoljava da se igra nastavi.

172. Nakon što je sudija dosudio slobodan udarac za jednu od ekipa, igrač odluči brzo izvesti slobodan udarac. Protivnički igrač, koji se nalazi u blizini lopte namjerno ga sprječeći u izvođenju udarca. Kakvu mjeru poduzima sudija?

Sudija zaustavlja igru i opominje protivničkog igrača zbog sprječavanja izvođenja slobodnog udarca. Igru nastavlja ponovnim izvođenjem slobodnog udarca u korist iste ekipe koja je prvobitno izvela udarac.



IFAB®

Pravilo



Kazneni udarci

Kazneni udarac će se dosuditi ako igrač unutar svog kaznenog prostora napravi prekršaj za koji se dosuđuje direktni slobodan udarac ili ako napravi prekršaj izvan terena za igru kao dio opisan u Pravilima 12 i 13.

Pogodak se može postići direktno iz kaznenog udarca.

1. Procedura

Lopta mora mirovati na tački za kazneni udarac.

Igrač koji izvodi kazneni udarac mora biti jasno identifikovan.

Vratar braneće ekipe mora biti na liniji u vratima, licem prema izvođaču, između stubova vrata sve dok lopta ne bude udarena.

Svi ostali igrači osim izvođača i vratara koji brani udarac moraju biti:

- najmanje 9,15 metara (10 jardi) od tačke za izvođenje kaznenog udarca
- iza tačke za kazneni udarac
- unutar terena za igru
- izvan kaznenog prostora

Kada su igrači zauzeli svoje pozicije u skladu sa ovim Pravilom, sudija daje znak za izvođenje kaznenog udarca.

Izvođač kaznenog udarca loptu mora udariti naprijed; udarac petom je dozvoljen pod uslovom da je lopta udarena naprijed.

Lopta je u igri kada se udari i jasno pomjeri.

Izvođač ne smije igrati loptom ponovo sve dok je ne dodirne drugi igrač.

Kazneni udarac je kompletiran kada lopta prestane sa kretanjem, izđe iz igre ili sudija zaustavi igru zbog nekog prekršaja pravila igre.

Na kraju svakog poluvremena ili produžetka, dopušta se dodatno vrijeme kako bi kazneni udarac mogao biti izveden i dovršen. U tom slučaju, kazneni udarac je dovršen kada se lopta nakon izvođenja zaustavi, izđe iz igre, njom igra bilo koji drugi igrač (uključujući izvođača) ovim vratara ekipe koja se brani, ili sudija zaustavi igru zbog prekršaja izvođača ili njegove ekipe. Ako prekršaj učini igrač ekipe koja se brani (uključujući vratara), a kazneni udarac bude promašen/odbranjen, kazneni udarac se ponavlja.

2. Prekršaji i kazne

Kada sudija da znak da se kazneni udarac izvede, kazneni udarac mora biti izveden. Ako se, prije nego lopta bude u igri, dogodi jedan od sljedećih prekršaja:

- Igrač koji izvodi kazneni udarac ili njegov saigrač učine prekršaj pravila igre:
 - ako lopta uđe u vrata, udarac se ponavlja
 - ako lopta ne uđe u vrata, sudija zaustavlja igru i utakmicu nastavlja indirektnim slobodnim udarcem
- U sljedećim situacijama će sudija igru zaustaviti i nastaviti je indirektnim slobodnim udarcem bez obzira da li je pogodak postignut ili ne:
 - kazneni udarac je izveden unazad
 - saigrač identifikovanog izvođača izvodi udarac; sudija također saigrača identifikovanog izvođača koji je izveo udarac kažnjava žutim kartonom
 - nedozvoljeno fintiranje nakon završenog zeljetanja prema lopti (fintiranje u toku zaletanja prema lopti je dozvoljeno); sudija takođe izvođača kažnjava žutim kartonom
- Vratar ili njegov saigrač učine prekršaj pravila igre:
 - ako lopta uđe u vrata, pogodak se prizna
 - ako lopta ne uđe u vrata, udarac se ponavlja; vratar dobija žuti karton ako snosi odgovornost za prekršaj

- Igrači obje ekipe prekrše Pravila nogometne igre kazneni udarac se ponavlja osim ako igrac učini ozbiljan prekršaj (npr. nedozvoljeno fintiranje); ako vratar i izvođač istovremeno učine prekršaj
 - ako je kazneni udarac promašen ili odbranjen, udarac se ponavlja, a oba igrača moraju biti opomenuta (žuti karton)
 - ako je kazneni udarac realizovan, pogodak se poništava, izvođač mora biti opomenut, a igra se nastavlja indirektnim slobodnim udarcem za odbrambenu ekipu

Ako, nakon izvedenog kaznenog udarca:

- izvođač dodirne loptu prije nego što ju je dodirnuo drugi igrač:
 - dosuđuje se indirektan slobodan udarac (ili direktni slobodan udarac u slučaju namjernog igranja rukom)
- loptu dodirne strano tijelo na njenom putu prema vratima:
 - kazneni udarac se ponavlja osim ako lopta ide u vrata, a ometanje ne onemogućava vratara ili odbrambenog igrača da odigraju loptom. U tom slučaju pogodak se priznaje ako uđe u vrata (čak ako je i bilo kontakta sa loptom), osim ako lopta uđe u protivnička vrata.
- Lopta se odbije u teren za igru od vratara, prečke ili stative i dodirne je strano tijelo:
 - sudija zaustavlja igru
 - nastavak je supuštanje lopte na mjestu gdje ju je dodirnulo strano tijelo.

3. Zbirna tabela

Ishodi izvođenja kaznenog udarca		
	Pogodak	Nema pogodka
Prekršaj napadača	Ponavlja se udarac	Indirektan slobodni udarac
Prekršaj odbrambenog igrača	Pogodak	Ponavljanje udarca
Prekršaj vratara	Pogodak	Ponavljanje udarca + ŽK vrataru
Lopta udarena unazad	Indirektan slobodni udarac	Indirektan slobodni udarac
Nedozvoljeno fintiranje	Indirektan slobodni udarac + ŽK izvođaču	Indirektan slobodni udarac + ŽK izvođaču
Pogrešan izvođač	Indirektan slobodni udarac + ŽK pogrešnom izvođaču	Indirektan slobodni udarac + ŽK pogrešnom izvođaču
Prekršaj vratara i izvođača u isto vrijeme	Indirektan slobodni udarac + ŽK izvođaču	Ponavljanje kaznenog udarca opomena i vrataru i izvođaču

IFAB®



Pravilo 14

pitanja i odgovori

1. Gdje moraju stajati igrači kod izvođenja kaznenog udarca?

Svi igrači, osim tačno utvrđenog izvođača i protivničkog vratara, moraju biti unutar terena za igru, ali izvan kaznenog prostora i udaljeni najmanje 9,15 m od tačke za izvođenje kaznenog udarca i iza zamišljene linije 11 metara paralelne sa poprečnom linijom.

2. Izvodi se kazneni udarac u produženom vremenu. Lopta najprije pogodi prečku zatim vratara pa stub vrata i onda se odbije u vrata. Odluka sudije?

Pogodak priznati i označiti kraj poluvremena, utakmice ili produžetka utakmice.

3. Izvodi se kazneni udarac. Nakon pravilno izvedenog kaznenog udarca na loptu koja je upućena u vrata natrči zamjenski igrač obrambene ekipe, dotakne loptu, ali ona ipak uđe u vrata. Odluka sudije?

Sudija će priznati pogodak, opomenuti zamjenskog igrača i udaljiti ga s terena za igru.

4. Izvodi se kazneni udarac. Lopta pogodi prečku i odbije se u teren za igru. Tada na nju naleti zamjenski igrač obrambene ekipe, bez dozvole sudije, i ometa igru na način da igra loptom ispred protivničkog napadača. Odluka sudije?

Igru zaustaviti, opomenuti zamjenskog igrača i udaljiti ga s terena za igru, a igru nastaviti direktnim slobodnim udarcem za ekipu izvođača kaznenog udarca s mjesta gdje je zamjenski igrač igrao loptom ili kaznenim udarcem ako se to dogodilo u kaznenom prostoru.

5. Izvodi se kazneni udarac. Sudija nakon znaka za izvođenje primijeti da se vratar pomiče stopalima po poprečnoj liniji, ali pogodak bude postignut. Odluka sudije?

Pogodak priznati.

6. Izvodi se kazneni udarac. Sudija nakon znaka za izvođenje primijeti da se vratar pomiče stopalima po poprečnoj liniji, te odbrani udarac i izbaci loptu preko vrata. Odluka sudije?

Udarac iz ugla.

7. Izvodi se kazneni udarac. Sudija primijeti da je nakon njegovog znaka, a prije pravilno izvedenog udarca, odbrambeni igrač prerano utrčao u kazneni prostor, a potom vratar odbrani loše izvedeni kazneni udarac. Odluka sudsije?

Igru zaustaviti i ponoviti kazneni udarac.

8. Izvodi se kazneni udarac. Saigrač izvođača prerano utrči u kazneni prostor, a pogodak je postignut. Odluka sudsije?

Ponavljanje kaznenog udarca.

9. Izvodi se kazneni udarac u produženom vremenu. Udarena lopta odbije se od prečku u teren za igru gdje na nju dotrči i dodirne je strano tijelo. Odluka sudsije?

Sudija će označiti kraj poluvremena, utakmice ili produžetka utakmice.

10. Izvodi se kazneni udarac. Prije pravilno izvedenog udarca, vratar pomakne stopala po poprečnoj crti, a saigrač izvođača prerano utrči u kazneni prostor. Vratar odbrani udarac i prebaci loptu preko vrata. Odluka sudsije?

Igru nastaviti indirektnim slobodnim udarcem za odbrambenu ekipu na mjestu gdje je saigrač izvođača učinio prekršaj.

11. Izvodi se kazneni udarac u produženom vremenu. Lopta se odbije od prečku u teren za igru, a na nju naleti zamjenski igrač i dodirne je. Odluka sudsije?

Sudija će označiti kraj poluvremena, utakmice ili produžetka utakmice te opomenuti zamjenskog igrača.

12. Izvodi se kazneni udarac u produženom vremenu. Saigrač izvođača prerano utrči u kazneni prostor. Vratar odbrani udarac i odbije loptu u teren za igru. Odluka sudsije?

Sudija će označiti kraj poluvremena, utakmice ili produžetka utakmice.

13. Izvodi se kazneni udarac u produžetku utakmice, a prije nego što je lopta bila u igri, saigrač igrača izvođača prerano utrči u kazneni prostor, a lopta uđe u vrata. Odluka sudsije?

Igru zaustaviti i ponoviti kazneni udarac.

14. Izvodi se kazneni udarac u produženom vremenu, a prije nego što je lopta bila u igri, saigrač izvođača i odbrambeni igrač prerano utrče u kazneni prostor, a vratar odbrani udarac. Odluka sudije?

Igru zaustaviti i ponoviti kazneni udarac.

15. Sudija dosuđuje da se kazneni udarac ponovo izvede zbog toga što se vratar pomaknuo prema naprijed sa svoje poprečne linije. Može li saigrač izvođača izvesti ponovljeni kazneni udarac?

Sudija će opomenuti vratara i dozvoliti da drugi izvođač ponovo izvede kazneni udarac.

16. Kada se izvodi kazneni udarac, vratar se s poprečne linije pomakne prema naprijed, prije nego što je lopta udarena nogom, te istu, nakon što je udarac izведен, presretne ispred poprečne linije. Odluka sudije?

Sudija će zaustaviti igru, opomenuti vratara i ponoviti izvođenje kaznenog udarca.

17. Igrač izvede kazneni udarac prije nego što mu sudija da znak. Odluka sudije?

Sudija ponavlja izvođenje kaznenog udarca.

18. Kada se izvodi kazneni udarac i nakon što sudija da potrebni znak, saigrač igrača određenog za izvođenje udarca odjednom krene prema naprijed i izvede udarac. Odluka sudije?

Sudija će zaustaviti igru, saigrača će opomenuti zbog nesportskog ponašanja, a igra se nastavlja indirektnim slobodnim udarcem za odbrambenu ekipu s mesta gdje se prekršaj dogodio, odnosno gdje je saigrač bio bliži od 9,15 m.

19. Kada se izvodi kazneni udarac, lopta okrzne stub vrata i/ili prečku, te pukne. Odluka sudije?

Ako lopta uđe direktno u vrata nakon što je pogodila stub vrata ili prečku, pogodak se priznaje.

Ako se lopta odbije u teren za igru, sudija će igru zaustaviti, zatražiti zamjenu neispravne lopte i igru nastaviti spuštanjem lopte.*

Ako se ova druga mogućnost dogodi za vrijeme dodatnog vremena, igra se završava.

20. Nakon što je dosuđena nadoknada vremena kako bi se izveo ili ponovno izveo kazneni udarac po završetku prvog poluvremena ili na kraju regularnog vremena igre ili tokom izvođenja jedanaesteraca, lopta pukne prije nego dodirne stubove vrata, prečku ili vratara, a ne prijeđe poprečnu liniju. Odluka sudije?

Kazneni udarac se mora ponoviti s novom loptom.

21. Sudija označi izvođenje kaznenog udarca. Saigrač izvođača tada nasilno udari igrača protivničke ekipe izvan kaznenog prostora. Sudija uoči prekršaj. Odluka sudije?

Sudija dozvoljava izvođenje udarca. Ako lopta uđe u vrata, udarac se ponavlja. Ako lopta ne uđe u vrata, sudija zaustavlja igru i nastavlja je indirektnim slobodnim udarcem u korist odbrambene ekipe na mjestu na kojem je prekršaj učinjen. Sudija će u oba slučaja isključiti saigrača izvođača zbog nasilnog nesportskog ponašanja.

22. Igrač koji izvodi kazneni udarac unazad petom proslijedi loptu saigraču koji loptu nogom uputi u vrata. Odluka sudije?

Sudija će zaustaviti igru i nastaviti igru indirektnim slobodnim udarcem za odbrambenu ekipu s oznake za izvođenje kaznenog udarca. To se smatra prekršajem postupka Pravila 14.

23. Igrač koji izvodi kazneni udarac odigra loptu prema naprijed kako bi njegov saigrač dotrčao do nje i postigao pogodak. Da li je to dopušteno?

Da, pod uslovom da je ispoštovan postupak ispravnog izvođenja kaznenog udarca.

24. Odbrambeni igrač koji stoji unutar svog kaznenog prostora nasilno nasrne na igrača protivničke ekipe dok je lopta u igri u protivničkom kaznenom prostoru. Odluka sudije?

Sudija će zaustaviti igru, dosuditi kazneni udarac za igrača protivničke ekipe, a odbrambenog igrača isključiti iz igre zbog nasilnog nesportskog ponašanja.

25. Na terenu za igru koji je natopljen vodom, igrač radi izvođenja kaznenog udarca, postavlja loptu pored oznake za izvođenje kaznenog udarca. Da li je to dopušteno?

Ne.

26. Utakmica se produžava kako bi se omogućilo izvođenje kaznenog udarca. Može li se vratar zamijeniti prije izvođenja udarca?

Da. Može ga zamijeniti bilo koji drugi igrač na terenu s pravom nastupa ili zamjenski igrač, pod uslovom da nije izvršen dopušteni broj zamjena.

27. Igrač koji izvodi kazneni udarac koristi varku pri udarcu nakon što je dovršio zalet. Odluka sudije?

Sudija će, bez obzira na ishod izvedenog udarca, zaustaviti igru, dosuditi indirektni slobodan udarac za protivničku ekipu sa tačke za izvođenje kaznenog udarca, zbog prekršaja iz Pravila 14, i opomenuti će izvođača.

28. U kojim situacijama, kod izvođenja kaznenog udarca, bez obzira na ishod udarca, sudija mora zaustaviti igru i nastaviti indirektnim slobodnim udarcem za protivničku ekipu?

- kada je kazneni udarac izведен unazad
- kada saigrač utvrđenog izvođača izvede kazneni udarac; tada sudija opominje suigrača koji je izveo kazneni udarac
- Kada izvođač koristi varku pri udarcu nakon što je dovršio zalet (korištenje varke pri zaletu je dopušteno); sudija opominje izvođača

29. Igrač izvodi kazneni udarac. Prije nego što je lopta bila u igri, igrač ekipe koja se brani i igrač ekipe koja napada prekrše PNI, na način da utrče u kazneni prostor. Izvođač je pri udarcu, nakon što je dovršio zalet, koristio varku. Odluka sudije?

Sudija će zaustaviti igru i dosuditi indirektni slobodan udarac s tačke za izvođenje kaznenog udarca, za odbrambenu ekipu. Sudija će opomenuti izvođača i kazniti ozbiljniji prekršaj.

30. Sudija označi početak izvođenja kaznenog udarca, i prije nego je lopta u igri, vratar prekrši PNI. Odluka sudsije?

- sudija će dozvoliti izvođenje kaznenog udarca
- ako lopta uđe u vrata, priznaje pogodak
- ako lopta ne uđe u vrata, ponavlja kazneni udarac i opominje vratara

31. Izvodi se kazneni udarac. Saigrač igrača koji izvodi kazneni udarac prerano utrči u kazneni prostor, a lopta se od prečku odbije do tog igrača koji postigne pogodak. Odluka sudsije?

Igru zaustaviti, pogodak ne priznati i dosuditi indirektan slobodan udarac za odbrambenu ekipu na mjestu gdje je suigrač počinio prekršaj, odnosno gdje je saigrač bio bliži od 9,15 m.

32. Igrač koji izvodi kazneni udarac koristi varku pri udarcu, nakon što je dovršio zalet. U isto vrijeme vratar prekrši PNI na način da se s poprečne linije prerano pomakne prema naprijed. Odluka sudsije?

Ukoliko i vratar i igrač koji izvodi kazneni udarac počine prekršaj sudsija će:

- ako lopta uđe u vrata, opomenuti izvođača i igru nastaviti indirektnim slobodnim udarcem u korist odbrambene ekipe, s tačke za izvođenje kaznenog udarca.
- ako lopta ne uđe u vrata, oba igrača opomenuti i ponoviti izvođenje kaznenog udarca.



IFAB®

Pravilo

15

Ubacivanje

Ubacivanje se dosuđuje protivničkoj ekipi u odnosu na igrača koji je posljednji dodirnuo loptu kada je cijela lopta prešla uzdužnu liniju bilo po zemlji ili u vazduhu.

Iz ubacivanja se ne može direktno postići pogodak:

- ako lopta uđe u protivnička vrata – dosuđuje se udarac sa vrata,
- ako lopta uđe u izvodačeva vrata – dosuđuje se udarac sa ugla.

1. Procedura

Izvođač u trenutku oslobođanja lopte mora:

- biti licem okrenut prema terenu,
- biti dijelom oba stopala bilo na uzdužnoj liniji bilo na zemlji sa strane uzdužne linije,
- ubaciti loptu sa obje ruke od pozadi i iznad glave sa mjesta gdje je napustila teren za igru.

Svi igrači moraju se nalaziti najmanje 2 metra (2 jarda) od mjesta gdje se vrši ubacivanje.

Lopta je u igri od trenutka kada uđe u teren za igru. Ako lopta dodirne tlo, prije nego što uđe na teren za igru, ubacivanje će se ponoviti od strane iste ekipе i sa istog mјesta. Ako ubacivanje nije izvedeno ispravno, ponovit će ga suparnička ekipa.

Ako igrač, dok ispravno vrši ubacivanje, namjerno baci loptu na protivnika da bi sa njom ponovo igrao, ali to ne radi na nepažljiv niti na bezobziran način, niti koristeći prekomjernu snagu, sudija će dozvoliti da se igra nastavi.

Poslije ubacivanja, izvođač ne smije ponovo da dodirne loptu dok je ne dodirne drugi igrač.

2. Prekršaji i kazne

Ako, pošto je lopta u igri, izvođač drugi put dodirne loptu prije nego što je loptu dotakao drugi igrač, dosudit će se indirektni slobodan udarac; a ako namjerno igra loptu rukom:

- dosudit će direktni slobodan udarac
- dosudit će se kazneni udarac ako je prekršaj učinjen u kaznenom prostoru izvođača, osim ako je rukom igrao vratar braneće ekipe. Tada se dosuđuje indirektni slobodan udarac.

Protivnik koji na nesportski način ometa ili sprječava izvođača da izvrši ubacivanje (uključujući približavanje mjestu izvođenja manje od 2 metra/jarda) dodjeljuje se opomena (žuti karton) zbog nesportskog ponašanja te ako je ubacivanje izvedeno, dosuđuje se indirektni slobodan udarac.

Za sve ostale prekršaje ovog Pravila ubacivanje izvodi igrač protivničke ekipe.

IFAB®



Pravilo 15

pitanja i odgovori

1. Iz ubacivanja igrač ubaci loptu direktno u vlastita vrata. Odluka sudije?

Udarac iz ugla za protivničku ekipu.

2. Iz izbacivanja igrač ubaci loptu direktno u suparnička vrata? Odluka sudija?

Udarac sa vrata za protivničku ekipu.

3. Igrač vrši ubacivanje tako da je licem okrenut prema gledalištu i ubaci loptu u igru. Odluka sudije?

Sudija će dosuditi ubacivanje za protivničku ekipu.

4. Igrač ubaci loptu držeći je sa obje ruke, ali ipak jednom rukom usmjerava loptu. Odluka sudije?

Sudija će dosuditi ubacivanje za protivničku ekipu.

5. Igrač pravilno ubaci loptu u igru, a zatim potrči i njome igra tako da je upućena u protivnička vrata, a da prethodno niko drugi nije dotakao loptu i ona uđe u vrata. Odluka sudije?

Igru zaustaviti i dosuditi indirektan sloboden udarac za protivničku ekipu sa mjesta gdje je igrač drugi put igao loptom.

6. Igrač vrši ubacivanje tri metra dalje od mjesa gdje je lopta napustila teren za igru preko uzdužne linije. Odluka sudije?

Igru zaustaviti i dosuditi ubacivanje za protivničku ekipu.

7. Igrač vrši pravilno ubacivanje, ali tako da je udaljen dva metra od uzdužne linije. Odluka sudije?

Ako je lopta napustil teren za igru na tom mjestu sudije će dozvoliti da igrač izvrši ubacivanje.

8. Igrač vrši pravilno ubacivanje, ali tako da iskoristi povišeno mjesto koje je izvan terena za igru, ali ne dalje od jednog metra od uzdužne linije. Odluka sudije?

Ponoviti ubacivanje uz upozorenje igraču koji vrši ubacivanje da se ubacivanje mora izvesti samo sa nivoa igrališta.

9. Ubacivanje vrši odbrambeni igrač. On snažno baci loptu u vlastiti kazneni

prostor u želji da je uhvati njegov vratar. Međutim, lopta pogodi sudiju i pređe preko poprečne linije pokraj vrata izvan terena za igru. Odluka sudske?

Dosuditi udarac iz ugla za protivničku ekipu.

10. Prilikom pravilno izvedenog ubacivanja lopta udari u sudiju, koji стоји unutar terena za igru, i ponovo izađe preko uzdužne linije izvan terena za igru. Odluka sudske?

Sudija dosuđuje ubacivanje za protivničku ekipu.

11. Gdje mora stajati protivnički igrač kod ubacivanja?

Svi protivnički igrači moraju stajati najmanje 2 metra udaljeni od mesta sa kojeg se izvodi ubacivanje, u terenu za igru.

12. Igrač odgovara za izvođenjem ubacivanja. Odluka sudske?

Igrača opomenuti (žuti karton) zbog odgovra na nastavku igre. Igra se nastavlja ubacivanjem u korist ekipe istog igrača.

13. Može li igrač stajati ipred protivničkog igrača koji vrši ubacivanje?

Da, pod uslovom da se nalazi najmanje 2 metra od mesta ubacivanja u terenu za igru.

14. Lopta je van igre, izvan uzdužne linije, ali prije nego što igrač izvrši ubacivanje namjerno udari igrača protivničke ekipe. Odluka sudske?

Sudija isključuje (crveni karton) igrača sa terena za igru zbog drskog, nesportskog ponašanja i igru nastavlja ubacivanjem za istu ekipu.

15. Igrač izvodi ubacivanje. Lopta ne uđe u teren za igru, već ostane izvan uzdužne linije. Odluka sudske?

Ubacivanje se ponavlja u korist iste ekipe.

16. Igrač, ispravno izvodeći ubacivanje, namjerno baci loptu prema glavi igrača protivničke ekipe. Odluka sudske?

Sudija će zaustaviti igru ako smatra da je igrač kriv zbog nesportskog ponašanja ili nasilnog nesportskog čina. Zavisno o prekršaju, opominje ili isključuje igrača. Igra se nastavlja direktnim slobodnim udarcem i korist protivničke ekipe sa mesta na kojem je prekršaj učinjen, tj. sa mesta na kojem je

lopta udarila igrača protivničke ekipe

17. Posotji li maksimalna udaljenost od uzdužne linije sa koje se može izvesti ubacivanje?

Ne. Ubacivanje se treba izvesti sa mjesta na kojem je cijela lopta, preko uzdužne linije, izašla sa terena za igru.

18. Igrač izvodi ubacivanje sa dijelom svog stopala na uzdužnoj liniji ili iza nje ili dijelom svog stopala unutar linije s vojim petama na uzdužnoj liniji, Je li to odpušteno?

Da, pod uslovom da dio oba stopala na uzdužnoj liniji ili iza nje i na tlu, u trenutku kada sipušta loptu iz ruku.

19. Nakon što je obavljeno neispravno ubacivanje, lopta ide direktno u smjernu igrača protivničke ekipe, koji igra loptom. Može li sudija dozvoliti da se igra nastavi?

Ne. Ubacivanje se ponavlja, a izvodi ga igrač protivničke ekipe.

20. Može li igrač izvesti ubacivanje klečići ili sjedeći?

Ne. Ubacivanje se može izvesti u skladu sa propisanim postupkom iz Pravila 15.

21. Igrač izvede ubacivanje. Baci loptu direktno svom vrataru koji dodirne loptu kako ne bi ušla u vrata. Međutim, lopta uđe u vrata. Odluka sudije?

Sudija će priznati pogodak.

22. Koji uslovi moraju biti zadovoljeni da bi ubacivanje bilo izvedeno u skladu s Pravilom 15?

U trenutku izbačaja lopte, izvođač mora:

- stajati na mjestu gdje je cijela lopta prešla uzdužnu liniju,
- biti licem okrenut prema terenu,
- biti dijelom oba stopala bilo na uzdužnoj liniji bilo na zemlji sa strane uzdužne linije,
- ubaciti loptu sa obje ruke od pozadi i iznad glave sa mesta gdje je napustila teren za igru.

23. U trenutku kada igrač ekipe koja napada pokuša brzo izvesti ubacivanje

prema saigraču, odbrambeni igrač ga pokuša omesti na način da mu pride na manje od 2 metra od mjesta ubacivanja. Odluka sudije?

Sudija će opomenuti odbrambenog igrača zbog nesportskog ponašanja. Ukoliko je ubacivanje izvedeno, dosuđuje se indirektan slobodan udarac, za napadačku ekipu, sa mjesta gdje je odbrambeni igrač počinio prekršaj.

24. Igrač namjerno izvede ubacivanje tako da lopta ne uđe u teren za igru. Odluka sudije?

Od sudije se traži da bude pažljiv u ovakvim situacijama i da procijeni čini li to igrač iz taktičkih razloga. Ako igrač namjerno pokušava trošiti vrijeme na ovakav način, sudija će ga opomenuti (žuti karton) zbog nesportskog ponašanja, ubacivanje ponoviti za istu ekipu i po potrebi nadoknaditi izgubljeno vrijeme. Igra se nastavlja ubacivanjem u korist iste ekipe



IFAB®

Pravilo

1
16

Ubacivanje sa vrata

Udarac sa vrata se dosuđuje kada cijela lopta koju je posljednji dodirnuo igrač napadajuće ekipe , pređe preko poprečne linije bilo po zemlji ili vazduhu, a da nije postignut pogodak.

Pogodak se može postići direktno iz udarca sa vrata, ali samo u protivnička vrata; ako lopta direktno uđe u vrata izvođača udarca sa vrata dosudit će se udarac iz ugla za protivničku ekipu ako je lopta napustil kazneni prostor.

1. Procedura

- Lopta mora mirovati i mora je udariti igrač ekipe koja se brani, sa bilo kojeg mjestu unutar vratarevog prostora
- Lopta je u igri kada napusti kazneni prostor
- Protivnički igrači moraju ostati van kaznenog prostora dok lopta ne uđe u igru

2. Prekršaji i kazne

Ako lopta ne napusti kazneni prostor ili je drugi igrač dodirne prije nego što napusti kazneni prostor, udarac se ponavlja.

Nakon što lopta uđe u igru, ako je izvođač dodirne prije nego što je dodirnula drugog igrača, dosudit će se indirektan slobodan udarac; ako izvođač namjerno igra rukom:

- dosudit će se direktan slobodan udarac
- dosudit će se kazneni udarac ako je prekršaj učinjen u izvođačevom kaznenom prostoru, osim ako je izvođač bio vratar. Tada će se dosuditi indirektan slobodan udarac.

Ako protivnički igrač koji se nalazi u kaznenom prostoru u trenutku izvođenja udarca sa vrata ili ulazi u kazneni prostor prije nego lopta bude u igri dodirne ili napadne loptu prije nego što lopta dodirne drugog igrača, udarac sa vrata mora biti ponovljen.

Ako igrač uđe u kazneni prostor prije nego što lopta uđe u igru, te pritom napravi ili pretrpi prekršaj, udarac sa vrata mora se ponoviti, a igrač koji je skrivio prekršaj može biti opomenut ili isključen, ovisno o napravljenom prekršaju.

Za svaki drugi prekršaj ovog Pravila, udarac sa vrata mora biti ponovljen.

IFAB®



Pravilo 16

pitanja i odgovori

1. Izvodi se udarac s vrata, ali lopta ne napusti granice kaznenog prostora nego nošena vjetrom uđe u vlastita vrata. Odluka sudije?

Udarac s vrata ponoviti.

2. Izvodi se udarac s vrata. Vratar izvede udarac tako da lopta napusti teren za igru preko poprečne linije, ali unutar vlastitog kaznenog prostora. Odluka sudije?

Ponoviti udarac s vrata.

3. Gdje moraju stajati protivnički igrači kod izvođenja udarca s vrata?

Izvan kaznenog prostora u terenu za igru.

4. Izведен je udarac s vrata tako da je lopta direktno upućena u protivnička vrata. Odluka sudije?

Priznati pogodak.

5. Izведен je udarac s vrata. Odmah nakon prijelaza lopte preko linije kaznenog prostora u teren za igru, igrač odbrane pljune na protivničkog igrača koji je zaostao u kaznenom prostoru. Odluka sudije?

Sudija će zaustaviti igru i isključiti igrača odbrane. Igra se nastavlja ponavljanjem udarca s vrata.

6. Udarac s vrata izvodi odbrambeni igrač. Lopta, nakon što je prešla liniju kaznenog prostora u teren za igru, odbije se od sudiju i ponovo se vraća u kazneni prostor. Igrač koji je izvodio udarac s vrata uhvati loptu rukama, ali lopta mu ispadne i uđe u vrata. Odluka sudije?

Sudija će dosuditi kazneni udarac za protivničku ekipu. Ako sudija smatra da je igrač također kriv zbog sprječavanja obećavajućeg napada ili zbog onemogućavanja igrača napadačke ekipe u izglednoj šansi za postizanje pogotka, dodatno će biti disciplinski kažnjen u skladu sa PNI.

7. Udarac s vrata izvodi vratar. Udarena lopta dodirne u ruku saigrača koji je stajao unutar kaznenog prostora, promijeni smjer i izađe izvan kaznenog prostora u teren za igru. Tu je dohvati protivnički igrač, koji je stajao cijelo to vrijeme izvan kaznenog prostora u terenu za igru te postiže pogodak. Odluka sudije?

Zaustaviti igru, pogodak ne priznati i dosuditi ponavljanje udarca s vrata.

8. Vratar izvodi udarac s vrata. Udarena lopta pređe liniju kaznenog prostora u teren za igru, udari sudiju i, nošena jakim vjetrom, vraća se ponovo u kazneni prostor. Vratar, vidjevši napadačkog igrača kako iz terena za igru trči prema lopti, ponovno nogom izbija loptu, ali na glavu natrčalog napadačkog igrača koji loptu glavom uputi u vrata. Odluka sudije?

Pogodak ne priznati, dosuditi indirektan slobodan udarac za napadačku ekipu s mjesta gdje je vratar drugi put igrao loptom.

9. Udarac s vrata izvodi odbrambeni igrač. Prije nego što je cijela lopta prešla granicu kaznenog prostora u teren za igru, vratar odbrambene ekipe udari rukom po licu igrača koji je izvodio udarac s vrata. Odluka sudije?

Igru zaustaviti, isključiti vratara te ponoviti udarac s vrata.

10. Igrač koji nije vratar izvodi udarac s vrata i lopta izade iz kaznenog prostora u igru, ali je jaki vjetar vrati nazad, a da je nije dodirnuo neki drugi igrač. Igrač odbrambene ekipe, koji nije vratar, igra loptom svojim rukama unutar kaznenog prostora. Odluka sudije?

Sudija će zaustaviti igru i dosuditi kazneni udarac. Ako sudija smatra da je igrač također kriv zbog sprječavanja obećavajućeg napada ili zbog onemogućavanja igrača protivničke ekipe u izglednoj šansi za postizanje pogotka, dodatno će biti disciplinski kažnjen u skladu sa PNI.

11. Vratar izvede udarac s vrata i lopta izade iz kaznenog prostora u igru, ali je jaki vjetar vrati natrag, a da je nije dodirnuo neki drugi igrač. Dodirivanjem lopte rukama vratar nastoji zaustaviti loptu kako ne bi ušla u vrata, ali ne uspijeva. Odluka sudije?

Sudija treba dosuditi indirektan slobodan udarac u korist protivničke ekipe zbog toga što je vratar drugi put igrao loptom*.

12. Može li se protiv ekipe koja izvodi udarac s vrata dosuditi kazneni udarac?

Da, pod uslovom da je lopta napustila granice kaznenog prostora u teren za igru i da se, nošena vjetrom ili odbijena od sudiju, vrati u kazneni prostor, a odbrambeni igrač igra namjerno loptu rukom.

13. Izvodi se udarac s vrata. Lopta pređe 10 metara, tada na nju natrči protivnički igrač i uputi nogom loptu u vrata. Odluka sudije?

Sudija će dosuditi ponovno izvođenje udarca s vrata (lopta nije bila u igri jer nije izašla izvan kaznenog prostora u teren za igru).

14. Igrač koji je pravilno izveo udarac s vrata namjerno igra rukom kada je lopta napustila kazneni prostor, ali prije nego što ju je dodirnuo neki drugi igrač. Odluka sudije?

Sudija dosuđuje direktan slobodan udarac za protivničku ekipu. Ako sudija smatra da je igrač također kriv zbog sprječavanja obećavajućeg napada ili zbog onemogućavanja igrača protivničke ekipe u izglednoj šansi za postizanje pogotka, dodatno će biti disciplinski kažnjen u skladu sa PNI.

15. Nakon što je izведен udarac s vrata, ali prije nego što je lopta izašla izvan kaznenog prostora, protivnički igrač uđe u kazneni prostor i na njemu prekršaj napravi odbrambeni igrač. Odluka sudije?

Igrač koji je načinio prekršaj može biti disciplinski kažnjen u skladu s PNI, a udarac s vrata se ponavlja.

16. Kada igrač izvodi udarac s vrata, lopta udari sudiju unutar kaznenog prostora i ode dalje u igru. Odluka sudije?

Nije potrebno poduzimati nikakve mjere. Lopta ostaje u igri nakon što se odbila od sudije u teren za igru.

17. Igrač izvodi udarac s vrata i lopta pređe poprečnu liniju, a da nije izašla izvan kaznenog prostora. Odluka sudije?

Udarac s vrata se ponavlja.

18. Kada je udarac s vrata ispravno izveden?

- lopta mora mirovati i mora je udariti igrač odbrambene ekipe, s bilo kojeg mjesto unutar vratarevog prostora
- protivnički igrači moraju se nalaziti izvan kaznenog prostora sve dok lopta ne uđe u igru
- lopta je u igri kada cijela prijeđe granične linije kaznenog prostora, u teren za igru

19. Igrač napadačke ekipe, zatekao se unutar kaznenog prostora i nije imao vremena izaći prije nego je vratar brzo izveo udarac s vrata. Napadač potrči za tom loptom i presretne je u trenutku kada je već napustila granice kaznenog prostora te preciznim udarcem prebací vratara i postigne pogodak. Odluka sudiјe?

Sudija će dosuditi ponavljanje udarca s vrata. Sudija ne smije dozvoliti da napadač stekne prednost zbog izostanka napuštanja kaznenog prostora. Napadač koji se zatekao unutar kaznenog prostora ne smije dodirnuti loptu sve dok loptu ne dodirne drugi odbrambeni igrač.

20. Pri udarcu s vrata, igrač odbrambene ekipe namjerno igra loptom prije nego ona napusti kazneni prostor. Odluka sudiјe?

Od sudije se traži da bude pažljiv u ovakvima situacijama i da procjeni čini li to igrač iz taktičkih razloga. Ako igrač namjerno pokušava potrošiti vrijeme na ovakav način, sudija će ga opomenuti zbog nesportskog ponašanja, udarac s vrata ponoviti i po potrebi nadoknaditi potrošeno vrijeme.



IFAB®

Pravilo



Udarac iz ugla

Udarac iz ugla se dosuđuje kada cijela lopta koju je posljednji dodirnuo igrač odbrambene ekipe, pređe preko poprečne linije, bilo po zemlji ili vazduhu, a da nije postignut pogodak.

Pogodak se može postići direktno iz udarca iz ugla, ali samo u protivnička vrata; ako lopta direktno uđe u vrata izvođača udarca iz ugla dosuđuje se udarac iz ugla za protivničku ekipu.

1. Procedura

- Lopta mora biti postavljena unutar ugaonog prostora najbližem mjestu gdje je lopta prešla poprečnu liniju
- Lopta mora mirovati i mora biti udarena od strane igrača napadajuće ekipe
- Lopta je u igri kada je udarena i jasno pokrenuta; nije potrebno da lopta napusti ugaoni prostor
- Koplje sa zastavicom na uglu terena ne smije se pomjerati
- Protivnički igrači se moraju nalaziti najmanje 9,15 metara (10 jardi) od ugaonog luka dok lopta ne bude u igri

2. Prekršaji i kazne

Nakon što lopta uđe u igru, ako izvođač udarca iz ugla dodirne loptu prije nego što je dodirnula drugog igrača, dosuđuje se indirektan slobodan udarac; a ako je izvođač udarca iz ugla namjerno igrao rukom:

- dosudit će se direktan slobodan udarac
- dosudit će se kazneni udarac, ako se prekršaj desio unutar kaznenog prostora izvođača, osim ako je izvođač bio vratar. Tada se dosuđuje indirektan slobodan udarac.

Ako igrač koji ispravno izvodi udarac iz ugla namjerno udari loptom protivničkog igrača kako bi ponovo igrao loptom, ali ne na neoprezan ili bezobziran način, niti koristeći prekomjernu snagu, sudija će dozvoliti nastavak igre.

Za svaki drugi prekršaj ovog Pravila, udarac iz ugla se mora ponoviti.

IFAB®



Pravilo 17

pitanja i odgovori

1. Izveden je udarac iz ugla tako da izvođač direktno uputi loptu u protivnička vrata. Odluka sudije?

Pogodak priznati.

2. Igrač izvodi udarac iz ugla na pravilan način. Prije nego je loptu dodirnuo drugi igrač, izvođač udarca ponovo udara loptu nogom. Odluka sudije?

Sudija će zaustaviti igru i dosuditi indirektan slobodan udarac za protivničku ekipu, sa mesta gdje je igrač drugi put igrao loptom.

3. Igrač izvodi udarac iz ugla na pravilan način. Prije nego je loptu dodirnuo drugi igrač, izvođač udarca ponovo udara loptu rukom. Odluka sudije?

Sudija će zaustaviti igru i dosuditi direktan slobodan udarac za protivničku ekipu, sa mesta gdje je igrač udario loptu rukom, ili kazneni udarac ako je igrač igrao rukom unutar sopstvenog kaznenog prostora.

4. Igrač izvodi udarac iz ugla na pravilan način. Protivnički igrač postavio se na udaljenost 9,15 metara od korner zastavice. Odluka sudije?

Sudija će zatražiti od protivničkog igrača da se pomakne na udaljenost 9,15 metara od ugaonog luka, odnosno u visini oznake koja označava tu udaljenost i iscrtava se izvan terena za igru.

5. Lopta je postavljena unutar ugaonog luka. Igrač koji izvodi udarac iz ugla udari loptu, koja se jasno pokrene, a tada njegov saigrač jakim udarcem uputi direktno loptu u protivnička vrata. Odluka sudije?

Pogodak priznat.

6. Lopta je postavljena izvan ugaonog luka i izvođač postigne pogodak protivničkoj ekipi. Odluka sudije?

Pogodak ne treba priznati i treba ponoviti udarac iz ugla

7. Izvođač kojem smeta koplje zastavice jednostavno ga baci i tada želi izvesti udarac iz ugla. Odluka sudije?

Sudija igraču neće dozvoliti izvođenje udarca iz ugla sve dok koplje ne bude postavljeno na mjesto. Izvođač će biti opomenut (žuti karton) zbog nesportskog ponašanja.

8. Kada se izvodi udarac iz ugla, koji je ispravan način postavljanja lopte u ugaoni luk?

Lopta mora biti postavljena unutar ugaonog prostora najbližem mjestu gdje je lopta prešla poprečnu liniju. Dijagram ilustruje ispravne i neispravne položaje.



9. Mora li lopta napustiti ugaoni luk da bi bila u igri?

Ne. Lopta je u igri kada je udarena i kada se jasno pomakne.

10. Kada smatramo da je udarac iz ugla ispravno izveden?

Lopta mora biti postavljena unutar ugaonog prostora najbližem mjestu gdje je lopta prešla poprečnu liniju

Lopta mora mirovati i mora biti udarena od strane igrača napadajuće ekipe

Lopta je u igri kada je udarena i jasno pokrenuta; nije potrebno da lopta napusti ugaoni prostor

Koplje sa zastavicom na uglu terena ne smije se pomjerati

Protivnički igrači se moraju nalaziti najmanje 9,15 metara (10 jardi) od ugaonog luka dok lopta ne bude u igri

11. Igrač ekipe koja napada izvede udarac iz ugla na način da smo dodirne loptu koja se jedva vidljivo pokrene i udalji se od lopte. Igrač odbrambene ekipe, koji je bio ispravno udaljen 9,15 metara od lopte, pritrči i igra loptom. Odluka sudije?

Sudija će zaustaviti igru i dosuditi ponavljanje udarca iz ugla, jer se lopta nije nalazila u igri. Lopta je u igri kada je udarena i jasno pokrenuta.

12. Ukoliko igrač, koji pravilno izvodi udarac iz ugla, namjerno udari loptom protivničkog igrača kako bi ponovo igrao loptom, ali ne na neoprezan ili bezobziran način, niti koristeći prekomjernu snagu. Odluka sudije?
Sudija dopušta nastavak igre.

13. Lopta je postavljena unutar ugaonog luka i izvodač postigne pogodak u vlastita vrata. Odluka sudije?

Sudija neće priznati pogodak već će dosuditi udarac iz ugla za protivničku ekipu.

Praktična uputstva

za službena lica utakmice

Uvod

Ove smjernice sadrže praktične savjete za službena lica koji nadopunjaju informacije u odjeljku Pravila igre.

U Pravilu 5 savjetuju se sudije koji djeluju u okviru Pravila igre da pažnju posvete i "duhu igre". Očekuje se da koriste zdrav razum i primijene "duh igre" pri primjeni pravila igre, pogotovo pri donošenju odluka vezanih za mjesto i / ili nastavak.

To je osobito izraženo u nižim razinama nogometa, gdje ne mora biti uvijek moguće da se Pravilo strogo primjenjuje. Na primjer, osim ako su u pitanju sigurnosna pitanja, sudija treba dopustiti da igra započne / nastavi ako:

- nedostaje jedna ili više zastavica u ugлу
- postoji manja netočnost s oznakama na igralištu kao što je kutna površina, središnji krug itd.
- stative / prečka nisu bijeli

U takvima slučajevima, sudija bi trebao, uz suglasnost timova, igrati / nastaviti utakmicu i mora podnijeti izvješće nadležnim tijelima.

Ključ:

- AR = asistent sudija
- AAR = dodatni asistent sudija

Pozicioniranje, kretanje i timski rad


Općenito pozicioniranje i kretanje

Najbolja pozicija je ona iz koje sudija može donijeti ispravnu odluku. Sve preporuke o pozicioniranju moraju se prilagoditi specifičnim informacijama o timovima, igračima i događajima u utakmici.

Položaji preporučeni u grafici su osnovne smjernice. Riječ "zona" je preporučena pozicija ili područje unutar kojeg će sudija vjerojatno biti najučinkovitiji. Zona može biti veća, manja ili različito oblikovana ovisno o točnim okolnostima.

Preporuke:

- Igra bi trebala biti između sudije i AR
- AR treba biti u vidnom polju sudije tako da sudija treba koristiti široki dijagonalni sistem kretanja
- Kretanje izvan zone igre omogućava lakše držanje u vidokrugu asistenta i igre
- Sudija mora biti dovoljno blizu da vidi igru, ali bez ometanja igre
- "Što treba vidjeti" nije uvijek u blizini lopte. Sudija također treba obratiti pozornost na:
 - sukoba igrača bez lopte
 - moguće prekršaje u području na kojem se igra kreće
 - prekršaji koji se javljaju nakon što je lopta odigrana



Pozicioniranje asistenata i dodatnih asistenata

AR mora biti u liniji s pretposljednjim igračem odbrane ili loptom ako je bliža golu od pretposljednjeg igrača odbrane. AR mora uvjek biti okrenut licem prema igralištu, čak i kada trči. Treba se koristiti bočnim trčanjem na kratkim dionicama. To je osobito važno kada prosuđuje nedozvoljenu poziciju jer mu daje bolji ugao gledanja.

Pozicija AAR je iza linije gola, osim kada je potrebno kretati se po liniji gola za procjenu da li je pogodak ili ne. AAR nije dopušteno ući u igralište osim ako postoje izuzetne okolnosti.



2. Pozicioniranje i timski rad


Konsultacije

Kada se bave disciplinskim mjerama, kontakt očima i blagi diskretni signal rukom od AR-a prema sudiji može biti dovoljan. Kada je potrebna direktna konsultacija, AR može ući 2-3 metra u teren ako je potrebno.

Kada se konsultuju, sudija i AR trebaju biti licem prema terenu kako bi izbjegli da ih čuju drugi i kako bi mogli promatrati igrače i teren.



Udarac iz ugla



Položaj AR-a kod udarca iz ugla je iza ugaone zastave u liniji gola ali AR ne smije ometati izvođača i mora provjeriti je li lopta pravilno postavljena u ugaoni luk.



Slobodan udarac

Pozicija AR kod slobodnog udarca mora biti u liniji sa pretposljednjim igračem odbrane kako bi mogao procijeniti nedozvoljenu poziciju. Također, AR mora biti spremjan da prati loptu krećući se po uzdužnoj liniji prema korner zastavici u slučaju direktnog šuta u gol.






Pogodak/nije pogodak

Kada je postignut pogodak i nema sumnje, sudija i asistent moraju načiniti kontakt očima i asistent mora brzo istrčati 25-30m po uzdužnoj liniji prema središnjoj bez podizanja zastavice.

Kada je postignut pogodak ali lopta izgleda kao da je i dalje u igri, asistent mora podići zastavicu kako bi privukao pažnju sudija a potom nastaviti po proceduri kada je normalno postignut pogodak (trčanje 25-30m po uzdužnoj prema središnjoj liniji).

U situacijama kada cijela lopta nije prešla gol liniju i igra naravno nije zaustavljena jer pogodak nije postignut , sudija mora načiniti kontakt očima sa asistentom i ako je potrebno diskretni signal rukom.




Udarac s vrata

Asistent sudija (AR) prvo mora provjeriti da li je lopta unutar vratarevog prostora. Ako lopta nije ispravno postavljena, AR se ne pomjera sa mjesta, čini kontakt očima sa sudijom i podiže zastavicu. Kada je lopta postavljena ispravno u vratarevom prostoru, AR se mora pomjeriti na ivicu kaznenog prostora i provjeriti da li će lopta napustiti kazneni prostor (biti u igri) i da su pri tome napadači izvan kaznenog prostora.

Konačno, AR mora zauzeti poziciju da prati liniju nedozvoljene pozicije.


Međutim, ako ima i dodatni asistent sudija (AAR), AR treba zauzeti liniju u visini kaznenog prostora i potom u liniji nedozvoljene pozicije, a AAR mora biti postavljen na sjecištu poprečne linije i linije vratarevog prostora i provjeriti da li je lopta postavljena unutar vratarevog prostora. Ako nije AAR to mora javiti sudiji putem komunikacija.



Vratar se oslobađa lopte


AR mora zauzeti poziciju u visini kaznenog prostora i kontrolisati da vratar ne iznese loptu u ruci izvan kaznenog prostora.

Kada se vratar osloboodi lopte AR mora zauzeti poziciju za praćenje linije pretposljednjeg igrača odbrane.




Početni udarac

Asistenti moraju biti u liniji sa pretposljednjim igračem odbrane.




Udarci za dobijanje pobjednika

Jedan asistent mora biti na sjecištu poprečne i linije vratarevog prostora. Drugi mora biti u središnjem krugu da kontroliše igrače. Ako imaju i dodatni asistenti , oni moraju biti na sjecištima poprečne i linije vratarevog prostora sa obje strane gola, osim kada ima gol tehnologija i tada je potreban samo jedan dodatni asistent. Drugi dodatni i prvi asistent trebaju motriti igrače u središnjem krugu, a drugi asistent i četvrti sudija trebaju nadgledati tehničke prostore.




Kazneni udarac

Asistent mora biti postavljen na sjecištu poprečne i linije kaznenog prostora.



Ako ima dodatni asistent on mora biti postavljen na sjecištu poprečne i linije vratarevog prostora, a asistent u visini tačke za izvođenje (to je sada linija ofsajda).



Masovne konfrontacije

U slučaju masovnih konfrontacija, najbliži asistent može ući u teren da pomogne sudiji. Drugi asistent mora gledati i bilježiti detalje incidenta. Četvrti sudija treba ostati fokusiran na tehničke prostore.

Preporučena udaljenost

Kada je dosuđen slobodan udarac u neposrednoj blizini asistenta, on može ući u teren da pomogne sudiji pri udaljavanju igrača na propisanu udaljenost od 9,15 m (obično na zahtjev sudije). U ovom slučaju sudija mora sačekati da se asistent vrati na svoju poziciju prije nastavka igre.

Zamjene

Ako nema četvrтog sudije, asistent ide na poprečnu liniju da provede proceduru zamjene; sudija mora čekati dok se asistent ne vrati na svoju poziciju prije nastavka igre.

Ako ima četvrti sudija, asistent se ne treba postavljati na poprečnu liniju, jer četvrti brine o proceduri zamjene osim ako nije u pitanju više zamjena, tada asistent pomaže



IFAB®

adidas



Govor tijela komunikacija i pištaljka

1. Sudije

Govor tijela

Govor tijela je alat koji sudije koriste da:

- lakše kontrolišu utakmicu
 - pokažu autoritet i samokontrolu
- Govor tijela nije objašnjavanje odluke.

Signalni

Vidi Pravilo 5 i dijagram signala

Pištaljka

Pištaljka se koristi za:

- Početak igre (prvo i drugo poluvrijeme regularnog toka i produžetaka), nakon pogotka
- zaustavljanje igre:
 - slobodan ili kazneni udarac
 - ako se meč zaustavlja ili prekida
 - na kraju svakog poluvremena
- nastavka igre:
 - slobodni udarci kada se traži odgovarajuća udaljenost
 - kazneni udarci
- nastavak igre nakon što je zaustavljena zbog:
 - žutog ili crvenog kartona
 - povrede
 - zamjene

Pištaljka se NE koristi kod:

- zaustavljanja igre zbog jasnog:
 - udarca s vrata, udarca iz ugla, ubacivanja ili postignutog pogotka
- nastavka igre iz:
 - većine slobodnih udaraca, udarca s vrata, udarca iz ugla, ubacivanja i spuštanja lopte.

Pištaljka koja se prečesto/bespotrebno koristi će imati manje uticaja kada to bude potrebno.

Ako sudija želi da igrač(i) čeka njegov znak pištaljkom prije nastavka igre (npr. da osigura udaljenost 9,15m) on mora jasno pokazati napadaču da sačeka njegov znak pištaljkom.

Ako sudija puhne u pištaljku nemamjerno i greškom zaustavi igru, istu će nastaviti spuštanjem sudske lopte.

2. Asistenti

Beep signal

Beep signal sistem je dodatni sistem koji se koristi samo u slučaju kada je potrebno privući pažnju sudije. Situacije kada se koristi signal mogu biti:

- ofsajd
- prekršaji (izvan vidnog polja sudije)
- ubacivanje, udarac iz ugla, udarac s vrata ili pogodak (teške odluke)

Elektronski komunikacijski sistem

Kada se koristi ovaj sistem sudija savjetuje asistente da ga koriste koliko god je to moguće sa ili umjesto fizičkih signala.

Tehnika zastavice

Zastavica mora uvijek biti vidljiva sudiji i razmotana. Ovo obično znači da se ona nosi u ruci koja je bliža sudiji. Kada signalizira asistent treba stajati, licem okrenut prema terenu, uz obavezni kontakt očima sa sudjom i podignuti zastavicu namjerno/umjereno (ne užurbano/slučajno ili pretjerano).

Zastavica treba izgledati kao produžena ruka. Asistenti moraju podići zastavicu

rukom koja će biti korištena za sljedeći signal. Ako se promijene okolnosti i bude potrebno da se koristi druga ruka, asistent treba prebaciti zastavicu u drugu ruku ispod pojasa. Ako asistent signalizira da je lopta van igre, signal mora biti duži sve dok to ne vidi sudija.

Ako asistent signalizira prekršaj za crveni karton i sudija to ne vidi:

- ako se igra zaustavi, nastavak mora biti promijenjen u skladu sa Pravilima (slobodan udarac, kazneni i td).
- ako je igra nastavljena, sudija i dalje može poduzeti disciplinsku, ali ne može tehničku tj kazniti prekršaj slobodnim ili kaznenim udarcem.

Geste

Generalno je pravilo da asistenti ne koriste očigledne signale rukom. Ipak, u nekim situacijama, može diskretno signalizirati sudiji. Taj signal rukom treba imati jasno značenje koje se dogovori prije utakmice na sudačkom brifingu.

Signali

Vidi Pravilo 6 sa slikama signala.

Udarac iz ugla/sa vrata

Kada lopta cijela pređe preko poprečne linije asistent podiže zastavicu desnom rukom (bolji ugao gledanja) da izvijesti sudiju da je lopta van igre i onda ako je:

- bliže asistentu – pokaže da li je udarac iz ugla ili sa vrata
- dalje od asistenta – načini kontakt očima i prati sučevu odluku

Kada lopta jasno pređe preko poprečne linije asistent ne treba podizati zastavicu da pokaže da je cijela lopta napustila teren. Ako je očigledan udarac iz ugla ili sa vrata također ne treba podizati zastavicu, a pogotovo ako je sudija već dao znak.

Prekršaji

Asistent mora podići zastavicu kada je načinjen prekršaj ili nedozvoljeno ponašanje u njegovoj neposrednoj blizini ili izvan vidnog polja sudije. U svim drugim slučajevima asistent mora čekati i ponuditi svoje mišljenje sudiji ukoliko je to potrebno, a vezano je za to što je video ili čuo te brojeve igrača koji su bili umiješani.

Prije signaliziranja prekršaja asistent mora utvrditi da je:

- prekršaj načinjen izvan vidokruga sudije, ili mu je bio zaklonjen
- sudija ne bi primijenio prednost

Kada se desi prekršaj koji zahtijeva signalizaciju asistenta, on mora:

- podići zastavicu rukom koju će koristiti u narednog signalu – ovo sudiji daje jasan znak za koga će biti slobodan udarac
- načinuti kontakt očima sa sudijom
- lagano njihati zastavicu (bez ikakvih naglih ili agresivnih trzaja)

Asistent mora koristiti „sačekaj i vidi“ tehniku da bi dozvolio razvoj igre i ne dizati zastavicu kada će tim nad kojim je načinjen prekršaj ostvariti veću prednost iz puštanja nastavka igre; Stoga je veoma važno za asistente da ostvare kontakt očima sa sudijom.

Prekršaji u kaznenom prostoru

Kada odbrambeni igrač načini prekršaj u vlastitom kaznenom prostoru a izvan vidokruga sudije, pogotovo bliže asistentu, on mora prvo ostvariti kontakt očima sa sudijom da vidi gdje je on pozicioniran i koju je akciju poduzeo. Ako ništa nije poduzeo, asistent mora signalizirati zastavicom, koristiti beep signal i onda se vidno kretati niz uzdužnu liniju prema korner zastavici.

Prekršaji izvan kaznenog prostora

Kada odbrambeni igrač načini prekršaj izvan vlastitog kaznenog prostora (blizu linije kaznenog prostora), asistent treba uspostaviti kontakt očima sa sudijom, da vidi njegovu poziciju i koju mjeru će poduzeti i ako je potrebno signalizirati zastavicom. U situaciji kontra-napada, asistent treba dati informaciju da li je prekršaj načinjen i ne, ako jeste da li je unutar kaznenog prostora i koju disciplinsku mjeru izreći. Asistent treba načiniti jasan trk uz uzdužnu liniju prema središtu terena da pokaže kada je prekršaj načinjen izvan kaznenog prostora.

Pogodak – nije pogodak

Kada je jasno da je lopta cijela prešla gol liniju, asistent mora načiniti kontakt očima sa sudijom bez ikakvog signala.

Kada je postignut pogodak ali nije jasno da li je cijela lopta prešla gol liniju, asistent mora prvo podići zastavicu da privuče pažnju sudije, a zatim potvrditi pogodak.

Ofsajd

Prvo šta radi asistent kod ofsajd pozicije je da podigne zastavicu (desnom rukom, zbog boljeg ugla gledanja) a potom ako sudija zaustavi igru, zastavicom pokaže na kojem dijelu terena je načinjen prekršaj. Ako zastavica nije odmah primijećena od strane sudije, asistent je mora držati podignutu sve dok je sudija ne primijeti ili lopta ne bude jasno pod kontrolom odbrambene ekipe.

Kazneni udarac

Ako vratar latantno prekrši pravilo i pomjeri se prema naprijed prije nego izvođač udari loptu i pogodak ne bude postignut, asistent mora podići zastavicu.

Zamjena

Nakon što je obaviješten o zahtjevu za izmjenu (od strane četvrtog sudiju ili službenog predstavnika) asistent mora to signalizirati sudiji u prvom narednom prekidu.

Ubacivanje

Kada lopta cijela pređe preko uzdužne linije:

- bliže asistentu – odmah pokazuje za koga je ubacivanje
- dalje od asistenta , ali je siguran jer je jasna situacija – odmah pokazati za koga je ubacivanje
- dalje od asistenta, ali nije siguran za koga je – podignuti zastavicu da obavijesti sudiju da je lopta van igre, načiniti kontakt očima sa sudijom i slijediti njegov signal.

3. Dodatni asistenti

Dodatni asistenti koriste radio komunikacijski sitsem (ne zastavice) da pričaju sa sudijom. Ako radio sistem zakaže, koristiti će elektronski beep signal na štapovima koje nose. Dodatni asistenti uglavnom ne koriste jasne signale rukom, ali u nekim slučajevima diskretni signal rukom može biti od velike pomoći sudiji. Taj signal treba imati jasno značenje i biti dogovoren ranije na sudačkom brifingu pred utakmicu.

Ukoliko dodatni asistent utvrdi da je cijela lopta ušla u vrata, on mora:

- odmah izvijestiti sudiju putem komunikacijskog sistema da je postignut pogodak
- jasno signalizirati lijevom rukom okomitom na gol liniju usmjerenom prema središtu igrališta (štap u lijevoj ruci je također potreban).

Ovaj signal nije potreban kada lopta jasno uđe u vrata.

Sudija donosi konačnu odluku.

Ostali savjeti

1. Prednost

Sudija može primijeniti prednost kada se dogodi bilo koji prekršaj, ali treba razmotriti sljedeće prilikom odlučivanja da li je bolja prednost ili zaustavljanje igre:

- ozbiljnost prekršaja – ako prekršaj zahtijeva isključenje, sudija mora zastaviti igru i isključiti igrača osim ako je u pitanju izgledna mogućnost za postizanje gola.
- Pozicija gdje je načinjen prekršaj – što bliže protivničkom golu to je veća mogućnost da se pusti prednost koja će imati efekta
- šanse za brzi obećavajući napad
- atmosfera na utakmici

2. Nadoknada izgubljenog vremena

Većina zaustavljanja igre je u potpunosti prirodna (npr. Ubacivanja, udarci s vrata).


Nadoknada se pravi samo kada su odgađanja nastavka usiljena.

3. Držanje protivnika


Podsjećamo sudije da preventivno i na vrijeme reaguju na sprječavanju prekršaja kao što je držanje protivnika, naročito u kaznenom prostoru prilikom udarca iz ugla i slobodnih udaraca. Za sprječavanje ovih prekršaja potrebno je sljedeće:

- sudija mora, prije nego lopta bude u igri, upozoriti sve igrače da ne drže protivnika
- opomenuti igrača ako nastavi sa držanjem prije nego lopta bude u igri
- dosuditi direktan slobodan udarac ili kazneni udarac i opomenuti igrača ako se to desi kada je lopta u igri.


4. Nedozvoljena pozicija




Napadač u nedozvoljenoj poziciji (A), ne utičući na protivnika, dotakne loptu.
Asistent sudija mora podići zastavicu kada takav igrač dotakne loptu.




Napadač u nedozvoljenoj poziciji (A), ne utičući na protivnika, ne dotakne loptu.
Igrač nije dotakao loptu dakle ne može biti kažnjen.




Napadač u nedozvoljenoj poziciji (A) trči prema lopti kao i njegov saigrač koji je u dozvoljenoj poziciji (B) i koji igra loptom. (A) nije dotakao loptu dakle ne može biti kažnjen.




Igrač u nedozvoljenoj poziciji (A) može biti kažnjen prije nego odigra ili dotakne loptu, ako, po mišljenju sudije, nijedan drugi saigrač koji je u dozvoljenoj poziciji ne može igrati loptom.




Nападач у недозвољеној позицији (1) трчи према лопти и не дотакне је. Асистент мора сигнализирати ударач са врата.



Нападач у недозвољеној позицији (A) јасно омета видно полje вратара. Играч мора бити каžњен zbog sprječavanja protivnika da igra ili bude u mogućnosti igrati lopтом.




Napadač u nedozvoljenoj poziciji (A) ne zaklanja vidno polje vratara niti se bori sa protivnikom za loptu.




Napadač u nedozvoljenoj poziciji (A) trči prema lopti ali ne sprječava protivnika da neometano igra loptom.


(A) se ne bori sa protivnikom (B) za loptu.




Napadač je u nedozvoljenoj poziciji (A) i trči prema lopti te tako sprječava protivnika (B) da igra ili bude u prilici igrati loptom jer se dakle bori za loptu. (A) je u borbi za loptu sa (B).




Napadač u nedozvoljenoj poziciji (B) je kažnjen zbog igranja ili diranja lopte koja se odbila, skrenuta je ili je odigrana nakon namjerne odbrane vratara, a on je prethodno, prije nego je njegov saigrač uputio loptu.




Napadač je u **nedozvoljenoj poziciji** (B) i kažnjen je zbog diranja ili igranja lopte koja se odbila ili je skrenuta ili je plod namjerne odbrane odbrambenog tima (C) jer je bio u nedozvoljenoj poziciji prilikom upućivanja ili šutiranja lopte od strane njegovog saigrača.



Šut saigrača (A) odbije se od vratara, a (B) je u dozvoljenoj poziciji i igra loptom, (C) je u nedozvoljenoj poziciji ali se ne kažnjava jer nije izvukao prednost iz te pozicije jer nije dirao loptu.



Šut saigrača (A) odbije se ili skrene od protivnika i dođe do napadača (B) koji se kažnjava zbog igranja ili diranja lopte jer je prethodno bio u nedozvoljenoj poziciji.



Napadač (C) je u nedozvoljenoj poziciji , ne utiče na protivnika, kada njegov saigrač (A) dodaje loptu do igrača (B1) koji u dozvoljenoj poziciji trči prema protivničkom golu i potom dodaje (B2) saigraču (C).

Napadač (C) je u tom trenutku u dozvoljenoj poziciji i ne može biti kažnjen.

5. Postupanje nakon žutog ili crvenog kartona

Prije je , nakon ukazane pomoći povrijeđeni igrač morao napustiti teren za igru prije njenog nastavka. Ovo može biti nefer jer protivnička ekipa ostaje brojčano nadmoćna na terenu.

Ipak, ovo je bilo preporučljivo jer su igrači često nesportski iz taktičkih razloga koristili medicinsku pomoć za odugovlačenje nastavka igre.

Kao kompromisno rješenje između ove dvije situacije IFAB je odlučio da jedino u slučaju prekršaja zbog kojeg protivnik dobije žuti ili crveni karton povrijeđeni igrač nakon ukazane brze medicinske pomoći u terenu za igru ne mora napustiti isti prije nastavka igre.

U principu, odlaganje nastavka ne bi trebalo trajati duže od uobičajenog ulaska medicinske ekipe u slučaju povrede igrača. Razlika je sada jer se samo čeka da teren napusti medicinsko osoblje, a povrijeđeni igrač ukoliko želi i može ostati.

Da bi osigurali da povrijeđeni igrači ne zloupotrebljavaju ovakve stvari sudijama se preporučuje:

- budite svjesni situacije u utakmici i mogućih odugovlačenja iz taktičkih razloga
- obavijestite povrijeđenog igrača da ukoliko uđe medicinska ekipa, tretman mora biti brz
- dajte signal medicinskoj ekipi/osobi (ne nosačima nosila) i koliko je moguće podsjetite ih da budu brzi

Kada sudija odluči nastaviti igru mora biti siguran da je:

- medicinsko osoblje napustilo teren, a igrač ostao ili igrač također napustio teren zbog daljeg tretmana povrede (signal nosačima treba dati)

Kao generalna smjernica , odlaganje nastavka ne bi trebalo trajati duže od 20–25 sekundi.

Sudija mora nadoknaditi izgubljeno vrijeme.


A female soccer referee is shown from the waist up, wearing a yellow short-sleeved shirt with a black mesh panel on the back. She has a black armband on her left upper arm with the word "REFEREE" and a logo. A small rectangular patch on her right sleeve says "WORLD REFEREE FOR PEACE". She is wearing dark blue shorts and a black belt. Her hair is pulled back in a braid. She is holding her right hand to her ear, possibly listening to a communication device. The background is a blurred green field.

IFAB®

Zabilješke

Zabilješke

Zabilješke







IFAB®

THE
INTERNATIONAL
FOOTBALL
ASSOCIATION
BOARD